

MATEO

Kalε Wĩ a Ndε Ayekĩ Mateo Tsεε Ke a

Yesu Kristo Bawanyo Buĩ Kakã Katsa.

^I Ade Yesu Kristo kĩ enye Dawid owa, kĩ Dawid lemε nye Abraham owa a bawanyo kasinu buĩ nε awĩ a.

^{II} Kito Abraham akũ keyawo Legã Dawid akũ bawanyo a kama kame nye Abraham ma Isak, Isak ma Yakob,

^{III} ade Yakob ma Yuda mo bawaenyole a. Yuda mo otsõ Tamai ma Perez mo Zera. Perez ma Hezron, Hezron lemε ma Aram.

^{IV} Aram ma Aminadab, Aminadab ma Naheson,

^V ade Naheson ma Salmon a. Salmon mo Rahab ma Boaz, ade Boaz mo Rut ma Obed a. Obed ma Isai,

^{VI} ade Isai lemε ma Legã Dawid a.

Kito Dawid akũ kenawo loko a kĩ bipili Israelfo ndom benamena Babilonia tite akũ a ni, ade bawanyo a kasinu buĩ nε awĩ a.

Dawid mo otsole a kĩ kufe enye Uria otsõ a ma Salomo.

^{VII} Salomo ma Rehoboam, Rehoboam ma Abiya, Abiya ma Asa.

^{VIII} Asa ma Yosafat, Yosafat ma Yoram, Yoram ma Uziya.

^{IX} Uziya ma Yotan, Yotan ma Ahaz, Ahaz lemε ma Hezekiya.

X Hezekiya ma Manase, Manase ma Amon, Amon ma Yosiya,

XI ade Yosiya ma Yekoniya mo ye bawaenyole a.

XII Kito Israelfo kamuniki kato Babilonia keyawo Yesu kama loko a, bawanyo a kasinu bui nye Yekoniya ma Sealtiel, Sealtiel ma Zerubabel,

XIII Zerubabel leme ma Abihud. Abihud ma Elyakim, Elyakim ma Azur,

XIV ade Azur ma Zadok, Zadok ma Akim, Akim leme ma Elihud.

XV Elihud ma Eleazar, Eleazar ma Matan, ade Matan ma Yakob.

XVI Yakob ma Yosef a ki ekoa Maria a, ki ema Yesu a ki bave Kristo a.

XVII Foesu kito Abraham aku keyawo Dawid aku ni, bawanyo ewua-ana lena ne kasinu a kame. Ade ki kito Dawid aku kenawo loko a ki Babiloniafo pili Israelfo ndom benamena be tite aku a, bawanyo ewua-ana lena ne kasinu a kame. Ki kito loko a na keyawo Kristo kama ni, bawanyo ewua-ana lena ne kasinu a na leme kame.

Yesu Kama Aku Foletsa.

XVIII Ade ayeki Yesu Kristo kama foletsa a ya ne foe kame a ne awi a. Bitinya oma Maria bekra Yosef, leme fomoo baapi ye a, Maria mo eyi osu ki etsemo koma ki kuto Huhu Kpalewa a kame.

XIX Ayeki Yosef nye oti kpili ne Baguma ane, ade etawe ki yado Maria konyoa ne bati ane su ni, ewe ki yasi ye ne kabel a kame.

XX Ki ekakona fukii aku a, boe late a ode foto onyane odi nye ye aku etsa ye ne koda kame,

ebi ye kī, “Yosef, Dawid obi, tavila Maria kakoã, kitonekī Hūhū Kpalewa a kame koma a to.

XXI Yaama obinyole, ote ye dī kī Yesu, kitonekī ye aanye ye bati etomena tokpa kame.”

XXII Foletsa kī flee ya ne foe kame, ayekī letsa a kī Baguma le eyi etsāmena ye onukpē onyene akū a foya ne foe kame kī,

XXIII “Oyitsō kī enyina onyole aatsāmo koma, ema obinyole. Baave ye Imanuel,” kī de kayo nye, “Baguma deī mo boe.”

XXIV Foesū kī Yosef nyinya a, ekōã Maria nde ayekī Baguma ode foto onyane bi ye a.

XXV Leme Yosef mo Maria táta mo akū nde otsō mo onyo aye, kenawo loko a kī ema ye obinyole a. Ade Yosef te ye dī kī Yesu a.

II

Anyansāfo To Suwa Kadekō Beya.

I Bema Yesu ne Betlehem ne loko a kī Herodes kanya legā ne Yudea tite akū a. Owi tábuna mo banyole badi kī bekole fotsa ne fusibii kadā akū to suwa kadekō beya ne Yerusalem,

II ade beyavia kī, “Ndia bema obisē a kī yaanya Yudafō legā a? Bómó ye lisibii kī lide ne suwa kadekō, ade boya kī bóasum ye a.”

III Kī Legā Herodes nu fukī a, owole bole ye mo odi nye odi ne Yerusalem a.

IV Foesū ene basofonokōē mo mbla batsane a flee ekpota evia be kī, “Ne ndia baama Kristo a?”

V Bekpa mbuaye kī, “Ne Betlehem ne Yudea tite akū, kitonekī ade letsa kī Baguma onukpē onyene tsele eyi kī,

VI 'Nɔ Betlehem ne Yuda tite akū,
 nné ɔmatɔ kabii kɔlaa anɛ
 ne Yuda tematɔ tekpale tekpale a kame.
 Kitonekī nɔ kame mɔ ɔkpāne a kī,
 yaakpā yī bati Israelfɔ a aane eto.' "

VII Foesū Herodes ve anyansāfɔ a kī bito suwa kadekɔ a enamena kabelakɔ, ade evia be lokɔ paa a kī lisibii a ne a.

VIII Ke liti a, enye be osi kī benaa Betlehem mɔ ɔledo kī, "Minaawe obisē a kawɛ wī. Nte mimó ye ni, mifɔ̃ ñnyi lokɔa yī malo nnaasum ye."

IX-X Foesū bedzakū, ade kī banaa ne osi a, bemó lisibii mɔape a kī bemó ne suwa kadekɔ a. Kī bemó de lomɔ a, kawɔle de be paa. Lenya be lotɔ tī lenafɔ̃ ledza ne kako a kī obisē a deī a lolɔ nyange.

XI Kī biwo ne kɔla a kame a, bemó obisē a mɔ ɔma Maria, ade bike aduli bisum ye a. Bibinya be futetsa a kī fɔnye sika ngbā, lifi mɔ klubɔū bekpa ye.

XII Baguma nye etsa be ne kɔda kame kī betabuki benaa Herodes sekē, foesū bimuniki betsa osi bebā bedzakū benaa ɔtɔ.

Yosef Lomɔ Maria Mɔ Yesu Benaa Egipte.

XIII Kī anyansāfɔ a dzakū a, ode fɔtɔ ɔnyane odi nye ye akū etsa Yosef ne kɔda kame ebi ye kī, "Herodes aatsā ewe obisē a kī yako ye, foesū yidza kakpā obisē a mɔ ɔma milo minaa Egipte tite akū. Mina ne awā kenaawo lokɔ a kī maabi nɔ kī mimuniki miya."

XIV Lenye lenye a na, Yosef yidza ekpā obisē a mɔ ɔma bilo benaa Egipte tite akū.

^{XV} Edzi ne awã kenawo kĩ Herodes ku. Fukĩ ya lomo ayekĩ letsa a kĩ Baguma onukpẽ onyene le eyi a foya ne foe kame kĩ, “Nve yĩ obi ntomena Egipte tite akũ.”

Herodes Fõ Beko Kubisẽnyole Ne Betlehem.

^{XVI} Kĩ Herodes mó eyi osũ kĩ anyansãfo a kĩ bito suwa kadekõ a bu ye tekõasia a ni, ena kalokpa paa. Foesũ edo bati kĩ benaako kubisẽnyole a kĩ kote futeli nviã keka, keyawo akokoa ame akũ a flee ne Betlehem, mo ye temato kĩ tifuã a flee kame. Herodes ve futeli nviã kĩ fuketimo loko a kĩ bibi ye kĩ lisibii a ne a.

^{XVII} Adeke foletsa a kĩ Baguma Onukpẽ Onyene Yermia le eyi a ya ne foe kame kĩ,

^{XVIII} “Fowola né ne Rama,
kabe mo ayoloho fowola fõane.

Rahel kabe ye babi,
ade yaátuno kĩ bedola ye owole a,
kitonekĩ ye babi ku.”

Yosef, Maria Mo Yesu Muniki Bito Egipte.

^{XIX} Kĩ Herodes ku a, ode foto onyane odi nye ye akũ etsa Yosef ne koda kame ne Egipte,

^{XX} ade ebi ye kĩ, “Yidza, kaka obisẽ a mo oma mimuniki minaa Israelfo tite akũ, kitonekĩ bikĩ bewe kĩ bako obisẽ a ku.”

^{XXI} Foesũ Yosef kpã obisẽ a mo oma bimuniki beya ne Israel tite akũ.

^{XXII} Leme kĩ Yosef nu kĩ bidzina Arkelao legã ne olega Herodes kadzakõ ne Yudea a, evila awã kanaa. Baguma buki enye foe etsa ye ne koda kame kĩ etanaa awã, foesũ edzakũ enaa Galilea amantam kame,

XXIII ade enadzi ne omato a kī bave Nazaret a kame a. Foesū foletsa a kī Baguma onukpē banyene a le biyi a ya ne foe kame kī, “Baave ye kī Nazaretni.”

III

Yohanes Mui Ōwolanε a De Letsā Ne Ōwole Kame Kadani Akū.

I Ne fuwi a na kame a, Yohanes Mui Ōwolanε a ya ne Yudea kosa a kame, ade eyi letsā kade kayo ne Baguma foletsa a akū a.

II Ele kī, “Midani mi towole kame, kitonekī Baguma legākanyakō a fuā!”

III Yohanes nyé oti a kī Baguma Onukpē Ōnyene Yesaya le kodzela ne ye akū eyi kī, “Odi lamena fowola kaboa ne kosa kame kī, ‘Miloa boe Ōlate a osi.

Mifō ye akū eyo kpī!’ ”

IV Yohanes do tetadie kī bekōa oponkopoku tatsā beno, ade ekōa oyae ovoli aboso eboomu kate a. Ye funitsā nye koolo mo kosā.

V Bati kato Yerusalem, Yudea tite flee mo tite a kī tifuā Yordan owo a flee akū kaya ne ye sekē.

VI Benye be tokpa betsa ade Yohanes wola be mui ne Yordan owo a kame a.

VII Kī Yohanes mó Farisifo mo Zadukifo beble-bee kī baya ne ye sekē kī ewola be mui a, ebi be kī, “Mi bati kī mila nde boe kpa! Owei lekpa mi kode kī milo ne soto kavele a kī Baguma aayamena a kame?”

VIII Mikena fotsa a kī fotsa kī midani mi towole kame.

IX Mitakona kī minye Abraham bawa sū, míapuli milo soto kavele a. Mabi mi kī Baguma

aapuli efõ boe kĩĩ ledani babi mo bawa ekpa Abraham.

X Bike kasõã kókõε ne futse tóbõle akũ kĩ baatsua. Kutse nye kutse kĩ kóáwũ babi wĩ ni, baakpeli koe beta bido ne fi luwotu kame.

XI “Yĩ kõ ni, nkõa mui mawõla mi mui fõtsa kĩ midani tówõle kame, leme oti a kĩ yaaya ne yĩ liti a, aakõa Hũhũ Kpalewa mo fi ewõla mi mui. Edeĩ kóbẽ kõlaa ebẽ yĩ, ade ntáfeta kĩ mawũnya mpabua ne ye abõa malo a.

XII Enεε ye kòvela ne awe kĩ yaakõa ewε ye kamõne. Yaafila ye kamõne eko ne oli kame, leme yaapila afafa a ne fi kĩ fõádĩ da a kame.”

Yohanes Wõla Yesu Mui.

XIII Ne lókõ a na kame a, Yesu to Galilea eya ne Yohanes sekẽ ne Yordan õwõ a abuĩ kĩ ewõla ye mui.

XIV Leme Yohanes we kĩ Yesu edani adzuni. Ebi Yesu kĩ, “Nõ a kĩ kene kĩ awõla yĩ mui a ni, nõ mbom leyã ne yĩ sekẽ?”

XV Leme Yesu kpa ye mbuaye kĩ, “Finyaakõ fõ fõna lomõ, kitonekĩ ade osi kĩĩ akũ bóatsã bõkena fõtsa a kĩ Baguma awe a.” Foesũ Yohanes tunõ ne foe akũ.

XVI Kĩ Yohanes wõla Yesu mui eyua a, enε ne mui a kame letaleta, ade ode binya ekpa Yesu, emõ Baguma Hũhũ kĩ yaka ndε mblõduma aye eyadzi ne ye akũ.

XVII Ade odo odi ne eto ode εle kĩ, “Ade yĩ mõawe Obi kĩ maátunõ ye kale ne awĩ a, yawo yĩ anε.”

IV

Abonsam Só Yesu Edã.

^I Ade Hũhũ Kpalɛwa a kpã Yesu enamena kɔsa kame kĩ Abonsam ɛso ye ɛdã a.

^{II} Kĩ Yesu dzi katanya, lenye mo suwa fuwi tena flee a, kɔle ko ye.

^{III} Ade Abonsam ya ne ye sekẽ ebi ye kĩ, “Nte Baguma obi ane ni, kekõ bi boe kĩ bedani bekena abodoo.”

^{IV} Lemɛ Yesu kpa mbuaye kĩ, “Katsɛle Kpalɛwa a le kĩ, ‘Nnɛ funitsã odi sũ oti adzi nkpã, mbom edzi nkpã ne kale nye kale kĩ kane kato Baguma onukpẽ kame a akũ.’ ”

^V Ade Abonsam kpã Yesu enamena Yerusalem, Ɔmato Kpalɛwa a kame a. Ekɔa ye enadzɛla ne Asɔli Kɔla ode kako geĩ a,

^{VI} ebi Yesu kĩ, “Nte Baguma obi ane ni, venya kaka kanaadza ne tite, kitonekĩ Katsɛle Kpalɛwa a le kĩ,

‘Baguma aakpa ye ode foto banyane ɔledo ne no akũ,
kĩ baakaɛ no ne be awe kame,
ayekĩ ɔláatula ne de akũ.’ ”

^{VII} Yesu kpa mbuaye kĩ, “Lemɛ Katsɛle Kpalɛwa a buki kele kĩ, ‘Taso boe Ɔlate no Baguma a ɔdã.’ ”

^{VIII} Ade Abonsam buki ekpã Yesu enamena ɔto geĩ odi kalete, ade enye katinya kame fogã kanyakõ flee, mo foe akũ obu etsa ye a.

^{IX} Abonsam bi ye kĩ, “Maakɔa fukĩ flee nkpa no, nte aake aduli osum yĩ.”

^X Yesu kpa ye mbuaye kĩ, “Satana, dzakũ ne yĩ akũ! Katsɛle Kpalɛwa a le kĩ, ‘No Ɔlate Baguma

odi kene kī akena nɔ akū ɔkpa lɔkɔa osum ye
 ɛmɛ.’ ”

XI Ade Abonsam dzakū ɛfɔne Yesu mɔ ode fɔtɔ
 banyane yabumɔ ye a.

Yesu Yi Ye Adzuma Kayɔ Ne Galilea.

XII Kī Yesu nu kī bipi Yohanes bido ne kɔla a,
 ɛdzakū enaa Galilea tite akū.

XIII Etánaadzi ne Nazaret ɔmatɔ a kame, mbom
 enadzi ne Kapernaum, ɔmatɔ ne Galilea ɔwɔ
 lutubu baū a ɔwɛ. Awã deñ ne Zebulon mɔ Naftali
 amantam a kame.

XIV Fɔya lɔmɔ nde ayekī Baguma Onukpɛ
 ɔnyene Yesaya ɛ eyi a kī,

XV “Zebulon tite mɔ Naftali tite,
 osi kī enaa mpo abuī mɔ Yordan ɔwɔ liti
 Galilea, bikī benyɛ Yudafo tite!

XVI Bati a kī bidzi ne ɔtū kame a
 mɔ ɔhaī kpale.

Ade bikī bidzi ne tite kī wuda nya te akū a,
 ɔhaī a né ɛkpa be.”

XVII Kito lɔkɔ a na, Yesu yi letsã kade kayɔ
 kī, “Midani mi tɔwɔɛ kame, kitonekī Baguma
 ɛgãkanyakɔ a fuã!”

*Yesu Ve Kɔfɔabi Banyene Ena Kī Beyaatomɔ
 Ye.*

XVIII Kī Yesu tsɛ Galilea ɔwɔ lutubu baū abuī
 yanaa a, ɛmɔ bawãnyole nviã kī benyɛ kɔfɔabi
 banyene. Ade be nyɛ Simon kī bave Petro mɔ
 ɔwaɛ Andrea, kī bekata tesau ne lutubu baū a
 kame.

XIX Yesu bi be kī, “Miyatomɔ yī lɔkɔa maakena
 mi bati banyene.”

XX Ne awã naa, befɔne be tesau awe bitomɔ ye.

XXI Yesu naa loto ade εμο bawaēnyole nviã bebã, Yakobo mo Yohanes kī benye Zebedeo babi. Bena ne be okolo kame bemo olega Zebedeo bekalola be tesau. Yesu ve be,

XXII ade letaleta befone okolo a mo be olega awe biyi, bitomo ye a.

Yesu Tsa Fotsa, Ele Baguma Foletsa, Etsa Bati Foso Lemε.

XXIII Yesu tsã emini ne Galilea tite flee akū ekatsa fotsa ne Yudafo fotsenakō a. Ede letsã ne Kale Wī akū ne Baguma legākanyakō a akū, ade etsa foso aholo aholo flee a.

XXIV Ye akū foletsa gba ne Siria tite flee akū, foesū bati kpã be a kī baso foso aholo aholo a bema ye, bati kī bideĩ ne foso mo ohau kame, bikī hūhū kpa deĩ ne be kame, bikī odeto foso kaha be, mo abafã ame, ade Yesu tsa be flee a.

XXV Bati kodabu baū kī bito Galilea tite akū, mo Temato Ewua kame, Yerusalem omato, Yudea tite akū mo Yordan owō liti tite akū a yatomo ye.

V

Yesu Le Baguma Foletsa Ne Oto Akū.

I Kī Yesu mó bati kodabu a, ede enaa oto akū enakena akū edzi. Ye fotsa bakolene a yakpota ne ye sekẽ.

II Ade edo be fotsa katsa awe kī,

III “Baguma hila bikī binyina kī benye ahiãfo ne Baguma ane a,
kitonekī be la Baguma legākanyakō a.

IV Baguma hila bikī babe konya a,
kitonekī Baguma aadola be towole.

V Baguma hila bikī bedola be akū a,

- kitonekĩ ade be aanya tite akũ adzapadie a.
- VI Baguma hila bikĩ Baguma kawε akũ kakena
kole mo omoado ako be a,
kitonekĩ Baguma aafõ biwĩ!
- VII Baguma hila bikĩ bamo bati konya a,
kitonekĩ ade be Baguma aamo konya a!
- VIII Baguma hila bikĩ be towole teĩ ne ye odi akũ,
kitonekĩ ade be aamo Baguma a!
- IX Baguma hila bikĩ bakena lukudo ne bati kayite,
kitonekĩ Baguma aave be kĩ ye babi!
- X Baguma hila bikĩ batomo be liti, ne ye kawε akũ
kakena sũ a,
kitonekĩ be la Baguma legakanyakõ a!
- XI “Baguma hila mi nte bati avũna mi, katomo
mi liti, kale tuwuli kpa ne mi akũ, ne yĩ sũ.
- XII Mimõ kawole, mitu osee, kitonekĩ mideĩ
kotokase kpale ne ode. Ade ayea bitomo Baguma
onukpẽ banyene a kĩ benya mi loto a liti a.

Yesu Bate Badone a La Nde Ledeme Mo Ohaĩ.

XIII “Mila nde ledeme mikpa batidziwa flee.
Leme nte ledeme yela de omene ni, osi odima
lelãa kĩ baatsã bibuki bido de omene. Ledani
fotsa pupulidza foesũ bata de kawula lokoa bati
asumini de.

XIV “Mila nde ohaĩ mikpa batidziwa flee.
Beláapuli bekola omato kĩ bitsua ne oto akũ.

XV Odima látena osedza kakoa looda katsa ye,
mbom yakoa ye kate ne osedza otse akũ ne awã
kĩ yaakpale fokõ ekpa odi nye odi ne toto a kame.

XVI Ade ayea kene kĩ mi osedza etẽ ne bati ane,
ayekĩ baamo fotsa wĩ a kĩ miakena a, lokoa bimu
mi Olega ne ode a.”

Yesu Tsa Fotsa Ne Mose Mbla a Akū.

XVII Ade Yesu buki εε kī, “Mitakona kī ñya kī mayaafone Mose mbla a mo Baguma onukpē banyene fotsa katsa a awe. Ntáya kī mayaafone foe awe, mbom ñya kī mayaakena foe fòkpola.

XVIII Mabi mi ne onokoli kame kī ayekī tite mo ode táwo tō kīi ni, beláafone katsela kabii ñye ke akū letsa kabii ne mbla a kame awe, mbóente letsa nye letsa ya ne foe kame.

XIX Foesū odi nye odi kī yaafum mbla kabii adi, etsa bati bebā leme bekena lomo ni, yaanya obisē kolaa ne Baguma ode legākanyakō a. Leme odi nye odi kī ekena ne mbla a akū, mo etsa bati bebā leme kī bekena foe lomo ni, yaanya onokōē ne Baguma ode legākanyakō a.

XX Foesū mabi mi kī míapuli miwo ne ode legākanyakō a, nte miakena ne Baguma kawε akū kaba mbla batsane mo Farisifo a.

Yesu Fotsa Katsa Ne Kalokpa Kana Akū.

XXI “Minu kī kokoe a, bibi bati kī, ‘Tako oti, ade odi nye odi kī edi awu ni, baadzemo ye.’

XXII Leme finyaa mabi mi kī odi nye odi kī ena kalokpa ne owaē akū ni, baadzemo ye. Odi nye odi kī eve owaē kī, ‘Okasia’ ni, baakpā ye benamena ne Omañ banokōē anε bedzemo ye, ade odi nye odi kī eve owaē kī, ‘oyae’ ni, efeta ekpa ode fi luwotu a kame kanaa.

XXIII Foesū nte owe kī akoa no afolibo fotsa onaate ne afolibo atenye akū okpa Baguma, mo ote anε kī awaē neε no kaloe ni,

XXIV fone no afolie fotsa a awe kayi ne afolibo atenye a loto ne awā, kamuniki kanaalola mi mo

ye kayite t̃o f̃om̃o ayak̃oa ño af̃olie f̃otsa ɔkpa Baguma.

XXV “Nte odi sama ño ne f̃olets̃a kadzek̃o ni, b̃oa mb̃odi mil̃ola mi kayite ne lok̃o a k̃i lideĩ f̃om̃o baave kale a. Nte nñe aye m̃o miwo f̃olets̃a kadzek̃o a, oti a aak̃oa ño edo ne f̃olets̃a ɔdzene awe. F̃olets̃a ɔdzene a lem̃e aak̃oa ño ekpa polisifo ade baado ño ne k̃ola a.

XXVI Mabi ño ne ɔñok̃oali kame k̃i ade aw̃a aana flee k̃enaawo lok̃o a k̃i ose k̃oto a flee oyua a.

Yesu F̃otsa Katsa Ne K̃ots̃o M̃o K̃onyo Liti Kane Ak̃u.

XXVII “Minu k̃i bele k̃i, ‘Bats̃o m̃o banyo betane bak̃oba liti.’

XXVIII Lem̃e finyaa mabi mi k̃i odi nye odi k̃i em̃o otsole, m̃o ek̃o ye odo ni, ewe ye k̃ok̃oe ne ye ɔw̃ole kame.

XXIX Foes̃u nte ño som̃ona linebi af̃o ak̃ena t̃okpa ni, b̃ole de kata kamuni. F̃onene f̃okpa ño k̃i ayela ño suk̃ena k̃ako kadi keba k̃i baata ño oti m̃oa bido ne fi k̃i foádĩ kame.

XXX Nte ño som̃ona k̃okpo af̃o ak̃ena t̃okpa ni, tsua koe kata kamuni. F̃onene f̃okpa ño k̃i ayela ño k̃okpo m̃oa keba k̃i beta ño oti m̃oa a flee bido ne fi k̃i foádĩ a kame.

Yesu F̃otsa Katsa Ne K̃ots̃o M̃o K̃onyo Kasĩ Ak̃u.

XXXI “Bele lem̃e k̃i, ‘Odi nye odi k̃i yaasĩ ɔts̃o ni, kene k̃i ekpa ye k̃ots̃o kasĩ ovoli.’

XXXII Lem̃e finyaa mabi mi k̃i nte onyole odi s̃i ɔts̃o ne f̃olets̃a beb̃a ak̃u keba k̃i nñe ye liti kane s̃u ni, onyole a f̃o otsole a b̃oa ad̃opaa nte ebuki enadzi k̃onyo beb̃a. Ade ayea onyole beb̃a a k̃i yaak̃oã ye a lem̃e b̃oa ad̃opaa a.

Yesu Fɔtsa Katsa Ne Fubo Kalɔ Kakpa Baguma Akū.

^{XXXIII} “Minu leme kī bibi kɔkɔe bati a kī, ‘Mitatu mi fubo, mbom mikena ne fubo a kī milɔ mikpa boe ɔlate a akū.’

^{XXXIV} Leme finyaa mabi mi kī mitalɔ fubo nte miakena nhihie adi. Mitatani ode, kitonekī Baguma legākpo yane.

^{XXXV} Mitatani tite kitonekī Baguma abɔa kakekɔ tane iye mitani Yerusalem, kitonekī enye Legā Kpale a ɔmato.

^{XXXVI} Tatani nɔ lolɔ malo, kitonekī ɔláapuli ɔdani ɔlɔ mɔape malo sekena suwovoe iye ɔwɔwa.

^{XXXVII} Mikɔ mile kī, ‘Oo,’ iye ‘Oowo.’ Kale bebā kī miale ne kakī liti to Oti Kpa a sekē.

Yesu Fɔtsa Katsa Ne Tɔkpa Kakena Kase Tɔkpa Kɔtɔ Akū.

^{XXXVIII} “Minu kī bele kī, ‘Linebi ne linebi kadokɔ, lɔdɔ ne lɔdɔ kadokɔ.’

^{XXXIX} Leme finyaa mabi mi kī mitakena tɔkpa mise tɔkpa kɔtɔ. Nte odi bale nɔ awe ne sɔmɔna ɔlɔtɔ ni, fɔ ebale nɔ ne seba ɔlɔtɔ leme.

^{XL} Ade nte odi sama nɔ ne fɔletsa kadzekɔ kī yate nɔ atadie anyanglede ni, fɔ ete nɔ atadie wulaa a leme.

^{XLI} Nte oti kī edeī otumi he nɔ kī lo ye fɔtsa mɔ kuvū mitsā lisikū mɔa ni, lo foe mitsā fusikū nviã.

^{XLII} Nte odi wã nɔ litsedi ni, kpa ye, nte odi we kī yave litsedi ne nɔ sekē ni, kpa ye eve.

Yesu Fɔtsa Katsa Ne Bakesīne Kale Kawe Akū.
^{XLIII} “Minu kī bele kī, ‘We nɔ ɔkɔba kale, kakesī nɔ bakesīne.’

XLIV Leme finyaa mabi mi kī miwe mi bakesīne kale ade miboa mpae ne bikī bitomō mi liti a lolō,

XLV ayekī miadani boe ɔlega ne ode a babi. Kitonekī ye afō suwa ata kakpa bati wī mō bati kpa flee, ade yafō oni ako kakpa bati kī badā kpī mō bikī baádā kpī a flee a.

XLVI Nte miawe bikī bawe mi kale odi a, kōtokase kōdabe míana? Tōgole batene malo akena foe lomō!

XLVII Ade nte mi bakōba odi miado onukpē ni, litsa mitene kakena? Amamufō malo akena foe lomō!

XLVIII Foesū midā kī mikpola nde ayekī mi ɔlega ne ode a leme kpola a.

VI

Yesu Fōtsa Katsa Ne Seme Kale Kakena Akū.

I “Midā kadā wī kī miláakena mi ɔsum fōtsa a ne kanade ane ayekī bati aamō letsa a kī miakena a. Nte mikena foe ne bati ane ni, miláana kōtokase mitomena mi ɔlega ne ode a sekē.

II Foesū nte ote ohiāni fōtsa ni, tade letsā ne foe akū nde ayekī ane kame keke fōtsa bakenane a akena ne be fōtsenakō mō toblōnu ane a. Bakena foe ayekī bati aamu be. Mabi mi pefee kī bete be kōtokase a flee kōkōe.

III Foesū nō kō nte akena seme kale ɔkpa ohiāni ni, tafō nō ɔkōba paa malo linyi letsama ne foe akū.

IV Foesū nō futetsa a fōna ne kabela kame, lōkōa nō ɔlega a kī yamō fōtsa ne kabela kame a, aase nō foe kōto.

Yesu Fōtsa Kasa Ne Mpaebō Akū.

V “Nte miaboa mpae ni, mitakena nde ane kame keke fotsa bakenane a aye. Bawe kayidza kadza kaboa mpae ne Yudafo fotsenako mo toblonu fobalikō ayekī odi nye odi aamo be. Mabi mi ne onokwali kame kī bete be kotokase a lodo kōkōe.

VI Leme nte aboa mpae ni, wo ne no kola kame, kabale kola a lokoa kaboa mpae kakpa no Olega a kī boamo mo ane a, lokoa Aga a kī yamo fotsa a kī akena ne kabela kame a aase no koto.

VII “Nte miaboa mpae ni, mitale foletsa beble-bee kī folá kayo nde ayekī amamufo akena a. Be bakona kī nte be mpaebō deī lugo a mo Baguma aatse be.

VIII Mitakena mi akū nde be, kitonekī mi Olega nyina letsa a kī lisī mi kōkōe fomō miavia ye malo.

IX Foesū miboa mpae kī,
‘Boe Olega kī edeī ne ode,
no dī akū lekpaie.

X No legākanya leya.

Bekena no kawē ne tite akū,
nde ayekī bakena ne ode a.

XI Kpa boe daa funitsā a kī busī nviā a.

XII Koa boe tokpa a kī bokena a kate boe,
nde ayekī boakoa kate bikī bekena tokpa
ne boe akū a.

XIII Takpā boe onamena sohuiē kame,
mbom nye boe katomena Oti kpa a awe.
Foya lomō.’

XIV “Kitonekī nte mikoa bati tokpa a kī bekena ne mi akū mite be ni, mi Olega ne ode a leme aakoa mi tide a ete mi.

^{XV} Leme nte mitákɔa bati tɔkpa mite be ni, mi ɔlega ne ode a leme leláakɔa mi tɔkpa a ete mi.

Yesu Fɔtsa Katsa Ne Onukpě Kasui Akū.

^{XVI} “Nte miasui onukpě ni, mitakena ane kame kusuu nde ayekĩ ane kame keke fɔtsa bakenane akena a. Bakena ane kame kusuu ayekĩ bati aamɔ kĩ basui onukpě. Mabi mi ne ɔnokɔali kame kĩ bete be kɔtokase a flee kɔkɔe.

^{XVII} Nte asui onukpě ni, vɔle ane, do kugua ne lolɔ kame kasela tɔlɔ,

^{XVIII} ayekĩ bati bebã lelányi kĩ asui onukpě. Nɔ ɔlega a, kĩ baámɔ mɔ ane a odi aanyi, ade ɔlega a kĩ yamɔ fɔtsa ne kabela kame a aase nɔ foe kɔtɔ a.

Ode Legākanyakō Nye Akū Kana Fɔtsa Kakpɔtakō.

^{XIX} “Mitawe akū kana fɔtsa miyi akū ne tite kīĩ akū, awã kĩ fupuka mɔ nkandɔlɔ aabula foe kade, ade bayekpane leme abubuli kɔla kawo kaye foe a.

^{XX} Mbom miwe akū kana fɔtsa miyi akū ne ode, awã kĩ fupuka mɔ nkandɔlɔ leláabula foe kade, ade bayekpane leme lelápuli bubuli biwo biye foe a.

^{XXI} Kitonekĩ awã kĩ nɔ fɔtsa mɔ kɔya deĩ ni, ade awã nɔ ɔwɔle leme deĩ a.

Oti Ane Nye Ye ɔsedza.

^{XXII} “Otidziwa banebi nye ye ɔsedza. Nte nɔ banebi amɔ kamɔ wĩ ni, nɔ oti mɔawe a flee aana ne ɔhaĩ kame.

^{XXIII} Leme nte nɔ banebi lenéne ni, nɔ oti mɔawe a aana ne ɔtũ kame. Foesũ nte ɔhaĩ a

kĩ edeĩ ne no kame a nye otũ ni, no oti moawe kame aake otũ paa.

Yesu Tsa Fɔtsa Ne Baguma Liti Katomena Mo Akũ Kana Fɔtsa Liti Katomena Akũ.

XXIV “Odima leláapuli esum balate nviã, kintonekĩ yaakesĩ omoa lokoa ewe oyade a kale, ãye yaakoa akũ emenamoa omoa esupa oyade a. Onokwali nye kũ oláapuli osum Baguma mo katinya kame fotsa.

XXV Ade foesũ mabi mi kũ mitaha akũ ne letsa a kũ míanya, mimoa midzi nkpã akũ, ãye tilima a kũ míasua akũ ãye midzi a akũ. Mbɔee nkpã táte koya eba funitsã, ãye mbɔee oti moawe a táte koya eba tilima mo tetadie?

XXVI Midã kɔvolabi, kɔádu funitsã, kɔákpota funitsã kako ne tili kame, leme mi ɔlega ne ode a adoola koe! Mbɔee mitáte koya miba kɔvolabi?

XXVII Mi kame oweĩ aapuli ekoa luwi moa ete ne ye nkpã fuwi akũ nte eti eha ye akũ bo aye malo?

XXVIII “Lokoa nde sũ miaha akũ ne tilima mo tetadie akũ? Midã ayekĩ lupu kame futse ako nhuile kabo ane, foákena adzuma, foátæ tileti kano tilima kakpa akũ.

XXIX Leme mabi mi kũ Legã Salomo mo ye akũ kana fotsa a flee malo táhehe fole kadã nde nhuile kũ kame amoa.

XXX Nte Baguma keele lupu kame tuwĩ lomo, kũ tideĩ nkpã nviã, ade kunya tiku, bipila te ne luwotu kame a ni, eláakeele mi eba te? Mi katekado adã kabii paa!

XXXI “Foesũ mitakaha akũ mikale kũ, ‘Litsa bóanya, litsa bóamoa ãye litsa bóasua akũ?’

XXXII Ade fukĩ bame liti amamufɔ atomena a. Mi ɔlega ne ode a nyina kĩ fɔtsa kĩ flee sĩ mi.

XXXIII Mifɔ ane eyɔole mi eba ne Baguma ode legãkanyakɔ a liti katomena mɔ fɔtsa a kĩ ewe etomena mi sekẽ kĩ mikena a akũ, lɔkɔa yaakɔa fɔtsa bebã kĩ flee ebu ekpa mi.

XXXIV Foesũ mitaha akũ ne kunya akũ, kunya luwi a aana de mɔawe ɔhau. Luwi nye luwi kame ɔhau pɔne ekpa de.

VII

Yesu Fɔtsa Katsa Ne Bati Bebã Kadzemenana Akũ.

I “Mitadzemo bati bebã fɔfɔ Baguma leme ledzemo mi,

II kitonekĩ ayekĩ midzemo bati bebã a, ade aye Baguma leme aadzemo mi a, ade mbla a kĩ mikɔa midzemo bati bebã a, ye mɔape a yakɔa edzemo mi malo a.

III “Nde sũ adã sukuluku kĩ sideĩ ne awaẽ linebi kame leme aámɔ luvokũ a kĩ lideĩ ne nɔ mɔawe linebi kame a?

IV Nde aapuli obi awaẽ kĩ, ‘Make nɔ aduli, fɔ ñnye sukuluku ne nɔ linebi kame’ ne lɔkɔ a kĩ luvokũ deĩ ne nɔ mɔawe linebi kame a?

V Nɔ ane kame keke fɔtsa ɔkenane! Nya loto kanye luvokũ a ne nɔ linebi kame lɔkɔa aapuli ɔmɔ yededeede ɔnye sukuluku ne awaẽ linebi kame a.

VI “Mitakɔa fɔtsa a kĩ foe akũ kpale mikpa bakpete, baadani beyaadɔ mi. Mitata mi fulitsa kĩ fɔte kɔya miko baplakuo, kitonekĩ baasumini foe bibula kade.

Mivia Fɔtsa, Miwe Fɔtsa, Mibɔa Opunu a.

VII “Mivia fɔtsa lɔkɔa baakpa mi, miwe fɔtsa lɔkɔa miamɔ foe, mibɔa opunu lɔkɔa baabinya bekpa mi.

VIII Kitonekĩ odi nye odi kĩ ewã fɔtsa ni, yana foe. Odi nye odi kĩ ewe litsedi ni, yaamɔ de, ade odi nye odi kĩ yabɔa opunu ni, baabinya bekpa ye.

IX “Mi kame obilega ɔɔdabe deĩ kĩ nte obi via ye abodoo ni, yaabɔe de edo ne ye awe?”

X Ìye nte evia ye kafɔabi kĩ yaakɔa kɔe ekpa ye?

XI Nte mi a kĩ minye bati kpa a, minyina ayekĩ miate mi babi fɔtsa wĩ a ni, titi eni mɔ mi ɔlega ne ode leláakɔa ye fɔtsa wĩ pii ekpa bikĩ bavia ye a?

XII Foesũ letsa nye letsa a kĩ miawe kĩ bati bebã bekena bekpa mi ni, mi malo mikena foe lomɔ mikpa be. Ade fukĩ Mose mbla a mɔ Baguma onukpẽ banyene fɔletsa a atsa a.

Mitsã Onyukpẽ Manewa a Kame Miwo.

XIII “Mitsã onyukpẽ manewa a kame miwo, kitonekĩ onyukpẽ a kĩ esa a mɔ osi a kĩ edzele a anaa kawɔ kame, ye akũ katsã lelá ɔsĩ, ade bati pii leme tsẽ ye akũ a.

XIV Leme onyukpẽ a kĩ yanaa nkpã kame a manɛ, ade osi a kĩ ewaa enaa a awã akũ katsã deĩ ɔsĩ, ade bati sukuloo lemɔ ye a.

Kutse Nye Kutse Mɔ Koe Babi Kĩ Kɔawũ.

XV “Midã mi akũ kadã wĩ ne fɔvã tunukpẽ banyene akũ. Baya ne mi sekẽ miamɔ nde baveli

aye, leme ne be kamekame ni, bela nde kulikii kī kude adõ.

XVI Míakoa be fokénatsa minyi be. Ɔgɔabi lówũ akutu, ade ɔtatsue lówũ asãã babi a.

XVII Kutse wĩ awũ babi wĩ, ade kutse kpa leme awũ babi kpa a.

XVIII Kutse wĩ leláapuli kuwũ babi kpa, ade ayea kutse kpa leme leláapuli kuwũ babi wĩ a.

XIX Leme kutse nye kutse kī kóawũ babi wĩ ni, batsua koe kata kado ne fi kame.

XX Foesũ fovã onukpẽ banyene a fokelatsa míakoa minyi be.

Owei Aanaa Ode Legãkanyakõ a Kame?

XXI “Nné odi nye odi kī yave yĩ kī, ‘Boe Ɔlate! Boe Ɔlate!’ aanaa ode legãkanyakõ a kame, mbɔente bikĩ bakena ne Nda kawε akũ a odi aanaa awã.

XXII Nte Kadze Luwi a wo ɔto a, bati pii aave yĩ kī, ‘Boe Ɔlate! Boe Ɔlate! Nné no dĩ akũ bɔle Baguma fɔletsa, bɔblɔmena hũhũ kpa butɔmena bati kame, ade bɔkena awãwã fɔtsa pii leme a?’

XXIII Ade awã mo maabi be kī, ‘Ínyína mi koũ. Midzakũ ne yĩ ane kame, mi tokpa bakenane!’

Yesu Fɔtsa Katsa Ne Fɔla Bakene Nviã Akũ.

XXIV “Foesũ odi nye odi kī yatse yĩ fɔletsa kī mo ekena ne foe akũ ni, ela nde ɔnyansãni kī eke ye kola ne de mo ɔsĩ akũ.

XXV Oni kpale ko, ade towɔ yili, ɔwe vũ mo ɔsĩ mo ɔsĩ eyaboa kola a, leme kotáveli, kitonekĩ bike koe ne de mo ɔsĩ akũ.

XXVI Leme odi nye odi kī yatse yĩ fɔletsa kī mo yaákɛna ne foe akũ ni, ela nde odzimbifo kī eke ye kola ne dĩ kame.

XXVII Oni kpale ko, tɔwɔ yili ade ɔwe mo ɔsĩ vũ ɛyabɔa kola ade kuveli, kɔtɔ gbloo, kububuli a!”

Yesu Tsa Fɔtsa Mɔ Otumi.

XXVIII Kĩ Yesu yua fɔletsã kĩĩ kale a, akũ dzuli bati kɔdabu a ne ye fɔtsã kãtsã a akũ.

XXIX Kitonekĩ etsã fɔtsã nde oti kĩ edeĩ otumi, kĩ fɔtãna nde mbla batsane a fude.

VIII

Yesu Tsa Onyole Odi.

I Kĩ Yesu ka eto katɔbii a akũ yaya a, bati kɔdabu kɔdabu pii tomo ye.

II Ade awã mo onyole odi kĩ yaso fɔso ngbã, kĩ bati avila a, yake aduli ne ye ane kame, ebi ye kĩ, “Boe ɔlate, nte fɔnye no kawɛ ni, aapuli ɔfɔ fɔso kĩĩ lewo ne yĩ akũ.”

III Yesu yo awe eta ye ade ebi ye kĩ, “Mawe lomɔ. No akũ ɛkpale.” Ade letaleta fɔso a wo ne ye akũ a.

IV Ade Yesu bi ye kĩ, “Tse! Tabi odima kadima, mbom dã osi kpĩĩ kanaa ɔɔfo sekẽ, kafɔ esela no akũ edã, lokɔa kabɔa afɔlie a kĩ Mose mbla tsa a, fɔfɔ odi nyɛ odi enyi kĩ ɔsãe.”

Yesu Tsa Roma Sodzafo ɔnokɔẽ Odi ɔsumune.

V Ke liti a, kĩ Yesu wo ne Kapernaum ɔmato kame a, Roma sodzafo ɔnokɔẽ odi yake ye aduli kĩ,

VI “Boe ɔlate, yĩ ɔsumune waa ne kola yaso, yaapuli ekuna akũ, ade elamo lubo kamɔ paa a.”

VII Yesu kpa ye mbuaye kĩ, “Maaya ãyaatsã ye.”

VIII Leme sodzafɔ ɔnɔkɔɛ a bi ye kɪ, “Boe ɔlate, ntákpɔla kɪ awo ne yĩ toto kame. Nɔ kɔ le kale mɔape lɔkɔa yĩ ɔsumune a aasaɛ.

IX Yĩ malo ĩnye oti kɪ ndeĩ ne banɔkɔɛ kayɔ, ade ndeĩ sodzafɔ ne yĩ malo kayɔ a. Nte mbi be kame odi kɪ, ‘Naa’ ni, yanaa, ade nte mbi ɔbebã leme kɪ, ‘Ya’ ni, yaya. Nte mbi yĩ ɔsumune leme kɪ, ‘Kena fukĩ’ ni, yakena foe.”

X Kɪ Yesu nu fukĩ a, fɔkena ye wãwã, ade ebi bati a kɪ bitomɔ ye a kɪ, “ɔnɔkɔali mabi mi kɪ ntámɔ odima ne Israel kɪ edeĩ katekado kɪ odu.

XI Mabi mi pipiipi kɪ bati pii aato suwa kadekɔ mɔ suwa katomukɔ beyaadzi ne opunu akũ mɔ Abraham, mɔ Isak mɔ Yakob ne Baguma legãkanyakɔ a kame.

XII Leme Baguma aata bikĩ be mbom la legãkanyakɔ a ewula ne ɔtũ kame, awã kɪ baabe, beba adɔ.”

XIII Ke liti a, Yesu bi sodzafɔ ɔnɔkɔɛ a kɪ, “Naa kɔla! Fɔaya ne foe kame nde ayekĩ ɔte odo a.” Ade ye ɔsumune a saɛ ne lɔkɔ a na pɛpɛpɛ kame a.

Yesu Tsa Bati Pii Fɔsɔ.

XIV Kɪ Yesu naa Petro toto kame a, emɔ kɪ Petro nyina waa ne ɔkena akũ yaso atilili.

XV Yesu pi ye ne kɔkpɔ ade letaleta atilili a do ye, eyidza ete opunu ekpa ye a.

XVI Kɪ olobe wo ɔto a, bati kpã bikĩ hũhũ kpa deĩ ne be kame a bema Yesu. Eblɔmena hũhũ kpa a etomɛna be kame mɔ kale mɔape, ade etsa basɔne a flee leme a.

XVII Fukĩ ekena kɪ ya ne foe kame nde ayekĩ Baguma Onukpɛ ɔnyene Yesaya le eyi kɪ,

“Ye mɔawɛ lɛkɔa boe lubo kamo,
mɔ fɔsɔ ahɔlɔ ahɔlɔ ete nɛ ye akū!”

Bati Kī Bɛwɛ Kī Baatomɔ Yesu.

XVIII Kī Yesu mɔ bati kɔdabu pii a kī kusinya ye a, ebi ye fɔtsa bakɔlɛnɛ a kī bɛfɔ binyina benaa ɔwɔ lutubu baū a liti.

XIX Ade mbla batsanɛ a kamɛ odi ya nɛ ye sɛkɛ ɛyabi ye kī, “Fɔtsa ɔtsanɛ, maatomɔ nɔ nnaa kako nɛɛ kako kī aanaa.”

XX Yesu kpa ye mbuayɛ kī, “Kulikii deī fudzikɔ, kɔvɔlabi lemɛ deī fɔtsɔɛ, lemɛ Otidziwa Obi a lɛlá awā kī yate lolɔ malo.”

XXI Ye fɔtsa bakɔlɛnɛ a kamɛ ɔmɔa lemɛ bi ye kī, “Boe ɔlate, maatomɔ nɔ, lemɛ fɔ nnaabila nda tɔ.”

XXII Ade Yesu kpa ye mbuayɛ kī, “Tomɔ yī. Fɔnɛ bikī bidzi nkpā ndɛ kaku biku a awɛ bibila be mɔawɛ banɔkpa.”

Yesu Dina ɔwɛ Kɔbɛ Onukpɛ.

XXIII Yesu wo nɛ ɔkɔlɔ odi kamɛ ade ye fɔtsa bakɔlɛnɛ a tomɔ ye a.

XXIV Lɛtaletɔ ɔwɛ mɔ ɔsī odi do kavū awɛ nɛ ɔwɔ lutubu baū a akū, kabɔa mui kako nɛ ɔkɔlɔ a kamɛ, kī fɔfɔ kite sukuloo ɔkɔlɔ a adoomu, lemɛ Yesu kɔ waa tida.

XXV Ye fɔtsa bakɔlɛnɛ a nadzɛla ye, ade bibi ye kī, “Boe ɔlate, tɛ boe o-o! Buku buyua!”

XXVI Ade Yesu bi be kī, “Nde sū libe wo mi lomɔ? Mi katɛkado lɛpɔnɛ kɔlaa!” Adeke eyidza ɛdza, ewūni nɛ mui mɔ ɔwɛ a akū kī bɛkɛna dīi, ade awā flee kɛna dīi a.

XXVII Odi nye odi kena saa, ade bekavia akū kī, “Oti ɔdabe odu nye okīi? Ɔwe mo mui malo atse ye ɔledo!”

Yesu Tsa Banyole Nviā Badi Kī Hūhū Kpa Deī Ne Be Kame.

XXVIII Kī Yesu nawo Gadara tite akū ne ɔwo lutubu baū liti a, bati nviā kī hūhū kpa na ne be kame né bito foke kī babila banokpa kame beyatselamo ye. Ayekī be akū deī libe sū ni, odima lapuli katsā awā osi a katē.

XXIX Ade letaleta bebɔa fowola kooba kī, “Nɔ Baguma Obi, litsa deī ne bomo no kayite? Kaya ɔya kī ayaakena boe tenya fomɔ loko wī a aawo ɔto mbɔɛɛ?”

XXX Awā fuā kako a kī baplakuo kodabu baū kudi dza kokade a.

XXXI Hūhū kpa a ke Yesu aduli kī, “Nte aablomena boe ni, fɔ bonaawo ne baplakuo kodabu ne akīi a kame.”

XXXII Yesu bi be kī, “Mine minaa.” Foesū bene benawo ne baplakuo a kame. Ade baplakuo kodabu a flee wula atse kliklikli beka lowotuni geī a biwo ne lutubu a kame, bemɔa mui biku a.

XXXIII Bayae akū badāmenane a lo benaa ɔmato kame benale foletsa a kī fɔya a flee ne banyole nviā a kī hūhū kpa na ne be kame a akū.

XXXIV Foesū ɔmato a kame bati flee né kī banaadā Yesu, ade kī bemó ye a, bike ye aduli kī edzakū ne be tite akū enaa.

IX

Yesu Tsa Onyole Odi Kī Eveliveli.

¹ Yesu de ewo ne ɔkolo a kame emuniki etsā mui a ane enaa ye awe ɔmato kame.

II Ne awã a, bati badi bœe oti odi kã eveliveli bewola ne okena akũ bema ye. Kĩ Yesu mó be katekado a, ebi oti a kã eveliveli a kã, “Yĩ obi, nœ owole eka edzi! Nkœa nœ titikpa nte nœ.”

III Adeke Yudafo mbla batsane badi bi be akũ kã, “Onyole kã ale fubusuotsa!”

IV Kĩ Yesu mó letsa a kã bekakona a, ele kã, “Nde sũ miakona tokpa ne mi towole kame?”

V Foletsa kã foodabe léla osĩ mœ kale, ‘Nkœa nœ titikpa nte nœ,’ mbœe kã, ‘Yidza katsã’?

VI Leme kã míanyi kã yĩ Otidziwa Obi, ndeĩ kobẽ kã makœa bati titikpa kate ne katinya kã kame sũ ni, midã o-o!” Foesũ ebi oti a kã eveliveli a kã, “Yidza kadza, bœe nœ okena kanaa nœ awã!”

VII Onyole a yidza edza, edzakũ enaa ye awã.

VIII Kĩ bati a mó fukã a, libe wo be ade bimu Baguma ne ayekĩ ekœa kobẽ kã odu ekpa batidziwa.

Yesu Ve Mateo Kã Eyaatomœ Ye.

IX Yesu dzakũ ne awã, ade kã etsẽ yanaa a, emó ogole otene odi kã bave Mateo kã edzi ne ye ogole katekã. Ebi ye kã, “Tomœ yĩ.” Ade Mateo yidza etomœ Yesu a.

X Kĩ Yesu kanya ne Mateo awã a, togole batene pii mœ tokpa bakenane bebã yadzi ne opunu akũ, bibumœ Yesu mœ ye fotsa bakolene a benya.

XI Farisifo a badi mó foe ade bivia ye fotsa bakolene a kã, “Nde sũ mianya kamœa mœ togole batene mœ tokpa bakenane?”

XII Yesu nu letsa a kã bekale a, ade ekpa be mbuaye kã, “Basonne lisĩ bekpa tutsonu okenane, nné bikĩ bideĩ akũ osĩ.

XIII Minaawe Katselε Kpalεwa a kale kīi kayo, ‘Semε kale kakena mawe, nnε bayae afolie kaboa mawe.’ Ntaya kīi mayaawe bikī badā kpīi, mbom iya kīi maawe tokpa bakenane.”

Bivia Yesu Foletsa Ne Onukpε Kasui Akū.

XIV Ke liti a, Yohanes Mui Owolanε a fotsa bakolene ya ne Yesu sekε ade bivia ye kī, “Nde sū bomo Farisifo boawe onukpε kasui, leme no fotsa bakolene a kō lāsui onukpε kou?”

XV Yesu kpa be mbuaye kī, “Kakona miakona kī obolitsō onyo bakoba aadzi ne ayoloho kame ne loko a kī edei ne be kame a? Folaanya lomo. Leme luwi a aaya kī baakpā obolitsō onyo a bedzakūmena ne be sekε, ade loko a na kame mō baasui onukpε a.

XVI “Odima lako limakū vōε kataε atadie kōε, kitonekī limakū vōε a aavele lokōε a lebε, lokoa okε baū aawa εba okōε a.

XVII “Ade ayea odima lako waī vōε ne oyae ovoli kuvū kōε kame a, kitonekī oyae kuvū a aayili kobε, waī a liwula, ade oyae kuvū a leme aabu kade a. Mbom bako waī vōε ne oyae kuvū vōε kame lokoa foe atsu nviā a flee lelāabu kade.”

Yesu Tsa Otsole Odi Mo Yairo Obitsole.

XVIII Kīi Yesu kale kodzela a, Yudafō katsenakō onokōε odi ya ne ye sekε, ade eke aduli ne ye anε kame, ebi ye kī, “Yī obitsole ku finyaakīi, leme yaate awe ne ye akū ayekī yaanyinya.”

XIX Ade Yesu yidza bemō ye fotsa bakolene a bitomō ye benaa a.

XX Otsole odi kīi baboanε kawula ye futeli ewua-nviā flee natsā Yesu liti, εta ye atadie sotobi.

XXI Ελε νε ye lolɔ kame kī, “Nte nsila nta ye atadie odi pe, maasaε.”

XXII Kī Yesu dani εμό otsole a, ebi ye kī, “Yī obi, nɔ ɔwɔle εka edzi. Nɔ katekado tsa nɔ.” Otsole a akū de ɔsī ne lokɔ a na pepepepe kame.

XXIII Ke liti a, Yesu tomɔ ɔnɔkɔẽ a biwo ne ye tɔtɔ kame. Kī εμό tukutɔnɔ basāne mɔ bati beblebee a kī belamena kabe yoo a,

XXIV ebi be kī, “Mi flee mine, kabisēētsole a táku, mbom tida kewaa!” Ade bati a flee memε ye a.

XXV Kī beblɔmena bati a benemena a, Yesu wo ne kabisēẽ a sekẽ ne kɔla a kame. Epi ke ne kɔkɔɔ ade kinyinya kiyidza kedza a.

XXVI Fɔletsɔ kī gba ne tite a na akū flee.

Yesu Tsa Banekune Nviã Badi.

XXVII Kī Yesu to awã yanaa a, banekune nviã badi tomɔ ye ne liti bekabɔa fɔwɔla kɔɔba kī, “Dawid obi, mɔ boe kɔnya!”

XXVIII Kī Yesu wo ne tɔtɔ kame a, banekune a ya ne ye sekẽ, ade evia be kī, “Mite mido kī maapuli ntsa mi?”

Bekpa mbuaye kī, “Oo, boe ɔlate!”

XXIX Foesū Yesu kɔa awe εta be banebi εle kī, “Fɔya ne foe kame nde ayekī mite mido a.”

XXX Ade be anε binya bemó fɔkɔ a. Yesu si be mbla mɔ ɔsī kī, “Mitabi odima fukī!”

XXXI Lemε bedzakū ne awã benagbamena fɔletsɔ a ne Yesu akū ne tite a amantam a flee kame.

Yesu Tsa Omumu Odi.

XXXII Kĩ banyole a ne banaa a, bati badi kpã oti bebã kĩ yaápuli ele kodzela, kitonekĩ hũhũ kpa deĩ ne ye kame a bema Yesu.

XXXIII Kĩ Yesu sila eblomena hũhũ kpa a ne ye kame a, epuli ele kodzela. Fokena bati kodabu a wãwã, ade bele kĩ, “Botámo t̃o fukĩ odu ne Israel.”

XXXIV Leme Farisifo a le kĩ, “Hũhũ kpa a legã lekpa ye kobẽ enee yablomena hũhũ kpa.”

Bati Kodabu a Akũ Kó Yesu Konya.

XXXV Yesu mini ne temato mo tukula a kame. Etsa fotsa ne fotsenakõ a, ele Kale Wĩ a ne ode legã kanyakõ a akũ, ade etsa foso aholo aholo leme a.

XXXVI Kĩ emó bati kodabu a, be akũ ko ye konya, kitonekĩ kipiã be, belá obumenane ade begba biko nde baveli kĩ belá okpane a.

XXXVII Foesũ ebi ye fotsa bakolene a kĩ, “Fudutsa a kĩ baaveli a pone, leme adzuma bakenane a lepone.

XXXVIII Foesũ mike koba olate a kĩ ye fudutsa baaveli a aduli, kĩ edo adzuma bakenane beyaakpota foe.”

X

Yesu Nye Foto Banyane Ewua-nviã.

I Yesu ve ye fotsa bakolene ewua-nviã a ekpota, ade ekpa be kobẽ kĩ beblomena hũhũ kpa bitomena bati kame, betsa foso fudi nye fudi a.

II Foto banyane ewua-nviã a buĩ nye. Otonyade, Simon kĩ bibuki bave Petro, mo owaẽ Andrea,

Yakobo mo owaẽ Yohanes kĩ benye Zebedeo babi,
 III Filipo mo Bartolomeo mo Toma,
 Mateo ogole otene a,
 mo Alfeo obi Yakobo mo Tadeo,
 IV Simon kĩ epili ye kade loló,
 mo Yuda Iskariot kĩ ye lenye Yesu ekpa a.

Yesu Do Foto Banyane Ewua-nviã a Foto.

V Yesu do bati ewua-nviã kĩ foto mo oledo kĩ,
 “Mitanaa bikĩ benyé Yudafo a tite akũ ãye miwo
 ne Samariafo temato kame.

VI Mbom mina Israelfo a kĩ bela nde baveli kĩ
 beyela osi a sekẽ.

VII Minaade letsã kĩ, ‘Baguma ode legãkanyakõ
 a fuã!’

VIII Mitsa basone, midzela banokpa bidzi nkpã,
 mitsa bikĩ baso foso ngbã, miblomena hũhũ kpa
 mitomena bati kame. Mite kobẽ kĩ kã, foesũ
 mikã mikpa faa.

IX Mitaboe sika sidima mile ne mi fuvũ kame.

X Odima etaboe ositsãne kuvũ, atadie ayade,
 mpabua ayade ãye otse kĩ bake katsã ele ne osi a
 akũ. Kefeta kĩ bekpa adzuma okenane letsã a kĩ
 esĩ a.

XI “Nte miwo omato ãye akula adi kame ni,
 miwe oti odi kĩ yaatuno ete mi, lokã mise ne
 ye sekẽ, mina ne awã kenaawo kĩ miadzakũ.

XII Nte miwo ne toto tidi kame ni, miwõna te
 kame bati a kĩ, ‘Lukudo lena ne mi akũ.’

XIII Nte toto a kame bati a te mi mo kawole
 ni, mifõ mi lukudo kawõna a kekaho ne be akũ.
 Leme nte betãte mi ni, mifõ mi lukudo kawõna a
 kimuniki keya ne mi sekẽ.

XIV Awã kĩ bati tãte mi ni, mine ne omato a
 kame lokã miyo mi aboa akũ kudu miko be.

XV Mabi mi ɔnɔkɔali a kī ne Kadze Luwi a akū a, Baguma aamɔ Sodom mɔ Gomora bati kɔnya eba ɔmato a na kame bati.

Yesu Bi Ye Fɔtsa Bakɔlene a Lubokamɔ a Kī Baamɔ a.

XVI “Midā, mado mi nde baveli aye ne kulikii kame, foesū minyi kadi nde bɔe aye, midɔla akū bɔee nde mblɔduma aye.

XVII Midā mi akū kadā wī, kitonekī bati aakɔa mi bido ne fɔletsɔ badzene awe, ade baabo mi ne Yudafɔ fɔtsenakɔ a.

XVIII Ade ne yī sū baakpā mi benamena ɔmaī banɔkɔē mɔ fogā ane, lɔkɔa fɔnya adansie kī míadi ne Kale Wī a akū mikpa be mɔ bikī benyé Yudafɔ a.

XIX Nte bekpā mi benamena fɔletsɔ kadzekɔ ni, mitaha akū ne letsɔ a kī míale mɔ ayekī míadzela a akū. Nte lɔkɔ a wo ɔto a, Baguma aakpa mi fɔletsɔ a kī míale a,

XX kitonekī nné mi aale kɔdzela, mbom mi ɔlega Hūhū a aale kɔdzela etsāmena mi akū.

XXI “Bati aakɔa be mɔawe bawaē bekpā kī beko, ade balega leme aakena foe lomɔ ne be mɔawe babi akū, ade babi aayidza bedza ne be bamane akū befɔ beko be a.

XXII Bati flee aakesī mi ne yī sū, leme oti a kī yaadza pintii kenaawo kawūna ni, Baguma aakpa ye nkpā.

XXIII Nte bitomɔ mi liti ne ɔmato odi kame ni, milo minaa ɔbebā kame. Mawe kī minyi kī miláayua adzuma kakena ne Israel temato a kame fomɔ Otidziwa Obi a aaya.

XXIV “Fɔtsa ɔkolene odima lebé ye fɔtsa ɔtsane, ade ɔsumune leme lebé ye ɔlate a.

XXV Kene kī fuwī ɔkolene kī yayaakena nde ye fotsa ɔtsane, ade ɔsumune leme kī yayaakena nde ye ɔlate a. Nte beve kola ɔnokɔē odi kī hūhū kpa flee legā a, buī kpa badabe beláave kola babi?

Oti a Kī Kene Kī Bivila.

XXVI “Ne foe sū mitavila bati. Letsa nye letsa kī bekɔa bekɔla finyaa ni, baanye de kanya, ade kale a kī bekɔla ni, kaane binu ke.

XXVII Letsa a kī mabi mi ne ɔtū kame a, mile de ne suwa ketee, ade letsa a kī minu ne kabela kame a, mide ke letsā ne kanade.

XXVIII Mitavila bati a kī bako oti sukena leme beláapuli bekɔ ɔkla a, mbom mivila Baguma a kī yaapuli ewola oti sukena mo ye ɔkla flee ne fi luwotu kame a.

XXIX Kaple moape miakɔa kaya funitatae nviā, leme koe kame kamape malo látɔ ne tite kī fonyé mi ɔlega ne ode a kawε.

XXX Mi kō Baguma kā mi lolɔ tolɔ malo flee.

XXXI Foesū mitavila, kitonekī mite kɔya miba funitatae beblebee.

Yesu Kame Kabinya Mo Ye Kasī.

XXXII “Odi nye odi kī yaabɔa yī dī ne bati ane kī ye ode mane ni, yī malo maakena foe lomɔ nkpa ye ne Nda ne ode a ane.

XXXIII Leme nte odi sī yī ne bati ane ni, yī malo maasī ye ne Nda ne ode a ane.

Bati Kayite Aasē Ne Yī Sū.

XXXIV “Mitakɔna kī lukudɔ nkɔa ñyamena ne katinya kame. Oowo, ntáya mo lukudɔ, mbom kopā nkɔa ñyamena.

XXXV Ìya kī makena
 ‘babinyole biyidza bedza ne balega akū,
 babitsole liyidza bedza ne bama akū,
 babi batsō biyidza bedza ne be nyina ame akū.

XXXVI Oti bakesīne aanya ye moawe toto kame
 bati.’

XXXVII “Odi nye odi kī yawe olega ìye oma kale
 kaba yī ni, etákpola kī yanya yī fotsa okolene,
 ade ayea odi nye odi kī yawe ye obinyole ìye
 obitsole kale kaba yī ni, etákpola kī yanya yī fotsa
 okolene.

XXXVIII Odi nye odi kī etábœe ye asendua etomo
 yī ne liti ni, etákpola kī yanya yī fotsa okolene.

XXXIX Odi nye odi kī ewe kī yapili ye nkpā ni,
 yaayela ye, leme odi nye odi kī yaayela ye nkpā
 ne yī sū ni, yaana nkpā kī elá kawūna a.

Baguma Aase Bati Koto.

XL “Odi nye odi kī ete mi ni, ete yī malo, ade
 odi nye odi kī ete yī ni, ete oti a kī edo yī a.

XLI Odi nye odi kī ete Baguma onukpē onyene
 ne kī enye Baguma onukpē onyene sū ni, yaana
 kotokase a kī Baguma aakpa ye a kame. Ade odi
 nye odi kī ete oti wī ne ayekī enye oti wī sū ni,
 yaana tsefā ne kotokase a kī Baguma aakpa oti
 wī a odu.

XLII Mite mido kī odi nye odi kī yaakpa bikī
 bitomo yī kī kame obisēde moa mui dowa koopu
 moape malo ni, yaana foe kotokase.”

XI

Yohanes Mui Owolane a Do Bato Ne Yesu Sekē.

I Kĩ Yesu do ye fotsa bakolene ewua-nviã a foto eyua a, edzakũ ne awã enaa temato a kĩa tifuã a kame kĩa yanaatsa fotsa, ede letsã ne Baguma foletsã a leme akũ.

II Kĩ Yohanes Mui Ōwolane a, kĩa ewaa kola a nu letsã a kĩa Yesu lamena kakena a, edo ye fotsa bakolene a badi ne Yesu sekẽ,

III kĩa benavia ye kĩa, “Nɔ nye oti a kĩa Baguma le eyi kĩa yaaya a, mboee kĩa bodã oti bebã ane?”

IV Yesu kpa be mbuaye kĩa, “Mimuniki minaabi Yohanes letsã a kĩa mimó mo letsã a kĩa minu a.

V Banekune mó foko, bikĩ biveliveli yidza betse, bikĩ baso foso ngbã akũ kpale, batosĩne anu foko, bedzela banokpa bidzi nkpa, ade belamena ahiãfo Kale Wĩ a kabi a.

VI Baguma hila oti a kĩa etámo nfumusu adima ne yĩ akũ!”

VII Kĩ Yohanes bato a dzakũ a, Yesu yi kayo mo kodzela kale ne Yohanes akũ kabi bati kodabu a kĩa, “Kĩ mine minaa Yohanes sekẽ ne kosa kame a, litsa minaadã? Kookae kĩa owe aboa katomena katemena mboee?”

VIII Litsa koũ mine minaadã? Oti kĩa ekeele ye akũ mo fotsa mo kale yane? Bikĩ bado tetadie mo koya ni, fogã toto kame bana.

IX Mibi yĩ letsã a sũ koũ miti mine a? Kĩ míamo Baguma onukpẽ onyene mboee? Nuwĩ mifõ nti mbi mi, mimó oti a kĩa ebẽ Baguma onukpẽ onyene malo.

X Kitonekĩ Yohanes akũ mo Katsela Kpalewa a le kĩa,

‘Dã, maado yĩ foto onyane ñnyamena no loto, yaalola osi ne no loto.’

XI Mabi mi ne ɔnɔkɔali kame kɪ Yohanes Mui Ɖwɔlane a bɛ otidziwa odi nye odi kɪ edzi nkpã tɔ̃. Leme oti kɪ enye obisɛ kolaa ne ode legākanyakɔ̃ a bɛ Yohanes.

XII Kito Yohanes letsã kade lokɔ keyawo nviã kɪ ni, bati yidza bedza ne Baguma ode legākanyakɔ̃ a akũ mo ɔsɪ mo ɔsɪ, belamo mbɔdi kabɔa leme kɪ basua de kaya osi.

XIII Keyawo Yohanes kaya lokɔ a, Baguma onukpɛ banyene a flee mo Mose mbla a le fɔletsɔ biyi ne Baguma ode legākanyakɔ̃ a akũ.

XIV Nte miawe kɪ miate be fɔletsɔ mido kɔ̃ ni, minyi kɪ Yohanes nye Eliya a kɪ bele biyi kɪ yaanya lotɔ eya a.

XV Oti a kɪ edeɪ sɔtɔ kɪ sanu tuwuli ni, etse!

XVI “Finyaa, litsa maakɔa nviã bati nkɔnamɔ? Bela nde babisɛ kɪ bikoni ne kɔyaatɔ bagulo. Babɔa fɔwɔla kabi be bakɔba kɪ,

XVII ‘Bɔsã obolitsɔ tɔnɔ bɔkpa mi,
leme mitáto.

Bɔsã tukutɔnɔ bɔkpa mi,
leme mitábe.’

XVIII Kɪ Yohanes ya a, etánya etámɔa waɪ, leme bati le kɪ, ‘Hũhũ kpa deɪ ne ye kame!’

XIX Kɪ Otidziwa Obi a ya a, yanya, yamɔa, ade bati le kɪ, ‘Midã ɔnyakpane mo bave ɔmɔane, tɔgɔle batene mo tɔkpa bakenane ɔkɔba.’ Leme oti fɔkelatsa kame bamɔ ye nyansã.”

Tematɔ a Kɪ Tetáte Bido a.

XX Tematɔ a kɪ te kame Yesu kena ye awãwã fɔtsa pii a kame bati tádani tɔwɔle kame, foesũ ekã tematɔ a ane ele kɪ,

XXI “Bɔbɔe makpa nɔ Korasin! Bɔbɔe makpa nɔ Betsaida! Nte awāwā fɔtsa a kī nkɛna nɛ mi kamɛ a mɔ Tiro mɔ Sidon tɛmatɔ kamɛ nkɛna foe ni, kufɛ tɛ kamɛ bati dani tɔwɔlɛ kamɛ kɔkɔɛ bidzi tikpekpe, betsɛla batɔ.

XXII Mabi mi nɛ ɔnɔkɔali kamɛ kī nɛ Kadzɛ Luwi a akū ni, Baguma aamɔ Tiro mɔ Sidon bati kɔnya ɛba mi!

XXIII Ade nɔ Kapernaum! Ɔwɛ kī abɔɛ nɔ akū ɔdɛla ɔnaatamɔ ode? Baakɛna nɔ nɛ kayɔ flee ɔnaawo kanɔkpade! Kitonɛkī awāwā fɔtsa a kī bɛkɛna nɛ nɔ kamɛ a mɔ Sodom bɛkɛna foe ni, kufɛ ɔmatɔ a buki edeī mɔ nviā kī!

XXIV Mabi mi nɛ ɔnɔkɔali kamɛ kī nɛ Kadzɛ Luwi a akū ni, Baguma aamɔ Sodom ɔmatɔ a kɔnya ɛba nɔ.”

Miya Nɛ Yī Sɛkē Miyaaweya.

XXV Nɛ lɔkɔ a na kamɛ a, Yesu lɛ kī, “Nda, tite mɔ ode Ɔlate, manyɛ nɔ kɔlɛ kī ɔnyɛ fɔtsa a kī bɛkɔa bɛkɔla tuvoli banyinɛ mɔ anyansāfɔ a ɔtsa babisē.

XXVI Oo! Nda, ade foe awo nɔ anɛ a.

XXVII “Nda kɔa letsa nyɛ letsa edo nɛ yī awɛ. Odima linyína Obi a mbɔɛntɛ Ɔlɛga a odi, ade odima lɛmɛ linyína Ɔlɛga a mbɔɛntɛ Obi a odi, mɔ bikī Obi a awɛ kī yanyɛ ye ɛtsa a.

XXVIII “Miya nɛ yī sɛkē, mi flee a kī mikɛna adzuma, minɔnɛ fɔtsa mɔ ɔlɔmɛ kī kipiā mi a, lɔkɔa maakpa mi kaweya.

XXIX Mibɔɛ yī sɔmɔ akū otse a mite nɛ mi akū, mikɔlɛ fɔtsa mitomɛna yī sɛkē, lɔkɔa mina kaweya, kitonɛkī yī fɔletsɔ dɔ, ade ndɔla yī akū nɛ ɔwɔlɛ kamɛ a.

XXX Kitonekĩ yĩ somo akũ otse a kalo lelá osĩ, ade yĩ fotsa a kĩ maalola mi a adã faafaa a.”

XII

Farisifo Via Yesu Foletsa Ne Kaweya Luwi a Akũ.

^I Ne loko a na kame a, Yesu natsã fugbano koba kudi kame ne Kaweya Luwi akũ. Kole kako ye fotsa bakolene a, foesũ biveli fudi betse beba.

^{II} Kĩ Farisifo mó foe a, bibi Yesu kĩ, “Dã, no fotsa bakolene akena letsa a kĩ boe mbla tákpa osi kĩ bekena ne Kaweya Luwi akũ!”

^{III} Ade Yesu kpa be mbuaye kĩ, “Mbøø mitakã tã letsa a kĩ Dawid kena ne loko a kĩ kole ko bemo bati a kĩ bitomo ye a?”

^{IV} Ewo ne Baguma kola a kame ade bemo ye bati a benya abodoo a kĩ bekoo bebba afolie bekpa Baguma a, tito kĩ mbla tákpa osi kĩ benya ye malo. Basofo odi bekpa osi kĩ benya abodoo a na.

^V Mbøø mitakã ne Mose mbla ovoli a kame kĩ ne Kaweya luwi nye luwi akũ ni, basofo a kĩ basum ne Asoli Kola kame a afum Kaweya Luwi mbla a, lemẽ baáko be foe koto?

^{VI} Mabi mi kĩ letsa a kĩ lete koya leba Asoli Kola a deĩ ne awĩ.

^{VII} Katselẽ Kpalewa a le kĩ, ‘Semẽ kale mawẽ, nné bayae afolie.’ Nte kanu minu foletsa kĩ kayo ni, kufe miláako bikĩ betáfum a koto,

^{VIII} kitonekĩ Otidziwa Obi a nye Kaweya Luwi a Jlate.”

Yesu Tsa Onyole Odi Kĩ Ye Koko Ku.

IX Yesu dzakũ ne awã enaa Yudafɔ katsenakõ kadi, awã kĩ

X onyole odi kĩ ye kɔkpɔ ku lɛmɛ na. Bati badi kĩ bɛwɛ kĩ babɔɛ fɔletsɔ ne Yesu akũ na ne awã, foesũ bivia ye kĩ, “Boe mbla kpa osi kĩ bɛtsɔ fɔsɔ ne Kawɛya Luwi akũ?”

XI Yesu kpa be mbuayɛ kĩ, “Ntɛ mi kamɛ odi deĩ kuvɛli mɔa mɔ kɔka kuwo ne lɛkɛ kamɛ ne Kawɛya Luwi akũ a, eláado awɛ epi koe ɛnyɛ?”

XII Ade oti deĩ kɔya ɛbɛ kuvɛli a! Foesũ boe mbla kpa osi kĩ bɛkɛna tuwĩ ne Kawɛya Luwi akũ.”

XIII Adeke ebi onyole a kĩ ye kɔkpɔ ku a kĩ, “Yo nɔ kɔkpɔ.” Eyo kɔkpɔ a ade kubuki kɔna ɔsĩ ndɛ kɔyade a.

XIV Ade Farisifo a dzakũ bɛnapi adzuni kĩ baakɔ Yesu a.

Ɔsumunɛ a Kĩ Baguma Pau a.

XV Kĩ Yesu nu kĩ bisui ne ye akũ a, ɛdzakũ ne lɔpɔ a na kamɛ, lɛmɛ bati kɔdabu baũ tomo ye. Ɛtsa basɔnɛ a flee,

XVI ade esi be mbla kĩ bɛtabi bati kadima ne ye akũ.

XVII Ɛlɛ fukĩ ayekĩ fɔletsɔ a kĩ Baguma lɛ ɛtsãmɛna ye Onukpɛ Ɔnyɛnɛ Yesaya akũ a aaya ne foe kamɛ kĩ,

XVIII “Ade yĩ osumunɛ a kĩ mpau ne awĩ a.

Ɛnyɛ oti kĩ mawɛ kalɛ, ade yawo yĩ anɛ a.

Maakɔa yĩ Hũhũ nko ne ye akũ,

lɔkɔa ede letsã ne yĩ fɔletsɔ kadze akũ ɛkpa fude fude.

XIX Ɛlávɛlɛ fɔletsɔ, ãyɛ ɛbɔa fɔwɔla, ãyɛ binu ye odo ne tɔblɔnu anɛ.

XX Yaana ɔwɔle bɔɛɛ ɛkpa bikĩ belá kɔbẽ a,
ade yaakena sɛmɛ kale ɛkpa bikĩ belá
kabumɛna a.

Yaadza pintii kɛnaawo kĩ ɛfɔ kadze nɛ osi kpĩĩ
akũ anya akũ,

XXI ade bati flee aakɔa anɛ bite nɛ ye akũ a.”

Yesu Mɔ Hũhũ Kpa Legã a.

XXII Ke liti a, bati badi kpã oti odi kĩ hũhũ kpa
deĩ nɛ ye kame, kĩ ɛnyɛ ɔnekunɛ mɔ omumu
bɛma Yesu. Yesu tsa oti a, epuli ɛlɛ kɔdzɛla ɛmɔ
fɔkɔ lɛmɛ.

XXIII Letsa a kĩ Yesu kɛna a, kɛna bati kɔdabu a
flee a saa, ade bivia kĩ, “Mbɔɛɛ nné Dawid Obi a
nɛ awĩ a?”

XXIV Kĩ Farisifo nu fukĩĩ a, bɛlɛ kĩ, “Yablɔmɛna
hũhũ kpa kitonɛkĩ hũhũ kpa legã Beelzebul akpa
ye kɔbẽ kĩ ɛkɛna foe.”

XXV Yesu nyi letsa a kĩ bɛkakɔna a, foesũ ebi
be kĩ, “ɔmaĩ odi nyɛ odi kĩ ɛsɛ ye akũ nɛ kutsu
kutsu kame, mɔ tɛdze deĩ nɛ ye kame ni, ɛláadzi
gɛlɛɛlɛ. Ade aye a nte ɔmatɔ ÿye kɔla kudi bati
sɛ nɛ kutsu kutsu kame mɔ tɛdze deĩ nɛ be kame
ni, kaku ɔmatɔ a ÿye kɔla a aaku.

XXVI Foesũ nte katsu mɔa kadi nɛ Abonsam
legãkanyakɔ anɔ mɔ kabɛbã ni, fɔatsa kĩ ye
legãkanyakɔ a sɛ kutsu kutsu kɔkɔɛ, ade kɔayalɛ
a.

XXVII Nte mialɛ kĩ Beelzebul lɛkpa yĩ kɔbẽ nɛɛ
mablɔmɛna hũhũ kpa a ni, oweĩ lɛkpa bati a kĩ
bitomɔ mi a kɔbẽ bɛnɛɛ bablɔmɛna hũhũ kpa?
Letsa a kĩ mi mɔawɛ bati a kĩ bitomɔ mi akɛna
a, aako mi kɔtɔ.

XXVIII Oowo! Nné Beelzebul kɔbẽ nɛɛ, mbom
Baguma Hũhũ kɔbẽ nɛɛ mablɔmɛna hũhũ kpa,

kĩ fɔatsa kĩ Baguma legākanya a ya ne mi akũ kɔkɔe.

XXXIX “Odima leláapuli ewo ne ɔbelebe kɔla kame efila ye akũ fɔtsa, mbɔente enya lotɔ esuli oti a edo ne tɔwẽ kame fɔmɔ yaapuli epasa tɔtɔ a kame efila ye fɔtsa.

XXX “Odi nye odi kĩ edzé ne yĩ liti ni, eyidza ne yĩ akũ, ade odi nye odi kĩ yaábumɔ yĩ bɔakpɔta ni, kayale yayale kawula.

XXXI Ade foesũ mabi mi kĩ baakɔa tɔkpa nye tɔkpa mɔ fubusuotsa fudi nye fudi kĩ bati ale a bite be, lemɛ odi nye odi kĩ yaale fubusuotsa ne Hũhũ Kpalɛwa a kɔ akũ ni, beláakɔa bite ye.

XXXII Odi nye odi kĩ yaale kɔdzela etia Otidziwa Obi a ni, baakɔa bite ye, lemɛ odi nye odi kĩ yaale kɔdzela etia Hũhũ Kpalɛwa a ni, beláakɔa bite ye finyaa ãye ne lokɔ a kĩ laya a kame.

Kutse Nye Kutse Mɔ Koe Babi Kĩ Kɔawũ.

XXXIII “Fɔmɔ aana kutse libi wĩ ni, kenɛ kĩ ana kutse wĩ, ade nte odeĩ kutse kpa ni, kutse libi kpa aana. Babi a kĩ kutse awũ a bakɔa kanyi kutse a odu.

XXXIV Mi bati nde bɔe babi! Nde míapuli mile fɔletsa wĩ kĩ minye tɔkpa bakenane? Kitonekĩ letsa a kĩ liyi oti ɔwɔle kame ni, ade foe anɛ ne ye onukpẽ a.

XXXV Oti wĩ anye fɔtsa wĩ kanya katomena ye fɔtsa wĩ kakɔlakɔ, ade oti kpa lemɛ anye fɔtsa kpa kanya katomena ye fɔtsa kpa kakɔlakɔ a.

XXXVI Mite mido kĩ ne Kadze Luwi a akũ ni, odi nye odi aanye ye akũ onukpẽ ne kale pupulidza kadi nye kadi kĩ ele tɔ a akũ.

XXXVII Nɔ mɔawɛ onukpɛ kame fɔletsɔ baakɔa bedzemɔ nɔ bekpa nɔ ɔtɔbe ãye beko nɔ kɔtɔ.”

Mbla Batsanɛ Mɔ Farisifɔ Via Awãwã Fɔtsa Bitomɛna Yesu Sɛkɛ.

XXXVIII Ade mbla batsanɛ mɔ Farisifɔ badi bi Yesu kɛ, “Fɔtsa ɔtsanɛ, bɔawɛ kɛ kɛna nsentseleni adi bɔdã.”

XXXIX Yesu kpa be mbuayɛ kɛ, “Nviã babi kpa mɔ bati kɛ binyína Baguma! Miavia yɛ kɛ nkɛna awãwã fɔtsa midã? Oowo! Awãwã fɔtsa a kɛ baanyɛ bɛtsa mi nyɛ Baguma Onukpɛ ɔnyɛnɛ Yona fude a.

XL Nɛɛ ayekɛ Yona dzi fuwi elalɛ lenyɛ mɔ suwa nɛ kafɔabi kpale lupu kame a, ade aye Otidziwa Obi a lemɛ aate fuwi elalɛ lenyɛ mɔ suwa nɛ tite kame a.

XLI Nɛ Kadzɛ Luwi a akũ ni, Ninivefɔ aayidza mɔ mi bidzi beko mi kɔtɔ, kitonekɛ bedani tɔwɔlɛ kame kɛ binu Baguma fɔletsɔ a kɛ Yona lɛ a. Midã, litsedi deɪ nɛ awɛ kɛ lɛbɛ Yona.

XLII Nɛ Kadzɛ Luwi a akũ a, Seba Legãtsole aayidza ɛɔza ɛko mi kɔtɔ, kitonekɛ ɛtsã osi gelɛɛlɛ ɛto ye ɔmaɪ kame ɛyatse Legã Salomo nyansã fɔtsa katsa, ade mite yɛ mido kɛ odi deɪ nɛ awɛ kɛ ɛbɛ Salomo.

Hũhũ Kpa Kabuki Kamuniki Kaya.

XLIII “Nte hũhũ kpa né nɛ oti kame a, yanaatsã kamini nɛ fɔko wɛlɛwa kawɛ kadzikɔ. Nte ɛtána kadzikɔ ni,

XLIV yabi ye akũ kɛ, ‘Maamuniki nnaa yɛ kɔla kɔɛ a kame.’ Foesũ nte ɛyamɔ kɛ beyɔ koe kame belola koe kame yededeɛde a,

XLV yanaa kanaakpã hũhũ kpa bebã evũkono kĩ bideĩ osĩ bebẽ ye kayamena. Bawo ne oti a kame kadzi ne awã, ade oti a kadzi kame abu kade kaba ayekĩ fona ne kayokayi a. Ade aye fõaya fõkpa nviã bati kpa kĩ a.”

Yesu Oma Mo Yesu Bawaẽnyole.

XLVI Kĩ Yesu kale kodzela mo bati a, oma mo bawaẽnyole yawo awã. Bedza ne kanya bewe kĩ bale kodzela mo ye.

XLVII Foesũ bati a kame odi bi ye kĩ, “Dã, ama mo awaẽnyole ame dzẽ ne kanya bawe kĩ bale kodzela mo no.”

XLVIII Yesu kpa be mbuaye kĩ, “Owei nye mma? Bawei nye nwaẽ ame?”

XLIX Ade eyo awe etsa ye fõtsa bakolene a ele kĩ, “Midã, ade mma mo nwaẽ ame ne awĩ a!

L Odi nye odi kĩ yakena ne Nda ne ode kawe akũ ni, ade ye nye nwaẽnyole, mo nwaẽtsole mo mma a.”

XIII

Yesu Bõa Legbã Ne Kamõne Odune Akũ.

I Luwi moape a, Yesu né ne toto kame, enadzi ne owõ lutubu baũ a abuĩ ekatsa fõtsa.

II Ayekĩ bati kodabu a kĩ kotsena ne ye akũ a tene kapõ sũ ni, ewo edzi ne okolo kame ade kodabu a dza ne owõ abuĩ a.

III Etsa be fõtsa pii ne fõgbã kame ele kĩ, “Luwi a onyole odi naasã kamõne.

IV Kĩ ekasã babi a ne koba kame a, badi to ne osi owẽ ade kovolabi yafila be bemena a.

^V Babi a badi to ne apibo akũ awã kĩ tite lepõne ne boe a ane. Babi a me moatse kitonekĩ tite a kame tádzũ.

^{VI} Foesũ kĩ suwa yata a, sipila te tene ade tivio moatse a, kitonekĩ te tunu a tanaa kame dzununu.

^{VII} Babi a badi to ne fu tuwĩ kame ade kĩ beme bade a tuwĩ a bo ane temena be.

^{VIII} Leme babebã to ne tite wĩ akũ ade biwũ babi a, badi wũ babi oha, badi wũ babi aduesia, ade babebã leme wũ babi taale a.”

^{IX} Yesu wũna kĩ, “Oti a kĩ edeĩ soto ni, etse!”

Letsa Sũ Kĩ Yesu Kabõa Fõgbã a.

^X Ade fõtsa bakõlene a ya ne Yesu sekẽ bivia ye kĩ, “Nde sũ abi bati a fõletsã ne fõgbã kame?”

^{XI} Yesu kpa mbuaye kĩ, “Mi kõ benye ode legãkanyakõ a fõletsã kõlawa kame betsa mi, leme, betanye foe kame betsa be.

^{XII} Kitonekĩ oti a kĩ edeĩ fõtsa ni, baakpa ye fudi bibu lõkõa fõpõ fubu, leme oti a kĩ elá letsama ni, baate foe kabii a kĩ edeĩ a malo ne ye awe.

^{XIII} Letsa sũ a kĩ male kõdzela ne fõgbã kame mo be nye kĩ bamõ mo ane leme baámõ kayi õsũ, batse leme baánu foe kayõ.

^{XIV} Foesũ Baguma Onukpẽ Onyene Yesaya fõletsã a kĩ ele eyi a ya ne foe kame kĩ,

‘Bati kĩĩ aanu bibuki binu leme beláanu foe kayõ.

Ade baamõ bibuki bemó leme beláamõ biyi õsũ.

^{XV} Kitonekĩ be adzuni adã yududu,

ade be ato lãnu kanu wĩ a,

ade bisua be ane a.

Nte nné aye ni, be ane aamõ fõkõ,

be ato aanu,

be adzuni aanu foletsa kayo!
Ade baadani beya ne yĩ sekẽ,

lokoo ntsa be foso!’
XVI Leme mi kō Baguma hila mi! Mi ane amo ade mi ato leme anu fokō a.

XVII Mabi mi ne onokooli kame kī, Baguma onukpẽ banyene mo bati kpī pii we mo osi kī bamo letsa a kī miamō a, leme betápuli bemó foe, ade bewe leme kī banu letsa a kī mianu a leme betánu foe.

Yesu Nye Legbã Ne Kamone a Odune Akũ a Kayo.

XVIII “Foesũ finyaa mitse ñnye legbã ne kamone odune akũ a kayo minu.

XIX Odi nye odi kī yanu ode legākanyakō foletsa leme yaánu foe kayo a, la nde babi a kī biwula ne osi owẽ a. Oti Kpa a ayawãne letsa a kī bidu ne ye kame a.

XX Babi a kī beto ne apibo akũ a nye oti a kī nte esila enu foletsa a, yate foe moatse mo kawole,

XXI leme foáwo kanaa ye owole kame dzununu, ade foábuna owi ne ye kame a. Foesũ nte ohau ñye bati liti katomena ya ne foletsa kī sũ ni, yamuniki liti moatse.

XXII Babi a kī beto ne fu tuwĩ kame a nye oti a kī yanu foletsa a, leme katinya kame ohau mo akũ kana fotsa liti katomena anya foletsa a akũ, foesũ foáwũ babi.

XXIII Ade babi a kī beto ne tite wĩ akũ a nye oti a kī yanu foletsa a, kanu foe kayo leme. Bawũ babi, badi oha, badi aduesia babebã leme be taale.”

Yesu Boa Legbã Ne Tuwĩ Wuluwulu Akũ.

XXIV Yesu bōa be legbã bebã kī, “Ode legãkanyakõ a la nde oti odi kī esã kamõne babi wĩ ne ye kõba kame.

XXV Ne lenye mōa lidi, kī odi nye odi wa tida a, ye okesĩne nasã tuwĩ wuluwulu ne kamõne a kame edzakũ.

XXVI Kī kamõne a bo ane kido kayele awe a, tuwĩ a leme né tɛdza ne ke kame.

XXVII “Oti a basumune ya ne ye sekẽ bibi ye kī, ‘Boe ɔlate, nné funitsã wĩ odu ne kõba a kame, mō ndia tuwĩ kpa to teyame ne ke kame?’

XXVIII “ɔlate a kpa mbuaye kī, ‘Okesĩne odi lekena fukĩna.’

“Adeke bivia ye kī, ‘Awe kī bonaabole tuwĩ a ne ke kame?’

XXIX “Ebi be kī, ‘Oowo! Kitonekĩ nte minaabole tuwĩ a ni, miabole kamõne a kadi mō te.

XXX Mifõ kamõne a mō tuwĩ a flee fɔdza fubo ane kenaawo loko a kī baanena kamõne a. Ade loko a na maabi kamõne banenanane a kī benya loto bebõle tuwĩ a bisui te fudzu fudzu loko bipila te, ke liti bekpota kamõne a bifila benaako ne yĩ oli kame.’ ”

Yesu Bōa Legbã Ne Kutse Libi Kabii Akũ.

XXXI Yesu bōa be legbã bebã kī, “Ode legãkanyakõ a la nde kutse libi kabii kī oti odi nadu ne ye kõba kame.

XXXII Lenye kutse libi kabii flee ne kutse babi kame, leme nte libo ane ni, koapɔ lububu kaba futse flee, ade kovolabi ayakena fotsɔe ne koe tenane kame a.”

Yesu Bōa Legbã Ne Oyila Fɔtsa Akũ.

XXXIII Yesu buki eboa be legbã bebã kī, “Ode legãkanyakõ a la nde oyila fõtsa kī otsole odi põtõ edo ne mawe fowõda kakõna elale kame kenawo kī mawe a flee vuya.”

Ayekī Yesu Kena Ye Fõgbã Akū Adzuma.

XXXIV Yesu bi bati kõdabu a fõletsã kī flee ne fõgbã kame, ade yaále fõletsã fudima nte nné ne fõgbã kame.

XXXV Ekena fukī kī Baguma onukpẽ onyene fõletsã a fõya ne foe kame kī,
 “Maale kõdzela ne fõgbã kame,
 ade maanye fõtsã a kī bekõa bekõla kito ane katinya kayõkayi a ntsã a.”

Yesu Nye Legbã Ne Tuwī Wuluwulu Akū a Kayõ.

XXXVI Kī Yesu nye bati kõdabu a osi a, eya ne kõla kame ade ye fõtsã bakõlene a ya ne ye sekẽ beyavia ye kī, “Nye legbã a kī õboa ne tuwī wuluwulu ne kamõne kame a kayõ katsã boe.”

XXXVII Yesu kpa mbuaye kī, “Oti a kī edu fudutsã wī a nye Otidziwa Obi a.

XXXVIII Kõba a nye katinya kame, fudutsã wī a nye bikī benye ode legãkanyakõ a bade, ade tuwī a lemẽ nye bikī benye Okesĩne a bade a.

XXXIX Okesĩne a kī esã tuwī a nye Abonsam. Fudutsã kakpõta a nye katinya kame kawūna lõkõ, ade fudutsã bakpõtane a nye ode fõtõ banyane a.

XL “Nde ayekī bakpõta tuwī kapila te a, ade aye fõana ne katinya kawūna lõkõ a.

XLI Otidziwa Obi a aado ye ode fõtõ banyane beyaakpõta be a kī befõ bati kena tokpa mõ be

a kī bekēna tokpa a flee benēmena nē Baguma legā kanyakō a kamε.

XLII Baata be bido nē fi luwotu kamε, ade awā baabe beba adō a.

XLIII Baguma bade a kō akū aakpale nde suwa aye nē be ɔlega legākanyakō a kamε. Oti a kī edeī soto ni, etse!

Yesu Bɔa Legbā Nε Akū Kana Fɔtsa Kɔlawā Akū.

XLIV “Ode legā kanyakō a la nde akū kana fɔtsa fudi kī bekɔa bekɔla nē kɔba kamε. Oti odi nake foe, edani ekɔla foe. Emó kawɔle paa, foesū enano letsa nye letsa kī edeī a emuniki enaya kɔba a.”

Yesu Bɔa Legbā Nε Litsabi Kī Late Kɔya Akū.

XLV Yesu buki ele kī, “Ode legākanyakō a la nde kɔyaato onyanε odi kī etsē yawε fulitsa babi wī.

XLVI Kī enatselamɔ lidi kī lideī kɔya paa a, enano fɔtsa a kī edeī a flee ekɔa ɛya fulitsa libi a.

Yesu Bɔa Legbā Nε Asawu Kī Beta Akū.

XLVII “Ode legākanyakō a buki lela nde asau kī beta bido nē mpo kamε benye kɔfɔabi aholo aholo pii.

XLVIII Kī asau a yi mɔ kɔfɔabi a, bevele ye beyamēna nē mpo abuī, bidzi besa kɔfɔabi a kamε. Bekɔa kɔfɔabi wī a biko nē fɔwɔda kamε ade betale kɔkpa a biwula a.

XLIX Ade aye fɔana nē katinya kawūna lɔkɔ a. Ode foto banyanε a aayasa bati kpa benye nē bati wī kamε,

L ade baata be bido nē fi luwotu kamε, awā kī baabe beba adō a.”

Yesu Tsa Fotsa Ne Ɖnɔkɔali Fɔletsa Vɔɛ Mɔ Fɔkɔɛ Akũ.

^{LI} Yesu via be kī, “Minu fɔletsa kī flee kayo?”

Bitunɔ kī, “Oo.”

^{LII} Foesũ ebi be kī, “Fukī atsa kī mbla ɔtsanɛ odi nye odi kī ɛdani ɛkena fotsa ɔkɔlenɛ nɛ ode lɛgākanyakɔ a akũ la ndɛ ɔtɔlate odi kī yanyɛ fotsa vɔɛ mɔ fɔkɔɛ kanya katomena ye fotsa kakɔlakɔ.”

Bisĩ Yesu Nɛ Nazaret.

^{LIII} Kī Yesu bɔa fɔgbā kī eyua a, ɛdzakũ nɛ awā,

^{LIV} enaa ye mɔawɛ ɔmato kame, ɛnatsa fotsa nɛ be katsnakɔ a. Bati a kī binu ye fotsa katsa a kɛna saa, ade bivia akũ kī, “Ndia ɛkɔɛ kadikanyi kī etomena? Ndia awāwā fotsa a lɛmɛ to?”

^{LV} Nnɛ ye nye titse fotsa ɔmenɛ obi a mbɔɛɛ? Nnɛ ɔma nye Maria, ade nnɛ bawaɛnyole nye Yakobo, Yosef, Simon mɔ Yuda a?

^{LVI} Nnɛ bawaɛtsole lɛmɛ deĩ nɛ boe kame nɛ awĩ a? Ndia etomena fotsa kī bame flee?”

^{LVII} Ade ɛdani oti kī ye akũ ado be kalɔkpa a.

Yesu bi be kī, “Baguma onukpɛ ɔnyenɛ deĩ obu nɛ kakɔ nye kakɔ mbɔentɛ nɛ ye mɔawɛ ɔmato mɔ ye kɔla bati kame mɔ elá obu.”

^{LVIII} Ayekĩ betátɛ bido sũ ni, Yesu tákɛna awāwā fotsa pii nɛ awā.

XIV

Yohanes Mui Ɖwolansɛ a Wuda.

^I Nɛ lɔkɔ a na kame a, Herodes, Galilea tite akũ ɔnyanɛ a, nu Yesu nkā.

II Ebi ye banokõẽ a kī, “Yohanes Mui Ɖwɔlanɛ a liyidza eto kanokpa edzi nkpã, ade foesũ edeĩ kɔbẽ kīĩ enɛɛ yakena awãwã fɔtsa a.”

III Herodes nya lotɔ efɔ̃ bipi Yohanes bisui ye bekɔa bido ne kɔla. Ekɛna fukīĩ ne Herodia, ɔwaẽ Filipino ɔtsɔ̃ sũ.

IV Letsa a kī leya nye kī Yohanes Mui Ɖwɔlanɛ a bi Herodes kī, “Mose mbla a tákpa osi kī akɔã Herodia.”

V Fɔletsa kīĩ sũ Herodes we kī yakɔ Yohanes, leme evila Yudafo a kitonɛkī babu ye ndɛ Baguma onukpẽ ɔnyɛɛ aye.

VI Ne luwi a kī Herodes anya ye lemawi a, Herodia obitsɔle yato ne bati a flee anɛ. Ye kuto a le Herodes kadã paa,

VII foesũ elo fubo ekpa oyitsɔ̃ a kī, “Maakpa nɔ letsa nye letsa kī aavia yī!”

VIII Oyitsɔ̃ a ɔma fɔ̃ ebi Herodes kī, “Kɔa Yohanes Mui Ɖwɔlanɛ a lolɔ kate ne tsensi akũ kakpa yī finyaakīĩ!”

IX Kale a wo legã a kalɔɛ, leme ne fubo a kī elo ne obu bati a kī evɛ a anɛ sũ ni, ekpa osi kī bekɛna ne oyitsɔ̃ a kawɛ akũ.

X Foesũ efɔ̃ benatsua Yohanes lolɔ ne kɔla a kame.

XI Bite oti lolɔ a ne tsensi akũ beyamɛna, ade bekɔa bekpa oyitsɔ̃ a, ade ye malo ekɔa de ɛma ɔma a.

XII Yohanes fɔtsa bakɔlɛɛ a nabɔɛ ɔnokpa a benabila, ade benabɔa Yesu amandɛ a.

Yesu Kpa Bati Mpim Elo Funitsã Benya.

XIII Kī Yesu nu Yohanes fɔletsa kīĩ a, ewo ne ɔkɔlɔ kame edzaku enaa kako kadi kī bati lelãa.

Leme bati nu ye nkã, foesũ betsã aboa bito be temato kame bitomo ye liti.

XIV Yesu né ne okolo a kame, ade kĩ emo bati kodabu a, be akũ ko ye konya, ade etsa be kame basone a.

XV Ke olobe a, ye fotsa bakolene a fuã ye, ade bibi ye kĩ, “Kade do kiyua ade awĩ táfuã omato kame a, foesũ fone bati a awe bedzakũ benaa tukula kame benaaya funitsã benya.”

XVI Yesu kpa be mbuaye kĩ, “Fotásĩ kĩ badzakũ. Mi moawe a mikpa be litsedi benya!”

XVII Fotsa bakolene a kpa mbuaye kĩ, “Abodoo fobo elo mo kofabi nviã pe bonee ne awĩ.”

XVIII Ade Yesu bi be kĩ, “Mikoa foe mima yĩ ne awĩ.”

XIX Efõ bati a flee dzi ne tuwĩ akũ ne awã, ade ebwe abodoo elo mo kofabi nviã a, edã ode, ehila foe. Ke liti a, eyele abodoo a, ekoa ekpa ye fotsa bakolene a, ade be besẽ bekpa bati a.

XX Odi nye odi nya ewĩ. Ke liti a, ye fotsa bakolene a fila fuwuliwa a kĩ fute a biyula tetsitse ewua-nviã.

XXI Bati a kĩ benya funitsã a lidede aawo banyole mpim elo, kĩ betákã batsole mo babisẽ bido ne be kame.

Yesu Tsã Mui Anɛ.

XXII Yesu fõ ye fotsa bakolene a wo ne okolo kame kĩ binyina benaa owõ lutubu baũ seke sitide a, lokoa enye bati a osi.

XXIII Kĩ enye bati a osi eyua a, ede enaa oto akũ ye odi kĩ yanaaboa mpaɛ. Kĩ kade do a Yesu odi lite ne awã.

XXIV Ne lokɔ a na kame a, okolo a naa mo lugo flee ade mpo akũ ɔwe kabɔa ye kato katẽmena, kitonekĩ ɔwe mo ɔsĩ kavũ katselamo ye.

XXV Odenyinawi tɔdɔũ elale kame a, Yesu tsẽ ne mui ane yaya ne ye fɔtsa bakolene a sekẽ.

XXVI Kĩ bemó ye etsẽ ne mui ane a, fute bɔe be bele kĩ, “Ɔnokpa yane!” ade bebɔa fɔwɔla kɔɔba mo libe a.

XXVII Deedimɔape Yesu lemɔ be kɔdzela kĩ, “Mi ɔwɔle eka edzi. Yĩ mane. Mitavila!”

XXVIII Ade Petro le kĩ, “Boe Ɔlate, nte nuwĩ nɔ ane ni, fɔ ntsã mui a ane ãya ne nɔ sekẽ.”

XXIX Yesu bi ye kĩ, “Ya!”

Ade Petro né ne okolo a kame etsã mui ane yanaa Yesu sekẽ a.

XXX Lemɛ kĩ emó ayekĩ ɔwe lamɔ kavũ kɔɔba a, libe wo ye ade edo kayela awe ne mui a kame a. Adeke ebɔa fɔwɔla kĩ, “Boe Ɔlate, te yĩ!”

XXXI Deedimɔape Yesu yo awe epi ye ne kɔkpɔ, ele kĩ, “Nɔ katekado adã kabii. Nde sũ ɔte atsindze?”

XXXII Kĩ be nviã a biwo ne okolo a kame a ɔwe a fɔ kavũ.

XXXIII Fɔtsa bakolene ne okolo a kame a ke aduli bisum Yesu, ade bele kĩ, “Nuwĩnuwĩ Baguma Obi ane!”

Yesu Tsa Basɔne Ne Genezaret.

XXXIV Kĩ binyina ɔwɔ lutubu baũ a, beyaduma ne Genezaret tite akũ.

XXXV Awã bati mó Yesu biyi ɔsũ, foesũ benakpã basɔne ne kayite a flee beyamena ne ye sekẽ.

XXXVI Bike ye aduli kĩ efɔ basɔne a beta ye atadie ato odi pe. Ade bati a kĩ beta ye a flee akũ de ɔsĩ a.

XV

Mi Bawanyo Fotsa Katsa.

I Ade Farisifo mo mbla batsane badi to Yerusalem beya ne Yesu sekẽ bivia ye kĩ,

II “Nde sũ no fotsa bakolene a lakena ne fotsa katsa a kĩ boe bawanyo kɔa biyi boe a akũ? Baávole awe ne osi wĩ akũ fomo banya!”

III Yesu leme via be kĩ, “Nde sũ mi malo miasmum Baguma mbla mo miakena ne miawe fotsa katsa a akũ?”

IV Mbɔɛɛ Baguma tále kĩ, ‘Bu aga mo ama,’ ebuki ele kĩ, ‘Odi nye odi kĩ edumu ɔlega ñye ɔma ni, kene kĩ beko ye?’

V Leme mi kɔ miatsa fotsa kĩ nte odi deĩ fotsa fudi kĩ yaapuli ekɔa ebumo ɔlega ñye ɔma, mo ele kĩ, ‘Nkɔa foe nkpa Baguma’ ni,

VI fotábuki fusĩ kĩ oti a abu ɔlega ñye ɔma. Ne osi kĩ akũ mitábu Baguma mbla ayekĩ míatomo mi bawanyo fotsa katsa a sũ.

VII Mi ane kame keke fotsa bakenane! Fɔletsa a kĩ Baguma Onukpẽ Ɔnyene Yesaya le ne mi akũ a ya ne foe kame nuwĩ.

VIII Baguma le kĩ,
‘Ɔmaĩ kĩ asum yĩ mo onukpẽ kame fɔletsa menemene,
leme be towole deĩ mo lugo ne yĩ sekẽ.

IX Pupulidza basum yĩ,
kitonekĩ batidziwa mbla batsa
ne Baguma mbla a kadokó!’ ”

Fotsa a Kĩ Fɔado Oti Efĩ.

X Ade Yesu ve bati kodabu a ekpota ne ye sekẽ ebi be kĩ, “Mitse lokɔa minu fɔletsa kayo!”

XI Nné letsa kī lawo ne oti onukpě kame a ado ye efīī, mbom letsa a kī lane kato ye onukpě kame a, ado ye efīī.”

XII Adeke ye fōtsa bakolene a ya ne ye sekě beyabi ye kī, “Onyina kī fōlets a kī ɔle a wo Farisifo a kaloe?”

XIII Yesu kpa be mbuaye kī, “Kutse nye kutse kī nné Nda ne ode lidu ni, baabole koe bimuni.

XIV Foesū mifone be awe. Benye banekune kī bakpā banekune, ade nte onekune akpā onekune ni, be nviā a flee baato ne leke kame.”

XV Petro bi ye kī, “Nye legbā kīī kayo katsa boe.”

XVI Yesu bi be kī, “Mbɔee mi malo bati kī baānu fōlets kayo mibuki miane?”

XVII Mitānu foe kayo kī letsa nye lets a kī lawo ne oti onukpě kame a kanaa ye lupu kame, ke liti yanaanye ne koboa kayo kame?

XVIII Leme fōtsa a kī fōane kato oti onukpě a, ato ye ɔwole kame ade foe ado oti efīī a.

XIX Kitonekī oti ɔwole kame adzuni kpa, oti kaka, adɔpaa kaboa, bayitsō mɔ bapopo kawa katě, kaye, fōvā adansie kadi, mɔ bati buī kanye ane kato.

XX Ade fōtsa kīī bame ado oti efīī a, leme kī ɔkoa awe kī ɔtāvole anya nde ayekī Farisifo atsa a, ládo oti efīī.”

Otsole Odi Katekado.

XXI Yesu dzakū ne awā enaa kayite a kī kifuā Tiro mɔ Sidon temato kpale a kame.

XXII Awā naa, Kanan otsole odi kī edzi ne kayite a na ya ne Yesu sekě mɔ fowola kī, “Boe ɔlate,

Dawid Obi, mo yĩ konya! Yĩ obitsole lamena lubo kamɔ mo ɔsĩ mo ɔsĩ ne hũhũ kpa awe kame!”

XXIII Leme Yesu tále kadima. Ye fɔtsa bakolene a nake ye aduli bele kĩ, “Blomena ye edzakũ, kitonekĩ etomɔ boe mo fowola!”

XXIV Yesu kpa mbuaye kĩ, “Baveli a kĩ beyela ne Israelfɔ kame odi sekẽ bido yĩ.”

XXV Leme otsole a yato ne Yesu abɔa kame ele kĩ, “Boe ɔlate, bumɔ yĩ!”

XXVI Yesu kpa ye mbuaye kĩ, “Fɔnéne kĩ bata babisẽ funitsã biko bakpete.”

XXVII Otsole a kpa mbuaye kĩ, “Boe ɔlate, fudeĩ lomɔ kɔ, leme bakpete a malo anya funitsã wuliwa a kĩ futo be ɔlate opunu akũ fɔto a.”

XXVIII Kĩ Yesu nu foe a, ekpa ye mbuaye kĩ, “O, boe ɔma, nɔ katekado pɔne! Letsa a kĩ awe a leya lekpa nɔ.” Ne lokɔ a na kame pɛpɛpɛ a obitsole a akũ de ɔsĩ.

Yesu Tsa Bati Beblebee.

XXIX Yesu dzakũ ne awã etsã Galilea ɔwo lutubu baũ a abuĩ. Ede enaa katobii kadi akũ ade ekena akũ edzi a.

XXX Ade bati kodabu baũ kpã abafã ame, banekune, bamumu, mo basone bebã pii beyamena ne ye sekẽ a. Bekɔa be biko ne ye ane kame ade etsa be a.

XXXI Kĩ bati kodabu a mó kĩ bamumu kale kodzela, abafã ame kayidza katsã, bikĩ bene lekpe akũ dani fuyo, banekune kamɔ fokɔ a, fokena be wãwã, ade bimu Israel Baguma a.

Yesu Kpa Bati Mpim Ena Funitsã Benya.

XXXII Yesu ve ye fɔtsa bakolene a beya ne ye sekẽ ade ebi be kĩ, “Bati kĩ akũ ako yĩ konya, kitonekĩ

bena ne yĩ sekẽ fuwi elale flee, leme belá letsama kĩ banya. Ntáwe kĩ manye be osi benaa mo kole, ane lenaasinya be ne osi.”

XXXIII Ye fotsa bakolene a via ye kĩ, “Ne ndia bóana funitsã ne kosa kame ne awĩ kĩ fóato bati kodabu kĩ odu benya?”

XXXIV Yesu via be kĩ, “Abodoo eni mine?”

Bibi ye kĩ, “Abodoo evũkono mo kofabi wu-luwulu sukuloo deĩ.”

XXXV Ade Yesu fõ bati kodabu a kena akũ bidzi ne tite a.

XXXVI Ade kĩ ebwe abodoo evũkono mo kofabi a enye Baguma kole a, ebulibuli ye mo koe ekoa ekpa ye fotsa bakolene a, ade be malo besẽ bekpa bati a.

XXXVII Be flee benya biwĩ. Kĩ fotsa bakolene a fila fuwuliwa a kĩ fute a, fuyi tetsese evũkono.

XXXVIII Bati a kĩ benya funitsã a nye banyole mpim ena, kĩ betákã batsole mo babisẽ bibu.

XXXIX Ke liti a, Yesu nye bati a osi ade edzi okolo enaa Magadan amantam kame a.

XVI

Farisifo Mo Zadukifo Via Yesu Kĩ Ekena Awāwā Fotsa Etsa Be.

^I Farisifo mo Zadukifo badi kĩ beya ne Yesu sekẽ a we kĩ baso ye bedã, foesũ bivia ye kĩ ekena awāwā fotsa kĩ futo ode etsa be.

^{II} Leme Yesu kpa mbuaye kĩ, “Nte suwa anaa katomukõ a, miale kĩ, ‘Foko aakpale kunya, kitonekĩ odetó kame yole.’

^{III} Ade ayea onone leme miale kĩ, ‘Nviã oni aako kitonekĩ odetó kame yole foko leme kena tũũ.’ Miayi ane kadã odetó kame kapuli kale ayekĩ

foko aana, leme miápuli minyi nviã nsentseleni a kã yaaya a kayo.

IV Nviã babi kpa kã binyína Baguma! Miavia yĩ awãwã fotsa? Oowo! Beláakpa mi awãwã fotsa fudima keba Yona fude a.”

Ade ke edzakũ efone be a.

Yesu De Ye Fotsa Bakolene a Ne Farisifo Mo Zadukifo Fuyilatsa a Akũ.

V Kĩ fotsa bakolene a nyina owo lutubu baũ benaa seke sitide a, beyate ane kã betábõe abodoo adima bele.

VI Yesu bi be kã, “Mite ane, midã kadã wĩ ne Farisifo mo Zadukifo fuyilatsa a akũ.”

VII Ade bido kale ne be neenee kame kã, “Ayekĩ botábõe abodoo adima bole sũ mo ele foe.”

VIII Yesu nyi letsa a kã bekalé a foesũ evia be kã, “Nde sũ mialomena ne abodoo katabõe akũ? Mi katekado adã kabii!

IX Foesũ mitámó miyi osũ tõe? Mitáte ane kã nsẽ abodoo elo nkpa bati mpim elo benya a? Tetsitse eni kame mifila fuwuliwa a miyula?

X Litsa miale ne abodoo evũkono a kã nsẽ nkpa banyole mpim ena benya a akũ? Tetsitse eni kame miko fukĩ fute a?

XI Nde sũ mo miámó kã nné abodoo foletsá nlamena mi kabi? Midã kadã wĩ ne Farisifo mo Zadukifo fuyilatsa akũ!”

XII Ade finyaa fomó fotsa bakolene a yanu foe kayo kã nné fuyilatsa a kã bakoa kado ne mawe kame a akũ yade be, mbom kade ede be ne Farisifo mo Zadukifo fotsa katsa a akũ.

Petro Nye Yesu Etsa Nde Oti a Kĩ Bepau a.

XIII Kĩ Yesu wo kako a kĩ kifuã Kaisarea Filipi omato a, evia ye fotsa bakolene a kĩ, “Owei bati ale kĩ Otidziwa Obi a ane?”

XIV Bekpa mbuaye kĩ, “Badi ale kĩ Yohanes Mui Owolane a ane. Babebã ale kĩ Eliya, ade badi leme ale kĩ Yeremia iye Baguma onukpẽ banyene a kame omoa ane.”

XV Yesu via be kĩ, “Adeke mi malo, owei miale kĩ ye mane?”

XVI Ade Simon Petro kpa mbuaye kĩ, “No nye Kristo a, Baguma kĩ edzi nkpã a Obi.”

XVII Yesu bi ye kĩ, “Simon, Yona obi, Baguma hila no, kitoneki nne otidziwa odima letsa no foe, mbom Nda ne ode a lenye foe etsa no.

XVIII Ne foesu, Petro, mabi no ne onokoli kame kĩ no di kayo nye de mo osi a, ade de kui aku maayi yi asoli a. Wuda malo lelãapuli enya ye aku da.

XIX Maakoa ode legakanyakõ a tesafi ndo no ne awe. Letsa nye letsa kĩ osi ne tite aku ni, baasi foe ne ode, ade letsa nye letsa kĩ okpa osi ne tite aku ni, baakpa de osi ne ode.”

XX Adeke Yesu si ye fotsa bakolene a mbla kĩ betabi odima kĩ ye nye Kristo a.

Yesu Le Kodzela Ne Ye Lubokamo Mo Wuda Akũ.

XXI Kito luwi a, Yesu do ye fotsa bakolene a kabi awe pefee kĩ, “Kene kĩ nnaa Yerusalem, nnaamo lubo paa ne banokõ, basofonokõ mo mbla batsane a awe. Baako yi, leme ne luwi lelalede aku ni, Baguma aadzela yi ndzi nkpã.”

XXII Petro kpā Yesu benaadza ne ɔwɛ, ade edo ye anɛ kakā awɛ ɛɛ kī, “Boe ɔlate, Baguma esua foe osi. Fukīnaa lelāaya ne nɔ akū da!”

XXIII Yesu dani ɛtselamɔ Petro ebi ye kī, “Sātana, dzakū ne yī akū! ɔnye letsa a kī lasua yī osi kitonɛkī nɔ kakɔna táto Baguma sɛkɛ mbom futo otidziwa sɛkɛ.”

XXIV Ade Yesu bi ye fɔtsa bakɔlɛnɛ a kī, “Nte odi we kī yatomɔ yī ni, ɛtatsɛla ye mɔawɛ akū lokɔa ɛbɔɛ ye asendua etomɔ yī.

XXV Kitonɛkī odi nye odi kī yawɛ kī yapili ye nkpā ni, yaayɛla ye, lɛmɛ odi nye odi kī ɛyɛla ye nkpā ne yī sū ni, yaana ye.

XXVI Nte katinya kamɛ fɔtsa flee dani odi fude mɔ ɛyɛla ye nkpā ni, litsa nfasɔ yaana? Mbɔɛɛ litsedi deī kī oti aakɔa ɛvɛmɛna mɔ ye nkpā?

XXVII Kitonɛkī Otidziwa Obi a aaya ne ɔlɛga kukūkpale kamɛ mɔ ye ode fɔto banyanɛ, lokɔa yaase odi nye odi kɔto ne ayekī edzi nkpā a onukpɛ.

XXVIII Mabi mi pipiipi kī badi deī ne mi kamɛ ne awī kī belāaku kenaawo kī bɛmó Otidziwa Obi a kī ɛya ndɛ Legā aye.”

XVII

Yesu Kutitse Dani.

I Ne fuwī evū liti a, Yesu kpā Petro, Yakobo mɔ ɔwaɛ Yohanes bide bɛnaa ɔto geī odi kaletɛ, awā kī be odi bɛnadzi.

II Kī bɛkadā ye a, Yesu akū dani ne be anɛ kamɛ. Ye anɛ kamɛ kata ndɛ suwa aye, ade ye tɛtadiɛ lɛmɛ kɛna fitaa ndɛ ɔhaī aye a.

III Adeke fotsa bakolene elale a mó Mose mo Eliya kī bekale kodzela mo Yesu a.

IV Foesū Petro dzela odo ebi Yesu kī, “Boe ɔlate, foneɛ paa kī budeĩ ne awĩ! Nte awe ni, maabɔa fɔpe elale ne awĩ, no lide lomɔa, Mose lide lomɔa lokɔa Eliya leme lide lomɔa.”

V Kī ekale kodzela a, luflututu fitaa ka letsa be, ade odo né eto de kame ele kī, “Ade yĩ Obi kī maátuno ye kale a, yawo yĩ ane. Mitse ye!”

VI Kī fotsa bakolene a nu odo a libe wo be paa, foesū beka betsa ane ne tite.

VII Yesu ya ne be sekẽ ekɔa awe eta be, ade ebi be kī, “Miyidza! Mitavila!”

VIII Foesū bedzela ane ne ode, leme betámo odima ne awā keba Yesu.

IX Kī beka ɔto a baya a, Yesu si be mbla kī, “Mitabi odima letsa a kī benye betsa mi ne awĩ a, kenaawo kī bedzela Otidziwa Obi a bitomena kanokpa.”

X Adeke fotsa bakolene a via Yesu kī, “Nde sū mbla batsane a ale kī kene kī Eliya enya loto eya?”

XI Yesu kpa be mbuaye kī, “Ɔnokɔali fɔane kī Eliya enya loto eya, eyaalɔla letsa nye letsa eyi.

XII Mabi mi kī Eliya ya kɔkɔe leme bati támo ye biyi ɔsū, foesū bekena letsa a kī bawe ne ye akū. Ade ayea baakena Otidziwa Obi a leme awɔda a.”

XIII Ade awā mo fotsa bakolene a nu foe kayo kī Yohanes Mui Ɔwolane a akū kodzela ekale.

Yesu Tsa Kanyolebi Kadi Kī Hūhū Kpa Na Ne Ke Kame.

XIV Kĩ Yesu mo ye fotsa bakolene a muniki beya ne bati kodabu a sekẽ a, onyole odi ya ne Yesu sekẽ eyake aduli ne ye ane,

XV ade ele kĩ, “Boe Olate, mo yĩ obinyole konya! Odetó foso deĩ ne ye akũ foamona ye lubo mo osĩ mo osĩ. Fofõ yawe kato ne fi ãye mui kame.

XVI Nkpã ye mma no fotsa bakolene a leme betápuli betsa ye.”

XVII Yesu kpa mbuaye kĩ, “O mi nviã babi kpa kĩ milá katekado. Mbõee maana ne mi sekẽ daa? Loko loodabe kame maana owole nvele mi nnaawo? Mikpã kanyolebi a mima yĩ ne awĩ!”

XVIII Adeke Yesu wũni ne hũhũ kpa a akũ mo ene ne kanyolebi a kame, ade kena akũ osĩ ne loko moape a na kame a.

XIX Ke liti a, ye fotsa bakolene a ya ne ye sekẽ ne kabela kame bivia ye kĩ, “Nde sũ boe kõ botápuli boblomena hũhũ kpa a bonemena?”

XX Yesu kpa be mbuaye kĩ, “Kitonekĩ mi katekado lepõne. Mabi mi ne onokõali kame kĩ nte mideĩ katekado nde kutse libi kabii ni, miapuli mibi oto kĩĩ kĩ, ‘Bole ne awĩ kanaa akĩĩ,’ ade yaabole a. Letsama leláa kĩ miláapuli mikena.

XXI Leme hũhũ kpa kĩĩ odu leláane mboente fotsẽ mpaebõ mo, onukpẽ kasui kame.”

Yesu Buki Ele Kodzela Ne Ye Wuda Akũ.

XXII Kĩ fotsa bakolene a flee yakpota ne Galilea a, Yesu bi be kĩ, “Baakõa Otidziwa Obi a bido ne bati awe.

XXIII Baako ye, leme ne luwi lelaledede akũ a, Baguma aadzela ye edzi nkpã.”

Ne foesũ fotsa bakolene a wo oblo paa.

Yesu Mo Ye Fotsa Bakolene a Se Asoli Kola Ogole.

XXIV Kĩ Yesu mo ye fotsa bakolene a wo Kaper-naum a, bikĩ bate Asoli Kola ogole a ya ne Petro sekẽ bivia ye kĩ, “Mi fotsa otsane a ase Asoli Kola ogole?”

XXV Petro kpa mbuaye kĩ, “Oo, yase.”

Kĩ Petro wo enaa toto kame a, Yesu nya loto evia ye kĩ, “Simon, litsa nye no adzuni? Baáde ase dute iye togole kakpa katinya kame fogã? Kade a bati ase mboee kĩ banovõẽ?”

XXVI Petro kpa mbuaye kĩ, “Banovõẽ a.”

Ade Yesu kpa mbuaye kĩ, “Kekõ fotsa kĩ kade bati a weya.

XXVII Leme boáwe kĩ boafum bati kĩ, foesũ naata dalewa ne owõ lutubu baũ a kame. Kafõabi katonyade a kĩ aanye a ni, dae ke onukpẽ, aamo sika owoe kĩ saato bomõ no Asoli Kola ogole kase. Kõa se kanaase be bomõ no togole.”

XVIII

Owei Nye Oti a Kĩ Ebẽ Flee?

I Ne lokõ a na kame a, fotsa bakolene a ya ne Yesu sekẽ, bivia ye kĩ, “Owei bẽ flee ne ode legãkanyakõ a kame?”

II Ne foesũ Yesu ve kabisẽẽ kadi eyadzela ne be kayite,

III ade ebi be kĩ, “Mabi mi ne onokõali kame kĩ nte mitádani mikena nde babisẽ aye ni, miláapuli miwo ne ode legãkanyakõ a kame da.

IV Oti kĩ ebẽ flee ne ode legãkanyakõ a nye oti a kĩ edõla ye akũ, edani ekena nde obisẽ kĩ aye.

V “Odi nye odi kī yaakena seme kale ekpa obisē kī odu ne yī dī akū ni, yī ekena ekpa.

Takpā Odima Odo Ne Tōkpa Kame.

VI “Nte oti odi aakpā babisē kī, kī bete yī bido a kame ɔmɔa edo ne tōkpa kame ni, fɔnɛnɛ fōkpa ye fobē kī bekɔa kɔwɔle kpale bevɛla ne ye sɔmɔ beta bido ne mpo kame ɛmɔa mui eku.

VII “Bɔbɔɛ makpa katinya kame bati ne fɔtsa a kī foe avɛle oti kado ne tōkpa kame a akū. Kɛnɛ kī sɔhɛiɛ kī odu ɛya kokooko, lemɛ bɔbɔɛ makpa oti a kī ye akū fɔatsā fɔya!

VIII “Foesū nte nɔ awɛ ãye nɔ kɔbɔa aafɔ ɔkɛna tōkpa ni, tsua koe kata kamuni! Fɔnɛnɛ fōkpa nɔ kī aana nkpā mɔ awɛ mɔa ãye kɔbɔa mɔa, kɛba kī aana akpɔ mɔ abɔa lemɛ beta nɔ bido ne fi a kī fɔádī da a kame.

IX Ade ayea nte nɔ linebi aafɔ ɔkɛna tōkpa ni, bɔle de kanye kata kamuni! Fɔnɛnɛ fobē kī aana linebi mɔa odzi nkpā, kɛba kī aana banɛbi nviã lemɛ beta nɔ bido ne fi a kī fɔádī da a kame a.

Yesu Bɔa Legbã Ne Kuveli Kī Kɔyɛla Akū.

X “Midã kadã wī, ayekī miláasupa babisē kī kame odima. Mabi mi ne ɔnokɔali kame kī be ode foto banyanɛ ne ode adza ne Nda anɛ kame luwi daa,

XI kitonɛkī Otidziwa Obi a ya kī yaate bikī beyɛla a bɛna nkpā.

XII “Mikɔna fukī akū midã. Nte odi deī baveli ɔha mɔ kɔmɔa yɛla ne be kame a, yaáfɔnɛ be aduekrou-ɛvedi a ne katɔbii akū bekade, ɛnaatsã ɛwe kɔmɔa a kī kɔyɛla a? XIII Nte ɛmó koe

ni, yamɔ kawɔle paa ne komɔa a akū kaba be aduekroũ evedi a kī betáyela a.

XIV Ade ayea mi ɔlega ne ode a láwe kī babisẽ kī kame odima eyela a.

Kena ɔmɔa Mɔ Awaẽ Kī Efum Nɔ.

XV “Nte awaẽ fum nɔ ni, naa ye sekẽ kanaanye ye mfumsu katsa ye, leme kena foe ne kabela kame ne mimɔ ye odi kayite. Nte enu foe kayo ekpa nɔ ni, ɔdani ɔte awaẽ.

XVI Leme nte etánu ye akū kayo ni, kpã oti mɔa ñye bati nviã kabumɔ nɔ akū minaa ye sekẽ, ayekĩ fɔletsa a flee aane fɔwa ne adansifo ane.

XVII Leme nte esĩ etátse be malo ni, kɔa fɔletsa a kama asoli a, ade nte etátse asoli bati a leme ni, bu ye nde ɔmamuni ñye ɔgole ɔtene aye.

Yesu Kpa Fɔtsa Bakɔlene a Otumi.

XVIII “Foesũ mabi mi flee kī letsa nye letsa kī mitákpa osi ne tite akū ni, beláakpa de osi ne ode, ade letsa nye letsa kī miákpa osi ne tite akū ni, baakpa de osi ne ode.

XIX “Mabi mi mbu kī nte mi kame bati nviã mikena ɔmɔa ne litsedi akū ne tite akū, mɔ mibɔa mpae mivia de ni, Nda ne ode a aakena foe ekpa mi.

XX Kitonekĩ awã kī bati nviã ñye be elale tsena ne yĩ dĩ akū ni, ndeĩ ne be kayite.”

Legbã Ne ɔsumune Kī Etámɔ ɔkɔba Kɔnya a Akū.

XXI Ke liti a, Petro yavia Yesu kī, “Boe ɔlate, nte nwaẽ dzemena tɔkpa kakena ne yĩ akū ni, titi eni kene kī nkɔa nte ye? Titi evũkɔno mbɔee?”

XXII Yesu kpa ye mbuaye kī, “Oowo, nné titi evũkono, mbom aduesoũ titi evũkono.

XXIII “Kitonekī ode legākanyakō a la nde legā lidi kī lewe kī lakena akunta mo de basumune.

XXIV Kī esila eyi kayo a, bekpā be kame omoa kī edzimo ye sika mpim mpim koto beyamena.

XXV Osumune a lelá sika kī yaase koto a, foesũ legā a kpa kobē kī beno ye moawe a nde osate, ye otsō mo babi, mo letsa nye letsa kī edeĩ a bekoa bise koto a.

XXVI “Osumune a ke aduli ne legā a ane eke ye aduli kī, ‘Na owole boee kakpa yĩ. Maase no se flee.’

XXVII Ye akũ ko legā a konya foesũ efone ye awe ade ekoa koto a kī edzimena a flee ete ye a.

XXVIII “Ade kī osumune kīĩ né edzakũ a, enamo okoba osumune bebā odi kī edzimo ye sika owoe oha moa koto. Epi okoba a ne somo emenana ye odomena koba, ebi ye kī, ‘Se yĩ koto a kī odzimo yĩ a!’

XXIX “Okoba a to ne ye aboa kame eke ye aduli ele kī, ‘Na owole boee kakpa yĩ! Maase no koto a!’

XXX “Leme etatuno, mbom efõ bido ye ne kola kenaawo loko a kī yaase koto a.

XXXI Kī basumune bebā a mo letsa a kī leya a, fuwo be kaloe ade benabi legā a letsa a kī leya a flee a.

XXXII “Foesũ legā a ve osumune a eya ne ye sekē ade ebi ye kī, ‘No osumune kpa! Nkoa koto beblebee a kī odzimo yĩ a nte no ne kī oke yĩ aduli sũ.

XXXIII Ketáfeta kī amo no okoba osumune konya nde ayekĩ mmó no konya a?’

XXXIV Ade legã a na kalokpa mo osĩ efõ benado ye ne kola kĩ bemona ye lubo kenaawo kĩ ese koto a flee.”

XXXV Yesu wĩna kĩ, “Ade aye Nda ne ode a aakena mi kame odi nye odi kĩ etakoa ete owaẽ etomena ye owole kame a.”

XIX

Yesu Tsa Fotsa Ne Kotsõ Mo Konyo Kasĩ Akũ.

I Kĩ Yesu le foletsã kĩ eyua a, edzakũ ne Galilea enaa Yudea amantam ne Yordan owo liti a.

II Bati kodabu pii tomõ ye benaa ade etsa be fotsã ne awã a.

III Farisifo a badi ya ne ye sekẽ, ade bewe kĩ basõ ye bedã, foesũ bivia ye kĩ, “Boe mbla kpa onyole osi kĩ esĩ otsõ ne kale nye kale kĩ yawe a akũ?”

IV Yesu kpa be mbuaye kĩ, “Mitakã ne Katselẽ Kpalewa a kame kĩ ne kayokayi a, otsole mo onyole Obõane bõa?”

V Ade Baguma le kĩ, ‘Ne fukĩ sũ onyole aafone olega mo oma eyi ekõa akũ emena mo otsõ, lokõa be nviã a baakena oti moa.’

VI Foesũ bibuki benyẽ bati nviã mbom bekena oti moa. Ne foesũ otidziwa etasẽ letsã a kĩ Baguma boomu a kame.”

VII Ade Farisifo a via ye kĩ, “Mo nde sũ Mose kpa osi kĩ onyole ekpa ye otsõ kasĩ ovoli lokõa efone ye awe?”

VIII Yesu kpa be mbuaye kĩ, “Ade mi ato osĩ sũ mo Mose kpa mi osi kĩ misĩ mi batsõ a, leme fotãna lomõ ne kayokayi a.

IX Leme finyaa mabi mi kī nte onyole odi sī ɔtsō kī nné kanε ene ye liti sū, mo enakoã otsole bebã ni, ebɔa adɔpaa.”

X Ye fɔtsa bakɔlene a bi ye kī, “Nte aye onyole mo otsole kayite fɔletsa la kō ni, fonéne kī bekōã ɔtsō.”

XI Yesu kpa be mbuaye kī, “Nné odi nye odi aapuli enu fɔletsa kī kayɔ, mbɔente bikī Baguma kpa be foe a.

XII Kitonekī kayɔkanye futefute deī kī foe sū banyole leláapuli bekōã batsō. Badi bema be basae, babebã bati lekena be basae, ade badi leme lákōã batsō ne ode legākanyakō a sū. Oti a kī yaapuli ete fɔtsa katsa kī ni, ete foe.”

Yesu Hila Kubisẽẽ.

XIII Bati badi kpã babisẽ bema Yesu kī ete awe ne be akū, ebɔa mpae ekpa be, leme ye fɔtsa bakɔlene a wūni ne be akū.

XIV Leme Yesu le kī, “Mifō babisẽ a beya ne yī sekẽ, mitasua be osi, kitonekī ade bikī bame odu lá ode legākanyakō a.”

XV Adeke Yesu te awe ne be akū ehila be, ade edzakū ne awã a.

Opopo Osikani a.

XVI Luwi a onyole odi ya ne Yesu sekẽ evia ye kī, “Fɔtsa ɔtsane, letsa wī loɔdabe kene kī nkena mo maana daa nkpã a?”

XVII Yesu kpa ye mbuaye kī, “Nde sū avia yī kale ne fɔtsa wī kakena akū? Oti moape nye owī. Leme nte awe kī awo ne nkpã kame kō ni, kena ne tebla a akū.”

XVIII Oti a via ye kī, “Tebla tewɔdabe?”

Yesu kpa ye mbuaye kī, “Tako oti, taboa adopaa, taye, tadi adansie klumu,

XIX bu aga mo ama, kawe no okoba kale nde ayekī awe no akū kale a.”

XX Ade opopo a kpa mbuaye kī, “Nkena ne tebla kī flee akū. Litsa libuki lisī kī nkena?”

XXI Yesu bi ye kī, “Nte awe kī akpola ni, naa kanaanō no akū fotsa flee, kakoa sika a kate ahiāfo, lokoa aana akū kana fotsa ne ode. Ke liti muniki kayaatomō yī.”

XXII Kī opopo a nu foletsa kī a, edzakū mo ayoloho, kitonekī edeī akū fotsa beblebee.

XXIII Adeke Yesu bi ye fotsa bakolene a kī, “Mabi mi ne onokoli kame kī fōana osī paa fokpa osikani kī yaawo ne ode legākanyakō a kame.

XXIV Mbuki mabi mi kī foada boee fokpa ononko mo kane mo lopo kī yaatsā onobō oke kame ené keba kī osikani aawo ne Baguma legākanyakō a kame.”

XXV Kī fotsa bakolene a nu kale kī a, akū dzuli be, ade bivia kī, “Kekō oweī aapuli ena kate?”

XXVI Yesu dā be kenanaana ade ele kī, “Otidziwa lelāapuli ekena fukī, leme Baguma kō apuli kakena letsa nye letsa.”

XXVII Ade Petro dzela odo ele kī, “Dā kī bofong boe fotsa flee awe boya butomō no, litsa kou aanya boe fude?”

XXVIII Yesu bi be kī, “Mabi mi ne onokoli kame kī nte Otidziwa Obi a kēna akū edzi ne ye legākpo kpalewa a akū ne katinya voē a kame ni, mi bati ewua-nviā a kī mitomō yī a leme miadzi ne fogākpo ewua-nviā akū midzemō Israel futete ewua-nviā a.

XXIX Ade odi nye odi kī efone fola, bawaēnyole, ãye bawaētsole, balega ãye bama ãye babi, ãye foba biyi ne yī sū ni, Baguma aakpa ye foe titi oha mo nkpā kī ela kawūna a.

XXX Leme bati pii kī benye batonyade finyaa a, aakena liti bade, ade liti bade a aakena batonyade a.”

XX

Adzuma Bakenane Badi Ne Waī Koba Kame Akū Foletsa.

I “Ode legākanyakō a la nde okuani odi kī eyidza mo onone tutuutu enaboe apaafō badi kī beyaakena adzuma bekpa ye ne ye waī koba kame.

II Bemō apaafō a benya kōya, etunō kī yaase be sika ovoe sōmōa sōmōa kī fonye luwi mōa kotokase, ade edo be ne ye waī koba a kame a.

III “Kī onone tōdōū evedi bōa a, onyole a buki ene enaa kōya ade enamō banyole badi kī bedzē, kī belá adzuma kenawa adima.

IV Foesū ebi be kī, ‘Mi malo minaakena adzuma ne yī waī koba kame, maase mi koto kī kefeta a.’

V Ade benaa koba a.

“Ebuki ene ne tōdōū ewua-nviā mo olobe tōdōū elale kame enakena nde fōtonyade a.

VI Kī tōdōū elo anaa kabōakō a, enaa kōya enamō banyole bebā kī bedzē pupulidza. Evia be kī, ‘Nde sū midzē ne awī luwi a flee kī miákēna letsama?’

VII “Bekpa ye mbuaye kī, ‘Odima táboe boe kī bōkena adzuma bōkpa ye.’

“Foesū ebi be kī, ‘Nte aye ni, mi malo mi-naakena adzuma ne yī koba a kame.’

VIII “Kĩ olobe wo ɔto a, kɔba ɔlate a bi ye adzuma akũ ɔdāmenanɛ a kĩ, ‘Ve adzuma bakenanɛ a kase be koto, kayi kayo katomena bikĩ beya nkaɛ a akũ kanaawũna nɛ batonyade a akũ.’

IX “Bikĩ biyi adzuma kayo nɛ olobe tɔdɔũ elo kame a kame odi nye odi te sika ovoe sɔmɔa sɔmɔa.

X Foesũ kĩ bati batonyade a yaate be kɔtokase a, bekona kĩ baase be beba lomɔ, lemɛ be malo betɛ sika ovoe sɔmɔa sɔmɔa.

XI Kĩ betɛ be sika a biyua a, bɛna kalokpa bekakena hũhũhũhũ nɛ ɔlate a akũ.

XII Ade bɛɛ kĩ, ‘Bati a kĩ ɔbɔɛ nkaɛ a kɛna adzuma dɔũhuile mɔapɛ, ade boe kɔ bɔdza nɛ suwa kpa kame luwi a flee bɔkɛna adzuma a, lemɛ ose boe flee koto tsetseɛ!’

XIII “Kɔba ɔlate a kpa be kame ɔmɔa mbuaye kĩ, ‘Okɔba, dā ntāsisi nɔ. Nnɛ sika ovoe sɔmɔa akũ bɔnya kɔya?’

XIV Kɔa nɔ kɔtokase kanaa kola. Yĩ lewɛ kĩ mase bati nkaɛ kĩ koto ndɛ ayekĩ nse nɔ a.

XV Ndeĩ osi kĩ makɛna yĩ sika akũ adzuma ndɛ ayekĩ mawɛ. Mbɔɛɛ ayekĩ nkɛna sɛmɛ kalɛ a sũ anɛ abɛɛɛ nɔ?”

XVI Ade Yesu wũna kĩ, “Foesũ bati a kĩ bekpa liti a, aadani batonyade, ade bikĩ benyaa loto a aadani batide a.”

Yesu Lɛ Kɔdzɛla Lɛlɛɛde Nɛ Ye Wuda Akũ.

XVII Kĩ Yesu yeɛ yanaa Yerusalem a, ɛvɛ ye fɔtsa bakolɛnɛ ewua-nviã a nɛ ɔwɛ,

XVIII ade ebi be kĩ, “Mitse lɛtsa a kĩ malɛ a! Bɔanaa Yerusalem, awã kĩ baakɔa Otidziwa Obi

a bido ne basofonokōē, mō mbla batsane a awe. Baako ye koto bekpa wuda,

XIX bekpa ye bido bikī benyé Yudafo a ne awe kī bidi ye nsekuo. Baabo ye, ke liti baaboa ye ne asendua akū, leme ne luwi lelalede akū a, Baguma aadzela ye edzi nkpā.”

Obima Odi Yakpa Ye Kawe Eyi Ne Yesu Ane.

XX Adeke Zebedeo otō kpā ye babinyole nviā eyamena ne Yesu sekē, eyake aduli ne ye ane kame evia kabumena a.

XXI Yesu via ye kī, “Litsa awe?”

Otsole a kpa mbuaye kī, “Kpa yī bohe kī aafō yī babinyole nviā kī kame omōa lidzi ne nō somōna, oyade a leme lidzi ne nō seba, ne nō legākanyakō a.”

XXII Yesu kpa mbuaye kī, “Minyina letsa a kī de milamena kavia a. Míapuli mimōa lubo kamo kōopu a kī maamōa a?”

Bekpa mbuaye kī, “Oo, bóapuli.”

XXIII Ade Yesu bi be kī, “Onokoli foane kī míapuli mimōa foe, leme nlá osi kī manye oti a kī ye aadzi ne yī somōna ñye yī seba. Fudzikō a na nye bikī Nda mane foe eyi a fude.”

XXIV Kī fōtsa bakolene nkae ewua a nu folets a kī a, bena kalokpa ne bawaē nviā a akū.

XXV Foesū Yesu ve be flee ekpota ade ebi be kī, “Minyina kī fogā a kī foanya amamufō akū a deī kōbē ne be akū, ade be banokōē leme deī otumi baū a ne be akū a.

XXVI Leme ketáne kī foana lomō ne mi kame. Nte mi kame odi awe kī yanya onokōē ni, kene kī enya mi osumune.

XXVII Ade ayea nte mi kame odi awe ki yanya otonyade ni, kene ki enya mi osumune,

XXVIII nde Otidziwa Obi a ki etaya ki bisum ye, mbom ki yaasum ekoa ye nkpā ekpa enye bati pii.”

Yesu Tsa Banekune Nviā.

XXIX Ki Yesu mo ye fotsa bakolene a ne bito Yeriko omato a kame banaa ni, bati kodabu bau tomo be.

XXX Banekune nviā ki bidzi ne osi owē nu ki Yesu yaatē, foesu biyi fowola kaboa kayo ki, “Legā Dawid Obi, mó boe konya!”

XXXI Bati kodabu a wūni ne be akū ki befō fowola kaboa, leme bebōa fowola a kooba beba bele ki, “Boe Olate, Dawid Obi, mó boe konya ni!”

XXXII Yesu fō edza ene be ki beya ne ye sekē. Evia be ki, “Litsa miawe ki nkena nkpa mi?”

XXXIII Bekpa ye mbuaye ki, “Onokoē, fō boe ane ebinya.”

XXXIV Be akū ko Yesu konya, ade ekoa awe eta be banebi a. Deedimape be ane binya bemó foko ade bitomo ye a.

XXI

Yesu Wo Ne Yerusalem Omato Kame Nde Legā Aye.

I Ki Yesu mo ye fotsa bakolene a fuā Yerusalem, biwo Betfage ki ewaa ne Kugua Futse Oto akū a, edo ye fotsa bakolene nviā ki benya loto.

II Ebi be ki, “Minaa akula a ki ewaa ne mi loto a kame. Nte misila miwo awā a, míamo ki bido

aflimu mo obi owẽ bedzela. Miwũnya be mikpã mima yĩ.

III Nte odi via mi kadi ni, mile kĩ, 'Boe Olate a sĩ be,' lokoa yaafone be awe ekpa mi letaleta."

IV Bekena fukĩ ayekĩ foletsa a kĩ Baguma onukpẽ onyene le eyi a aaya ne foe kame kĩ,

V "Bi Zion omato a kĩ,

'Dã kĩ no legã aya ne no sekẽ!

Edola ye akũ, edzi ne aflimu mo obi akũ yaya.' "

VI Ade fotsa bakolene a naa benakena nde ayekĩ Yesu bi be kĩ bekena a.

VII Bekpã aflimu mo obi a beyamena, bekoa be tilima betetete ne be akũ ade Yesu de edzi a.

VIII Bati kodabu a dzele be tetadie wulaa biko ne osi a akũ, ade badi leme pãã pãã futse tenane biko ne osi a akũ a.

IX Bati kodabu a kĩ benya Yesu loto mo bikĩ bitomo ye ne liti a kaboa fowola kĩ,

"Mitu osee ne Legã Dawid Obinyole a akũ!

Baguma ehila oti a kĩ yaya ne boe Olate dĩ akũ a! Mimmu Baguma ne ode!"

X Kĩ Yesu wo ne Yerusalem omato a kame a, omato a flee boa obũ, ade bati via kĩ, "Owei ne awĩ a?"

XI Bati kodabu a kpa mbuaye kĩ, "Ade Baguma Onukpẽ Onyene Yesu kĩ eto Nazaret ne Galilea tite akũ a."

Yesu Blomena Fotsa Banone Ne Asoli Kola Kame.

XII Ade Yesu nawo ne Asoli Kola a kame, eblomena bati a kĩ bekanõ fotsa mo bikĩ bekaya fotsa a ne awã enemena. Edu bikĩ babẽ sika a tupunu mo bikĩ banõ mbloduma a fukpo ewula,

XIII ade ebi be kī, “Betsēle ne Katsēle Kpalēwa a kamē kī Baguma le kī, ‘Baave Yī Asoli Kōla a kī mpae kabōakō’ lemē mi kō mikōa koe mikēna bayekpane kabelakō!”

XIV Ade banekune mō abafā amē ya ne ye sekē ne Asoli Kōla a kamē ade etsa be foso a.

XV Kī basofonokōē mō mbla batsanē a mō awāwā fotsa a kī ekēna a, mō ayekī babisē kabōa fowōla ne Asoli Kōla a kamē kī, “Mitu osee ne Legā Dawid Obinyole a akū!” a ni, bēna kalōkpa paa.

XVI Foesū bivia Yesu ne kalōkpa kamē kī, “Anu letsa a kī belamēna kalē a?”

Ade Yesu kpa be mbuayē kī, “Oo, manu. Mbōēē mitākā tō ne Katsēle Kpalēwa a kamē kī, ‘Babisē mō bakōkōa onukpē kamē kamu kī kekpōla anē kato’ a?”

XVII Ke liti a, Yesu dzakū efōne be, enē ne omato a kamē ade enaa Betania enawa ne awā a.

Yesu Dumu Kutse Kudi Kī Kōtawū Babi.

XVIII Ne kadekanyina onōne a, kī emuniki yanāa omato a kamē a, kōle kō ye.

XIX Emō kutse kī kōawū babi kī kōdzē ne osi owē ade ēbele enaa koe kayō a, lemē etāmo babi badima ne koe akū kēba tōta nenē. Foesū ebi kutse a kī, “Olāabuki owū babi dadaada.” Deedimōape kutse a tōta vē.

XX Kī ye fotsa bakōlēne a mō fukī a, fōkēna be wāwā, foesū bivia ye kī, “Nde fōya mō kutse a tōta vē mōatse lōmō?”

XXI Ade Yesu kpa be mbuayē kī, “Mabi mi pipipi kī nte mite mido, mō mitāte atsindze ni, miāpuli mikēna letsa a kī nkēna kutse kī. Nné

fukĩĩ odi malo, míapuli mibi ɔto kĩĩ kĩ, ‘Bɔle kanaato ne mpo kame,’ ade yaabolɛ a.

XXII Nte mideĩ katekado ni, letsa nye letsa kĩ míavia ne mpaɛbo kame ni, míana foe.”

Bati Via Yesu Awã Kĩ Etomena Ye Otumi.

XXIII Kĩ Yesu muniki ɛya ne Asɔli Kɔla kame ɛkatsa fɔtsa a, basɔfɔnɔkɔɛ mo ɔmaĩ banɔkɔɛ ya ne ye sekẽ bivia ye kĩ, “Otumi ɔdabe ɔnɛɛ akena fɔtsa kĩĩ bame? Owei lekpa no osi a?”

XXIV Yesu kpa be mbuaye kĩ, “Maavia mi kale moape ade nte mikpa yĩ ke mbuaye ni, maabi mi otumi a kĩ nɛɛ nkɔa makena fɔtsa kĩĩ.

XXV Owei sekẽ Yohanes te otumi etomena mo ɛwɔla bati mui? Baguma sekẽ ɛte ye etomena mbɔɛɛ kĩ batidziwa sekẽ?”

Ade bido foe kame kasa awe ne be kame kĩ, “Litsa bóale? Nte bóle kĩ, ‘Eto Baguma sekẽ’ ni, yaavia boe kĩ, ‘Mo nde sũ mitáte Yohanes mido?’

XXVI Ade nte bóle kĩ, ‘Eto bati sekẽ’ ni, boavila letsa a kĩ bati a aakena, kitonekĩ be flee betɛ bido kĩ Yohanes nye Baguma onukpẽ ɔnyɛɛ.”

XXVII Foesũ bekpa Yesu mbuaye kĩ, “Bunyína.”

Ade Yesu lemɛ bi be kĩ, “Kekõ yĩ malo nláabi mi awã kĩ ntomena otumi nɛɛ makena fɔtsa kĩĩ.”

Yesu Bɔa Legbã Ne Babinyole Nviã Badi Akũ.

XXVIII “Nde mikɔna ne kale kĩĩ akũ? Onyole odi deĩ babinyole nviã. ɛnaa ɔnɔkɔɛde a sekẽ ebi ye kĩ, ‘Yĩ obi, naa yĩ waĩ kɔba kame nviã kanaakena adzuma kakpa yĩ.’

XXIX “Ye obi a kpa mbuaye kĩ, ‘Nláanaa,’ lemɛ ke liti a, fuwo ye kalɔɛ ade ɛnaa koba a.

XXX “Olega a naa obi oyade a sekẽ ebi ye kale moape a. Ekpa mbuaye kĩ, ‘Awoo, papa maanaa,’ leme etánaa.

XXXI “Bati nviã kĩi kame odabe lekena ne olega a kawe akũ?”

Bekpa mbuaye kĩ, “Onokõẽde a.”

Ade Yesu bi be kĩ, “Mabi mi ne onokõali kame kĩ togole batene mo adopaafõ nya mi loto benaa ne Baguma legãkanyakõ a kame.

XXXII Kitonekĩ kĩ Yohanes Mui Owolane a ya kĩ yatsa mi osi wĩ a kĩ míatsã midzi nkpã a, mitáte ye mido. Mbom togole batene mo adopaafõ kõ te ye bido. Ade titõ kĩ mimó fukĩi malo ni, ke liti a mitádani adzuni mite ye mido.”

Yesu Bõa Legbã Ne Waĩ Kõba Akũ Badãmenane a Akũ.

XXXIII Yesu bi be kĩ, “Mitse legbã bebã lidi leme. Kõba onene odi né waĩ kõba, ade edzi kõbã emini koe a. Enye leke ekpa waĩ mui a kakã kako, ade eke kola geĩ kĩ oti aana ne awã ekadã kõba a akũ. Ke liti ekõa kõba a edo ne waĩ kõba banene awe edzakũ enaa osi akũ.

XXXIV Kĩ kutse babi a kana a wo oto a, edo ye basumune ne waĩ kõba banene a sekẽ kĩ benaate ye kanyakõ bema ye.

XXXV “Kõba akũ badãmenane a pi ye basumune a, bibo omõa, beko õbebã ade betale olalẽde a boe a.

XXXVI Ke liti a, kõba olate a buki edo basumune bebã kĩ bepone bebẽ batonyade a, leme kõba akũ badãmenane a kena be letsa moape a.

XXXVII Ne foe kawũna kame a, edo ye obi ne be sekẽ, ele kĩ, ‘Mate kado kĩ baanyõã yĩ obi.’

XXXVIII “Leme kī koba akū badāmenane a mó obi a, bibi akū kī, ‘Ade fotsa onyane a ne awī a. Miya boko ye, ye adzapadie a edani boe ade.’

XXXIX Foesū bipi ye bevele benemena ne koba a kame, ade beko ye a.”

XL Yesu via kī, “Finyaa, nte waī koba olate a ya ni, litsa yaakena koba akū badāmenane kī a?”

XLI Bekpa ye mbuaye kī, “Ne onokoli kame ni, yaawola bati kpa a na, lokoa ekoa koba a edo ne koba akū badāmenane bebā awe, bikī baakoa ye kanyakō bema ye ne fudutsa kakpota loko kame pεpεpε.”

XLII Ade Yesu bi be kī, “Mitākā tō letsa a kī Katsεle Kpalewa a le a?

‘De a kī fola bakene sī a,
ade de ledani kola akū de titiliwu a.
Boe Olate a lekena fukī.
Fokena boe wāwā!’ ”

XLIII Yesu le ebu kī, “Foesū mabi mi kī, baate Baguma legākanyakō a ne mi awe bekoa bekpa kade a kī kaawū babi wī a.

XLIV Odi nye odi kī yaane eto ne de kī akū ni, yaaveli gblegblegble, leme owula kī ye akū laaato ni, laabubuli ye kpetekpetekpεtε.”

XLV Kī basofonokōē mō Farisifō a nu Yesu fogbā kī a, bemó kī be akū foletsa ekale,

XLVI foesū bewε kī bapi ye. Leme bivila bati kodabu a, kitonekī bati a bu Yesu ndε Baguma onukpē onyene aye.

XXII

Yesu Bɔa Legbā Ne Obolitsō Opunu Kate Akū.

I Yesu buki ελε κodzela mo be ne fogbã kame kĩ,

II “Baguma legãkanyakõ a la nde fukĩ. Legã lidi te opunu ekpa obinyole ne ye obolitsõ kapi luwi akũ.

III Lemε kĩ edo ye basumε kĩ benaave bati a kĩ ekpa kanyi a kĩ beya ne kanyakõ, bisĩ kaya.

IV “Foesũ ebuki edo basumε bebã ne bikĩ beve a sekẽ mo òledo kĩ, ‘Beto yĩ funitsã a biyua, beko yĩ banantsuenyole mo banantsue babi òliwa, bεmane letsa nye letsa biyua. Miya ne obolitsõ luwi kanyakõ a!’

V “Lemε bati a kĩ beve a tákpeti ye kave a, mbom bedzakũ benaa be tudzuma kame. Oti moa naa ye koba, òbebã naa koyaato,

VI bati nkaε a pili basumε a bekεna be tenya ade beko be a.

VII Legã a na kalokpa paa, foesũ edo ye sodzafõ benako awudifo a, bipila be òmato a lemε.

VIII “Ke liti a, εve ye basumε ebi be kĩ, ‘Biyua obolitsõ kapi funitsã a kato, lemε bati a kĩ nve a tafeta obu a kĩ nkpa be a.

IX Foesũ finyaa minaa òmato a toblonu kpale akũ minaave odi nye odi kĩ míamo εya ne kanyakõ a.’

X Ade basumε a ne benaa toblonu akũ benakpã odi nye odi kĩ bemó, bati wĩ mo bati kpa flee, ade obolitsõ kapikõ a yi mo bati a.

XI “Kĩ legã a nawo kĩ yadã bikĩ beve a, εmó onyole odi kĩ etádo obolitsõ kapi atadie ne awã.

XII Ade legã a via ye kĩ, ‘Okoba, nde okεna owo ne awĩ kĩ otádo obolitsõ kapi atadie?’ Lemε onyole a to lumumu.

XIII “Foesũ legã a bi ye basumune a kĩ, ‘Misui ye akpo mo aboa mita ye mimuni ne kanya ne otũ kame, awã kĩ yaabe eba adõ.’ ”

XIV Yesu wũna kĩ, “Bati beblebee bave, lemε be sukuloome bapau.”

Bivia Yesu Kale Ne Abãã Ogole Kase Akũ.

XV Farisifo a nanaa adzina ayekĩ banaĩ Yesu betsãmena foletsa kavia kame, bena ye ne ye kodzela kale kame.

XVI Foesũ bido be fotsa bakolene mo bikĩ bitomo Herodes a kame badi ne ye sekẽ bele kĩ, “Fotsa Otсанε, bunyina kĩ odeĩ onokwali, atsa Baguma osi a ne onokwali kame, ade otsela odima akũ, kitonekĩ aadã oti anε.

XVII Foesũ bi boe no adzuni. Boe mbla kpa osi kĩ bute togole bokpa Roma Legãnokõẽ, mbõεε kĩ etakpa osi?”

XVIII Lemε Yesu mó be adzuni kpa a kĩ bebõε a eyi osũ, foesũ ebi be kĩ, “Mi anε kame kekε fotsa bakenanε! Nde sũ miaso yĩ midã?

XIX Mikõa sika a kĩ miakõa kase ogole a mitsa yĩ.”

Bekõa sika a bema ye,

XX ade evia be kĩ, “Owei lolõ kata mo dĩ teĩ ne se akũ?”

XXI Bekpa ye mbuaye kĩ, “Roma Legãnokõẽ fude fõanε.”

Foesũ Yesu bi be kĩ, “Kekõ mikõa letsa a kĩ lenye Roma Legãnokõẽ lide mikpa ye, ade mikõa letsa a kĩ lenye Baguma lide lemε mikpa Baguma.”

XXII Kĩ binu foletsa kĩĩ a fokena be saa, ade befõne ye awe bedzakũ a.

Bivia Yesu Foletsa Ne Banokpa Kayidza Kadzi Nkpã Akũ.

XXIII Luwi moape a, Zadukifo kĩ bale kĩ banokpa kayidza leláa kame badi ya ne Yesu sekẽ beyavia ye

XXIV kĩ, “Fotsa Otsane, Mose bi boe kĩ nte onyole odi kĩ etáma ku ni, kene kĩ owaenyole ekõã okunawa a lokõa bema bido ye lolõ.

XXV Finyaa bawaenyole evũkonõ badi dzi ne boe kame tõ ne awĩ. Onokõẽde a kõã otsõ leme bemõ ye betáma fomõ eku, foesũ efone ye okunawa a eyi ekpa owaenyole a.

XXVI Ade letsa moape a leya ne oyade a, mo olalẽde a, kenawo ovũkonõde a akũ a.

XXVII Ne foe kawũna kame a, osole a leme ku.

XXVIII Finyaa, ne luwi a kĩ banokpa aayidza bidzi nkpã akũ a, be kame oodabe otsõ yaanya, kitonekĩ banyole evũkonõ a flee kõã ye tõ a?”

XXIX Yesu kpa be mbuaye kĩ, “Mikena mfumsu, kitonekĩ minyina Katsela Kpalewa a foletsa mo Baguma kobẽ a.

XXX Kitonekĩ ne banokpa kayidza kadzi nkpã kame ni, beláakõã batsõ ãye bidzi fonyo, mbom baana nde ode foto banyane aye.

XXXI Mbõee mitákã tõ letsa a kĩ Baguma le ne banokpa kayidza kadzi nkpã akũ a? Ele kĩ,

XXXII ‘Yĩ nye Abraham Baguma, mo Isak Baguma mo Yakob Baguma.’ Nné banokpa Baguma yanẽ, mbom batidziwa ade yanẽ.”

XXXIII Kĩ bati kodabu a nu foletsa kũ a, akũ dzuli be ne ye fotsa katsa a akũ.

Yesu Tsa Mbla a Kĩ Ebẽ Flefle a.

XXXIV Kĩ Farisifo a nu kĩ Zadukifo a tápuli bedza ne Yesu ane a, benakpota ne kako moa,

XXXV ade be kame omoa kĩ enye mbla otsane so Yesu edã ne foletsa kavia kame kĩ,

XXXVI “Fotsa Otsane, Mose mbla aádabe bẽ ne te kame?”

XXXVII Yesu kpa ye mbuaye kĩ, “We boe Olate, no Baguma a kale mo no owole flee, mo no okla flee, mo no adzuni flee.

XXXVIII Ade mbla kĩ nye atonyade mo ekĩ ebẽ flefle a.

XXXIX Mbla ayade a la nde ye, ‘We no okoba kale nde ayekĩ awe no moawe akũ kale.’

XL Ade tebala nviã kĩ akũ Mose mbla a mo Baguma onukpẽ banyene fotsa katsa a flee dzẽ a.”

Owei Nye Kristo a?

XLI Kĩ Farisifo a yakpota a, Yesu via be kĩ,

XLII “Litsa nye mi adzuni ne Kristo akũ? Owei obinyole yane?”

Bekpa mbuaye kĩ, “Legã Dawid kasinu kame owa yane.”

XLIII Ade Yesu via be kĩ, “Kekõ nde sũ Dawid tsã Hũhũ kame eve ye kĩ, ‘Olate’? Kitonekĩ Dawid le kĩ,

XLIV ‘Boe Olate bi yĩ Olate a kĩ,

“Dzi ne yĩ somona

kenaawo kĩ maakoa

no bakesĩne ndo ne no aboa kayo.” ’

XLV Nte Dawid ve Kristo kĩ Olate a ni, nde Kristo aapuli enya Dawid obinyole?”

XLVI Be kame odima tápuli ekpa Yesu mbuaye, ade kito luwi a kanaa a, odima tádo ɔwɔle ebuki evia ye kale kadima.

XXIII

Yesu De Bati Ne Mbla Batsane Mɔ Farisifo Akū.

^I Ke liti a, Yesu bi bati kodabu mɔ ye fɔtsa bakɔlene a foletsa kī,

^{II} “Mbla batsane mɔ Farisifo a bekpa kɔbē kī banye Mose mbla a kayɔ.

^{III} Foesū mikena letsa nye letsa kī bibi mi kī mikena a mipi foe midomɔ akū. Leme mitadā be fɔkelatsa mikena, kitonekī baákena ne letsa a kī bale a akū.

^{IV} “Bisuli fɔtsa mɔ ɔlomɛ kī fudeĩ ɔsī mɔ kalo belola bati, leme be mɔawe a kō baáwe kī bayo lawobi malo bibumena bati foe kalo.

^V Bakena letsa nye letsa ayekī bati bemɔ be keke. Bakɔa fumake kī fɔsa a kī betsele Baguma foletsa bite kabɔa ne nnye mɔ akpɔ. Ade bakena be tetadiɛ wulaa atɔ tesa, tevanɛ mɔ mpesempese geleelegeleele a!

^{VI} Bawe kī badzi ne banɔkɔē fudzikō ne kanyakō, mɔ banɔkɔē fudzikō ne Yudafo fotsenakō.

^{VII} Bawe kī bati bewōna be mɔ obu ne kɔyaato, beve be kī Fɔtsa ɔtsane mɔ obu.

^{VIII} “Ketáne kī bave mi kō kī Fɔtsa ɔtsane, kitonekī Fɔtsa ɔtsane mɔape mideĩ, ade mi flee minye bawaē a.

^{IX} Ade ayea mitave odima ne tite akū kī mi ɔlega, kitonekī ɔlega mɔape mideĩ ne ode.

X Mitafõ odima leve mi kī Ɔkpāne malo, ki-tonekī Ɔkpāne moape mideĩ, kī enye Kristo.

XI Oti a kī enye Ɔnokõ ne mi kame ni, enya mi Ɔsumune.

XII Odi nye odi kī yadela ye akū ne ode ni, baakena ye ne kayo, ade odi nye odi kī edola ye akū ni, baadela ye ne ode.

Yesu Kó Mbla Batsane Mɔ Farisifo Kɔɔ.

XIII “Leme makpa mi mbla batsane mɔ Farisifo bɔbɔe! Ane kame keke fɔtsa bakenane! Mibale ode legākanyakõ a onyukpẽ a mido bati. Mi moawe a miáwo, ade miákpa bikī bebɔa mbodi kī bawo a osi biwo a.

XIV “Makpa mi mbla batsane mɔ Farisifo bɔbɔe! Ane kame keke fɔtsa bakenane! Miate bakunawa toto ne be awe ade miabɔa mpae geleele kakɔa tsa akū a. Ne fukĩ sũ míana sɔto kavere mɔ ɔsĩ seba!

XV “Makpa mi mbla batsane mɔ Farisifo bɔbɔe! Ane kame keke fɔtsa bakenane! Mitsã mpo akū minyina minaa fude fude kī miawe oti moape edani Yudani, leme nte midani ye a, miakena ye titi nviã ekpola ekpa fi luwotu kame kanaa nde mi aye!

XVI “Makpa mi banekune a kī bakpã bati a bɔbɔe! Miale kī, ‘Nte odi tani Asoli Kɔla ni, fonyé letsama, leme nte etani sika ngbã ne Asoli Kɔla kame kõ ni, fubo a pi ye.’

XVII Banekune bakɔasia! Fɔɔdabe bẽ kɔya? Sika ngbã a mbɔee Asoli Kɔla a kī kɔfõ sika a akū kpale a?

XVIII Miatsa fɔtsa leme kī, ‘Nte odi tani Baguma afolibɔ atenye a ni, fonyé letsama, leme nte etani

afolie fotsa a ne afolibɔ atenyɛ a akũ kɔ̃ ni, elo fubo.'

XIX Banekunɛ mianɛ nuwĩ! Fɔɔdabe bɛ̃ koyɔ? Futetsa a mbɔɛɛ kĩ afolibɔ atenyɛ a kĩ ye lekpalɛ futetsa a akũ a?

XX Foesũ nte odi tani afolibɔ atenyɛ a ni, etani ye mɔ futetsa a kĩ futeĩ ne atenyɛ a akũ a flee.

XXI Ade nte odi tani Asoli Kɔla a ni, etani koe mɔ Baguma a kĩ edzi ne koe kame a.

XXII Ade ayea nte odi tani ode ni, etani Baguma legãkpo mɔ Baguma a kĩ edzi ne de akũ a.

XXIII "Bɔbɔɛ makpa mi mbla batsanɛ mɔ Farisifo! Anɛ kame keke fotsa bakenanɛ mianɛ! Miakpa Baguma tuwĩ kĩ bakɔa kado funitsã ɔlɛ̃ te kame kasɛ̃ katsu kawuade a pɛpɛpɛ, lemɛ mifɔnɛ mbla fotsa katsa sĩwa, kĩ fɔnyɛ foletsa kadze ne osi kpĩĩ, konyakamɔ mɔ ɔnɔkɔali kadi awɛ. Ade fukĩĩ kufɛ kɛfɛta kĩ miakena lokɔa mikena fɔbebã a mibu a.

XXIV Banekunɛ bati bakpãnɛ! Miasoni koyabi kanyɛ ne bave kame, lemɛ miamena ɔponkɔ mɔ kanɛ mɔ lɔpɔ!

XXV "Bɔbɔɛ makpa mi mbla batsanɛ mɔ Farisifo! Anɛ kame keke fotsa bakenanɛ! Miavɔlɛ mi kuyei mɔ titsensi liti yededeede, lemɛ foe kame yi mɔ fotsa a kĩ mikɔa kobɛ̃ mɔ anengbã mitɛ a.

XXVI Nɔ Farisini ɔnekunɛ, nya lotɔ kavɔlɛ kayei a kame, lokɔa ke liti lemɛ aakpalɛ!

XXVII "Bɔbɔɛ makpa mi mbla batsanɛ mɔ Farisifo! Anɛ kame keke fotsa bakenanɛ! Mila ndɛ funikɛ kĩ bikputa mɔ tite ovɔe kĩ fɔalɛ kadã, lemɛ foe kame yi mɔ banɔkpa fotsɔ̃ mɔ sukɛna vɔ̃wa.

XXVIII Ade ayea miatsa akū ne bati ane nde bati wī, leme mi kame kō yi mō ane kame keke fōtsa kakena mō tokpa.

Yesu Le Mbla Batsane Mō Farisifo Soto Kavele Eyi.

XXIX “Bōbōe makpa mi mbla batsane mō Farisifo! Ane kame keke fōtsa bakenane! Mike funi mō kale mikpa Baguma onukpē banyene a ade mihehe bikī bidzi nkpā wī a ane kate fōtsa a.

XXX Ade miale kī, ‘Nte budzi nkpā ne boe bawanyo loko a ni, kufe botākena omōa mō be boko Baguma onukpē banyene a.’

XXXI Ade fukīi mikōa midi adansie ne mi akū kī minye bati a kī beko Baguma onukpē banyene a bawa!

XXXII Ne foesū mikena minaa loto, lokōa miyula letsa a kī mi bawanyo yi kayo a!

XXXIII “Mi bati kī bela nde bōe babi! Kakōna mikōna kī miapuli milo, kī belāako mi koto bekpa fi luwotu kame kanaa?

XXXIV Foesū mabi mi kī maado Baguma onukpē banyene, anyansāfo, mō fōtsa batsane ne mi sekē. Míako badi, mibōa babebā ne asendua akū, míabo badi mō mple ne mi fōtsenakō, mitomō be liti kito omato kenaa omato.

XXXV Ne fukīi sū bati wī babōane a kī biwula a flee aaya ne mi akū. Fōayi kayo futo oti kpīi Abel babōane akū kēnaawo Zakaria, Barakiya obi a kī mikō ne Asoli Kōla mō afolibō atenye a kayite a akū.

XXXVI Mabi mi ne onokoali kame kī soto kavele ne wuda kīi flee akū aaya ne mi nviā babi akū!

Yesu Ddo Kī Ena Ekpa Yerusalem.

XXXVII “Yerusalem, Yerusalem, nɔ a kɔ ɔkɔ Baguma onukpɛ banyɛɛ, ade ɔnɔ foto banyɛɛ a kɔ Baguma do nɛ nɔ sekɛ a boe a! Titi eni nwe kufe kɔ makpɔta nɔ babi nde ayekɔ ɔkɔkɔ bima akpɔta ye babi kado nɛ fupoki kayɔ, lɛmɛ ɔtɔtunɔ!

XXXVIII Dã, baafɔnɛ nɔ toto awɛ biyi tedza luto.

XXXIX Mabi nɔ kɔ kito finyaa kanaa ni, oláabuki ɔmó yɔ kɛnaawo kɔ aale kɔ, ‘Baguma hila oti a kɔ yaya nɛ boe ɔlate dɔ akū a.’ ”

XXIV

Yesu Lɛ Kalɛ Nɛ Asɔli Kɔla a Kabubuli Akū.

I Kɔ Yesu nɛ nɛ Asɔli Kɔla kame yanaa a, ye fɔtsa bakolɛnɛ a ya nɛ ye sekɛ kɔ batsa ye ayekɔ bike kola a flee a.

II Yesu bi be kɔ, “Midã fukɔ flee kadã wɔ. Mabi mi nɛ ɔnokɔali kame kɔ beláatina de lidima nɛ lokɔba akū kɔ beláadu bimuni.”

Yesu Bi Ye Fɔtsa Bakolɛnɛ a Kɔ Baana ɔhau Mɔ Liti Katomɛna.

III Kɔ Yesu nɛ edzi nɛ Kugua Futse ɔto a akū a, ye fɔtsa bakolɛnɛ a bela bɔɛɛ bɛya nɛ ye sekɛ bivia ye kɔ, “Lokɔ lowɔdabe fɔtsa kɔ aaya nɛ foe kame. Bi boe letsa a kɔ laanya nɔ kaya mɔ katinya kame kawūna a nsentseleni.”

IV Yesu kpa be mbuayɛ kɔ, “Midã kadã wɔ ayekɔ odima leláake mi.

V Kitonekɔ bati pii aaya nɛ yɔ dɔ akū bɛle kɔ, ‘Yɔ nɛ Kristo a.’ Baake bati pii.

VI Mianu kawū kanɔ mɔ kawū akū fɔletsɔ mɔ lugo. Lɛmɛ mitafɔ fɔtsa kɔ lebole mi towole. Kɛnɛ kɔ fɔtsa kɔ fɔya nɛ foe kame, lɛmɛ fɔatsa kɔ katinya kame kawūna a wo ɔto.

VII Ōmaĩ aano mo akũ, ade fogã kanyakõ aayidza beno mo fogã kanyakõ a. Kole aana, ade tite aakuna mo osĩ mo osĩ ne foko pii a.

VIII Fukĩ flee la nde omatsõ seme kapi kawo a kayokayi aye.

IX “Ne loko a na kame ni, baanye mi bekpā kī bekēna mi awoda, beko mi malo. Batidziwa flee aakesĩ mi ne yĩ sũ.

X Bati pii aamuniki ne be katekado liti. Baanye be akũ akũ aboa, bikesĩ akũ leme.

XI Fovã onukpẽ banyene aane bekpā bati pii beyela osi.

XII Tokpa kakēna aade ne ode paa kī bati pii odo onukpẽ aado.

XIII Leme odi nye odi kī yaadza pintii enawo kawũna ni, Baguma aate ye.

XIV Baale Baguma legãkanyakõ akũ Kale Wĩ a akũ foletsa ne katinya kame flee fonya adansie fokpa batidziwa flee. Ne fukĩ liti a, katinya kawũna a aaya.

Lubokamo Mo Libe Aaya.

XV “Nte mimó Fotsa mo libe kī foako Ōmaĩ, kī Baguma Onukpẽ Ōnyene Daniel le foe akũ foletsa eyi a kī fodzẽ ne kako kpalewa a, no ovoli kī okāne, nu foe kayo dzununuunu,

XVI lokoa bati a kī bideĩ ne Yudea, bilo benaa toto a akũ.

XVII Oti a kī edeĩ ne kola ode ni, etaduma eka kī yanaaboe ye akũ fotsa enemena ne kola kame.

XVIII Ade ayea oti a kī edeĩ ne koba leme, etamuniki eya kī yanaaboe ye atadie.

XIX Leme bōbōe makpa bamatsō mō bikī babi ameme ne awe ne loko a na kame.

XX Mibōa mpaē mikpa Baguma kī mi kalo loko letana ne osili loko iye Kaweya Luwi akū!

XXI Kitonekī lubo kamō ne loko a na kame aana osi leba lidi nye lidi kī leya tō, kito katinya kayokayi keyawo nviā kīi, ade de odu leme lelāabuki leya dadaada a.

XXII Nte Baguma etatinya lubokamō fuwi a na akū kōkōe ni, kufe otidziwa odima lelāana nkpā. Leme ne bati a kī epau eyi a sū ni, Baguma aatinya fuwi a akū.

XXIII “Foesū nte odi bi mi kī, ‘Dā, Kristo deī ne awī,’ iye ‘Amō ye ne akīi’ ni, mitate foe mido.

XXIV Kitonekī fōvā kristofō mō fōvā onukpē banyene aane, ade baakena nsentseleni mō awāwā fōtsa kī nte baapuli beke bikī Baguma pau a malo.

XXV Midā, mbi mi fukīi ñnyamena lotō fōmō loko a aawo otō.

XXVI “Foesū nte bati bi mi kī, ‘Dā, edeī ne kōsa kame’ ni, mitanaa awā. Ade ayea nte bati le kī, ‘Dā, edeī ne kōla kame’ ni, mitate foe mido.

XXVII Kitonekī Otidziwa Obi a kaya aana nde ayekī odetō kame amōane kato suwa kadekō kanaa suwa katomukō a.

XXVIII “Awā kī fōtsa kuwa deī ni, ade awā fōpete akpōta a.

Otidziwa Obi a Kaya.

XXIX “Nte lubo kamō fuwi a na yatē pe, suwa aake otū, odetō leme lelāabuki evōle. Fusibii aato ode fotō ade kōbē fōtsa a kī fudeī ne odetō kame a aakuna akū, fōdzakū ne foe kadzakō a.

XXX “Ade loko a na kame mo Otidziwa Obi a nsentseleni aane ne odetó kame, ade tite akū bati flee aabe, ade baamo Otidziwa Obi a kī yaya ne luflututu akū mo kobē ne kukūkpale kpale kame.

XXXI Baavõ kagbuleε kpale a, lokoā yaado ye ode foto banyane benaa katinya tukonto εna a akū, benaakpota ye bati a kī epau a kito katinya seke kī kenaa seke kī akū.

Yesu Koa Kutse Kī Koaũ Babi Ekpa Nsentseleni.

XXXII “Mikole fotsa ne ato kutse a akū. Nte kone tebabi vōē mo kudo toota bloblo kane awe ni, minyina kī ovio loko fuā.

XXXIII Ade ayea nte mimó fotsa a kī nle flee a ni, minyi kī katinya kawūna a loko wo oto fuyua.

XXXIV Mabi mi ne onokoli kame kī fotsa kī flee aaya ne foe kame, fomō nviā babi kasinu kī flee aaku.

XXXV Tite mo ode aayatē, leme yī foletsa a kō onukpē lelāatē da.

Odima Linyina Luwi a Iye Doũhuile a.

XXXVI “Odima linyina luwi iye doũhuile a kī fōaya ne foe kame. Ode foto banyane a iye Obi moawe a malo linyina, mbōente Ōlega odi keī nyina.

XXXVII Otidziwa Obi a kaya aana nde ayekī fōya ne Noa loko a.

XXXVIII Ne fuwi a kī fōnya mui kayili ne tite akū loto kame a, bati kanya bekamoā, bekakoā batsō, bekakoā banyole kenawo luwi a kī Noa wo ne adaka okolo a kame,

XXXIX Ieme betányi letsa a kī lekaya kenawo kī mui kayili a yalo be flee enamena. Ade aye Ieme Otidziwa Obi a kaya aana a.

XL Ne loko a na kame a, banyole nviã aakakena adzuma ne koba, baaboe omoa benamena, befone omoa awe biyi.

XLI Batsole nviã aakawole onuvoe ne kowole akū, baaboe omoa befone oyade a biyi.

XLII “Foesū mina ne kukūmane kame, kitonekī minyina luwi a kī de akū mi Jlate a aaya.

XLIII Nte kanyi toto Jlate nyina loko a kī oyekpane aawo ne ye akū ni, kufe esi lipe kī etakpa oyekpane a osi ewo ne ye kola kame.

XLIV Ne foesū mi malo mimane akū miyi, kitonekī Otidziwa Obi a aaya ne loko a kī miádā ye ane a akū.

Jsumune Kī Edi Onokwali Mo Jsumune Kī Etádi Onokwali.

XLV “Foesū oweI nye Jsumune onokwalini mo kadi onyine? Ade ye nye oti a kī ye Jlate koa edzela ne ye basumune bebā onukpē kī ekpa be funitsā ne loko wī akū.

XLVI Bihila Jsumune a kī ye Jlate aato osi akū eyaamo kī elamena adzuma a kī ekpa ye a kakena!

XLVII Onokwali mabi mi kī, Jlate a aakoa ye edzela ne ye fotsa flee onukpē.

XLVIII Ieme nte enye Jsumune kpa ni, yaabi ye akū kī, ‘Yī Jlate a lelāaya moatse!’

XLIX mo edo ye bakoba basumune a kabo awe, yanya kamoa mo bave bawugane ni,

L ye Jlate a aamuniki eya ne luwi a kī étáte ane mo loko kī enyina akū.

LI Ye ɔlate a aablomena ye, ewele ye soto efɔ ena tsefã mɔ ane kame keke fotsa bakenane. Ade awã yaabe eba adɔ a.

XXV

Yesu Bɔa Legbã Ne Bayitsɔ Ewua a Akũ.

I “Lɔko a kɔ Otidziwa Obi a aaya a, Baguma legãkanyakɔ a aana nde bayitsɔ ewua kɔ bebɔe be tsesdza kɔ banaatselamɔ obolitsɔ onyo.

II Be elo nye bakɔasia, be elo lemɛ nye anyansãfo.

III Kɔ badzimbifo a bɔe be tsesdza a, betábɔe kugua bibu.

IV Anyansãfo a kɔ ko kugua ne titontolowa kame bele bibu mɔ be tsesdza a.

V Obolitsɔ onyo a táya mɔatse, foesũ tida bɔe bayitsɔ a, ade bewa tida a.

VI “Ne lenye kayite a, binu fowola kɔ, ‘Amo obolitsɔ onyo a ne awĩ tsoo! Mine miyaatsela mɔ ye!’

VII “Ade bayitsɔ ewua a yidza betena be tsesdza a.

VIII Badzimbifo a bi anyansãfo a kɔ, ‘Mikpa boe mi kugua a kudi, kitonekɔ boe tsesdza lamɔ kadĩ.’

IX “Lemɛ anyansãfo a kpa be mbuaye kɔ, ‘Oowo, kukɔ bɔneɛ a leláato bɔmɔ mi. Minaa bikɔ banɔ a sekẽ minaaya mi kude.’

X “Lemɛ kɔ bayitsɔ badzimbifo a dzakũ benaaya kugua a, obolitsɔ onyo a yaya. Bayitsɔ elo a kɔ bemanɛ akũ a, tomɔ ye benaa obolitsɔ kapikɔ a, ade bebale opunu a.

XI “Ke liti a, bayitsõ nkae a muniki beya, ade beboa fowola kī, ‘Boe ɔlate, boe ɔlate, binya opunu kakpa boe!’

XII “Obolitsõ onyo a kpa mbuaye kī, ‘Oowo! Ne onokwali kame ni, ñnyina mi!’ ”

XIII Yesu le ewūna kī, “Ne foesū mina ne kukūmane kame, kitonekī minyina luwi iye doūhuile a.

Yesu Bɔa Legbã Ne Basumune Elale a Akū.

XIV “Ode legākanyakõ a la nde foletsã kī. Onyole odi mane akū kī yanaa osi akū. Ewe ye basumune ekpota ade ekwa ye fotsã kī edeã a edo ne be awe a.

XV Ekpa odi nye odi ne ye mbodibo onukpẽ. Foesū ekpa oti mwa sika owoe mpim elo, ekpa obebã mpim nviã, ade ekpa olaledede a apim mwa, edzakū enaa osi akū a.

XVI ɔsumune a kī ete sika mpim elo a, nadani awe ne se akū ena mpim elo nfaso ete ne se akū.

XVII Ade ayea oti a kī ete sika mpim nviã leme nadani awe ne se akū ena mpim nviã ete ne se akū a.

XVIII Leme ɔsumune a kī ete apim mwa a, natu leke ekwa ye ɔlate sika a ekola ne de kame.

XIX “Ne loko geleele liti a, be ɔlate a muniki eya, ade ekena akunta mo be a.

XX ɔsumune a kī ete sika mpim elo a kwa se mo mpim elo kute a eyamena ele kī, ‘Boe ɔlate, sika mpim elo a kī okpa yi a, dã nna mpim elo bebã nte ne se akū.’

XXI “Ye ɔlate a bi ye kī, ‘Mbo, ɔsumune wi mo onokwalini! Odi onokwali ne fotsã kabii akū,

foesũ maakɔa nɔ ndzela ne fɔtsa pii onukpẽ.
Yaawo ne yĩ kawɔlekamɔ kame!

XXII “Ɔsumune a kĩ ete sika mpim nviã a leme yale kĩ, ‘Boe ɔlate, ɔkpa yĩ sika mpim nviã. Dã, nna mpim nviã bebã kute nte ne se akũ.’

XXIII “Ye ɔlate bi ye kĩ, ‘Mbo, ɔsumune wĩ mɔ ɔnɔkɔalini! Odi ɔnɔkɔali ne fɔtsa kabii akũ foesũ maakɔa nɔ ndzela ne fɔtsa pii onukpẽ. Yaawo ne yĩ kawɔlekamɔ kame!’

XXIV “Ade oti a kĩ ete sika apim mɔa a yabi ye kĩ, ‘Ɔnɔkɔẽ, ãnyina nɔ kĩ oti mɔ ɔsĩ ane. Ana fɔtsa ne awã kĩ ɔtádu foe, ade akpɔta funitsã ne awã kĩ ɔtádu foe a.

XXV Ne foesũ nvila, ade nnakɔa nɔ sika a nnabila ne tite kame a. Amɔ nɔ fɔtsa ne awĩ.’

XXVI “Ye ɔlate kpa ye mbuaye kĩ, ‘Nɔ ɔsumune kpa mɔ ɔnyɔnepo! Nte onyina kĩ mana fɔtsa ne awã kĩ ntádu foe, ade makpɔta fɔtsa ne awã kĩ ntásã foe a ni,

XXVII kufe kakɔa akɔa sika a ɔnaado ne sika kakɔlakɔ ayekĩ nte mmuniki ãya, maate se mɔ se akũ kute a.

XXVIII “ ‘Mite sika a ne ye awe, mikɔa se mikpa oti a kĩ edeĩ sika mpim ewua a.

XXIX Kitonekĩ odi nye odi kĩ edeĩ fɔtsa ni, baakɔa fɔtsa pii bibu ye, ade yaana foe fublusu a. Leme oti a kĩ elá letsama ni, foe kabii a kĩ edeĩ a malo baate foe ne ye awe.

XXX Ɔsumune kĩ ye akũ lelá nfaso kĩĩ lenéne ekpa letsama kakena. Foesũ mita ye mimuni ne ɔtũ kame. Ade awã yaana ebe eba adõ a.’

Yesu Le Kɔdzela Ne Bati Kadzemenena Nkae a Akũ.

XXXI “Nte Otidziwa Obi a to ode eya ne ye kukũkpale kame, kĩ ode foto banyane flee a tomo ye a, yaadzi ne ye legãkpo a akũ.

XXXII Ade baakpota katinya kame bati flee ne ye ane kame a. Adeke, yaasẽ be ne kutsu nviã kame nde ayekĩ baveli okpãne asẽ baveli mo kutukpabi kame a.

XXXIII Yaakoa bati wĩ a edzala ne ye somona, lokoa bati kpa a anna ne ye seba.

XXXIV “Legã a aabi bati ne ye somona a kĩ, ‘Miya, mi a kĩ Nda hila a. Miyaawo ne legã kanyakõ a kĩ bemane biyi bekpa mi a kame, kito ane kĩ bebõa katinya kame a,

XXXV kitonekĩ kĩ kole ko yĩ a, mikpa yĩ litsedi ñya. Kĩ omoado kõ yĩ a, mikpa yĩ mui mmoa, ade kĩ ñnye ononõ a, mite yĩ ne mi toto kame.

XXXVI Kĩ ndzi odzo a, mido yĩ atadie, kĩ maso a midã yĩ akũ, ade kĩ nwaa kola a, miyasela yĩ.’

XXXVII “Ade bati wĩ a aavia ye kĩ, ‘Boe Olate, luwei bomó no kĩ kole ko no mo bokpa no funitsã, ñye kĩ omoado ko no mo bokpa no mui omoa?

XXXVIII Luwei bomó no ononõ mo bote no ne toto kame, ñye luwei otsã odzo mo bokpa no atadie odo?

XXXIX Luwei oso mo bodã no akũ, ñye luwei owa kola mo boyasela no?’

XL “Legã a aakpa be mbuaye kĩ, ‘Mabi mi ne onokali kame kĩ letsa nye letsa kĩ mikena mikpa nwaẽ ame babisẽ kĩ kĩ belá obu a kame odi ni, yĩ mikena foe mikpa!’

XLI “Adeke mo Legã a aabi bikĩ ne ye seba a kĩ, ‘Mine liti ne yĩ akũ, mi bati kĩ Baguma dumu!

Mito minaa fi kī foadī da a kī bemanε bekpa Abonsam mo ye ode foto banyane a kame!

XLII Kole ko yi leme mitakpa yi inya, omado ko yi leme mitakpa yi mui mmoa.

XLIII Inya ononoe leme mitate yi ne mi toto kame. Ndzi odzo leme mitado yi atadie. Nso mitada yi akū, ade nwa kola leme mitayaasela yi a.’

XLIV “Ade be malo baakpa mbuaye kī, ‘Boe Olate, luwei to kole ko no, iye omado konon, iye onya ononoe, iye odzi odzo, iye oso, iye kī owa kola mo botakena letsama bokpa no?’

XLV “Legā a aakpa be mbuaye kī, ‘Mabi mi ne onokali kame kī letsa nye letsa kī mitakena mikpa nwaε ame babise kī belā obu kī kame odi ni, yi mitakena foe mikpa.’

XLVI “Foesū baanamō bati kī lubokamo a kī lelā kawūna a kame, leme bati wī a aanaa nkpā kī elā kawūna a kame.”

XXVI

Yudafō Kena Nhihie Ne Yesu Akū.

I Kī Yesu le foletsa kī flee eyua a, ebi ye fotsa bakolene a kī,

II “Minyina kī kite fuwi nviā kī banya Wuda Katē luwi a. Ne fuwi a na kame, baanye Otidziwa Obi a bekpa kī bebōa ye ne asendua akū.”

III Ade basofonokoε mo omai banokoε a tsena ne osofonokoε Flee Kaiafa toto kame a.

IV Bekena nhihie kī baapi Yesu ne kabela kame lokoa beko ye.

^V Bele kī, “Ketáne kī boakena foe ne fuwi kanya a kame, nte nné aye ni, bati a aado otutū ne omaĩ a kame.”

Betsela Yesu Kugua Mɔ Olē Ne Betania.

^{VI} Yesu naa Simon kī eso tō foso ngbā a awā ne Betania.

^{VII} Loko a kī Yesu dzi ne opunu akū ekanya a, otsole odi kī enee tumpā mɔ kale, kī eyi mɔ kugua mɔ olē yatsokui kugua eko ne Yesu lolɔ kame.

^{VIII} Kī fotsa bakolene a mó fukī a, bena kalokpa ade bivia kī, “Nde sū yabula kugua a kade lomɔ?”

^{IX} Baapuli beno koe mɔ koyā baū lokoa bekɔa se bite ahiāfo!”

^X Yesu nu letsa a kī bekalē a, foesū ebi be kī, “Nde sū miaha otsole kī? Ekena fotsa wī ekpa yī.

^{XI} Ahiāfo deĩ ne mi kame daa, leme yī kō miláana yī ne mi kame daa.

^{XII} Letsa a kī otsole kī kēna nye kī eko kugua ne yī akū ekɔa emanē yī ekpa kabila.

^{XIII} Mabi mi ne onokoli kame kī kako nye kako kī baade letsā ne Kale Wī a akū ni, baalē letsa a kī otsole a kēna a leme, bekɔa bekai ye.”

Yuda Tuno Kī Yaanye Yesu Ekpa.

^{XIV} Adeke fotsa bakolene a ewua-nviā kame omɔa kī bave Yuda Iskariot a naa basofonokōē a sekē a.

^{XV} Enavia be kī, “Litsa míaakpa yī nte ntsa ye liti osi?” Bekā sika ovoe fobɔ taalē bido ne ye awe.

^{XVI} Kito loko a naa, ekawe osi wī a kī yaatsā enye Yesu ekpa.

Yesu Mo Ye Fɔtsa Bakɔlɛnɛ a Nya Wuda Katẽ Funitsã a.

XVII Nɛ Abodoo Kĩ Etáyila Luwi kanya lotɔnyade akũ a, fɔtsa bakɔlɛnɛ a ya nɛ Yesu sekẽ bivia ye kĩ, “Nɛ ndia awɛ kĩ bɔnaamanɛ bɔkpa nɔ Wuda Katẽ funitsã a kanya?”

XVIII Ekpa be mbuayɛ kĩ, “Minaa ɔmato a kame nɛ onyole odi sekẽ, mibi ye kĩ, ‘Fɔtsa Ɔtsanɛ bo yĩ lɔkɔ fuã, foesũ bɔmɔ yĩ fɔtsa bakɔlɛnɛ a bóayanya Wuda Katẽ funitsã a nɛ nɔ awã.’ ”

XIX Fɔtsa bakɔlɛnɛ a kɛna ndɛ ayekĩ Yesu bi be a, ade betɔ Wuda Katẽ funitsã a.

XX Kĩ olobe wo ɔtɔ a, Yesu mo fɔtsa bakɔlɛnɛ a nadzi kĩ banya.

XXI Nɛ kanyakɔ a, Yesu bi be kĩ, “Mabi mi pipipi kĩ mi kame ɔmɔa aanyɛ yĩ ekpa.”

XXII Fɔha fɔtsa bakɔlɛnɛ a paa, ade bivia ye ɔmɔa ɔmɔa kĩ, “Boe Ɔlate, yĩ manɛ mbɔɛɛ?”

XXIII Yesu kpa mbuayɛ kĩ, “Oti a kĩ bɔmɔ ye awɛ kpɔta nɛ sɔɔdaɛ kame a, ade ye aanyɛ yĩ ekpa a.

XXIV Otidziwa Obi a aaku ndɛ ayekĩ betsele nɛ Katsɛle Kpalewa a kame, lemɛ bɔbɔɛ makpa oti a kĩ ye aanyɛ Otidziwa Obi a ekpa! Ntɛ betama oti a na malo, kufɛ fɔnɛnɛ fɔkpa ye fɔbɛ!”

XXV Ade Yuda a kĩ enyɛ ye ekpa a lemɛ via kĩ, “Fɔtsa Ɔtsanɛ, yĩ manɛ mbɔɛɛ?”

Yesu kpa ye mbuayɛ kĩ, “Nɔ mɔawɛ lɛlɛ.”

Boe Ɔlate a Olobe Funitsã Kayɔkayi.

XXVI Kĩ bekanya a, Yesu bɔɛ abodoo, ade kĩ ebɔa mpɛ nɛ ye akũ a, ebulibuli ye ekpa ye fɔtsa bakɔlɛnɛ a, ebi be kĩ, “Mite minya, ade yĩ sukɛna nɛ awĩ a.”

XXVII Ke liti a, ebɔe okuluwa mo waĩ enye Baguma kole ade ekɔa ekpa be a. Ebi be kī, “Mi flee mitɛ mimɔa.

XXVIII Fukīi nye yī babɔane kī bekɔa bisipi Baguma apam mo bati a. Fɔnye yī babɔane kī biko ne tite ne bati pii lolɔ kī Baguma ekɔa be tɔkpa ete be.

XXIX Mabi mi kī nláabuki mmɔa waĩ kīi kɛnaawo luwi a kī bɔmɔ mi bɔmɔa waĩ vɔɛ ne Nda Legā kanyakɔ a kame.”

XXX Kī besā kolekanye ɔno biyua a, bene benaa Kugua Futse ɔto a akū.

Yesu Le Eyi Kī Petro Aasī Kī Enyina Ye.

XXXI Ade Yesu bi ye fɔtsa bakolene a kī, “Nviã lenye, mi flee mialo mifone yī, kitonekī Katsɛle Kpalewa a le kī,

‘Baguma aako baveli ɔkpāne a
ade baveli a aagba besā a.’

XXXII Lemɛ nte Baguma dzɛla yī ndzi nkpā ni, maanya mi lotɔ nnaa Galilea.”

XXXIII Petro bi Yesu kī, “Nte be flee aalo befone no malo ni, yī kɔ nláalo nfone no da!”

XXXIV Ade Yesu bi Petro kī, “Mabi no ne ɔnokɔali kame kī lenye kīi fɔmɔ ɔkɔko aabe ni, aale titi elale kī onyina yī.”

XXXV Petro kpa mbuaye kī, “Nláalo nfone no da nte kene kī bɔmɔ no aaku malo!” Ade ayea fɔtsa bakolene nkae a flee le kale moape a.

Yesu Bɔa Mpaɛ Ne Getsemane.

XXXVI Yesu mo ye fɔtsa bakolene a naa kako kadi kī bave Getsemane. Ebi be kī, “Midzi ne awī nnaa lotɔ nnaabɔa mpaɛ tɔ.”

XXXVII Ekpã Petro mo Zebedeo babi nviã ebumo ye akũ. Ne awã naa, ayoloho pi ye edo ekatila blibli awɛ,

XXXVIII ade ebi be kī, “Ayoloho te yī kame flee nde maku. Midzi ne awī bomo mi bokaadzole foko.”

XXXIX Kī enaa loto sukuloo a, etsa ane ne tite ebɔa mpae kī, “Nda, nte fɔadã bɔɛɛ fɔ lubo kamɔ kɔɔpu kī etɛ ne yī akũ! Leme nné ne ayekī mawe, mbom nde ayekī awɛ.”

XL Emuniki eya ne fɔtsa bakolene elale a sekɛ eyamo kī bewaa tida, ade ebi Petro kī, “Nde sū mi elale a miápuli midzi midzole doũhuile moape malo mibumo yī?

XLI Mikaadzole akũ, mikaabɔa mpae ayekī miláawo ne sohuiɛ kame. Hũhũ a awɛ leme sukena a kɔ kɛna kpetɛɛ.”

XLII Yesu buki enaa leyade enabɔa mpae ele kī, “Nda, nte fɔnye kī lubo kamɔ kɔɔpu kī lelápuli etɛ ne yī akũ mbɔente mmɔa ye ni, kekɔ kɛna ne no kawɛ akũ.”

XLIII Ebuki eya eyamo fɔtsa bakolene kī bewa tida, kī betápuli bibinya anɛ.

XLIV Yesu dzakũ efɔne be enabɔa mpae lelade, ele fɔletsɔ moape a.

XLV Ke liti a, emuniki eyabi ye fɔtsa bakolene a kī, “Tida miwaa miaweya? Midã, loko a wo ɔto kī baakɔa Otidziwa Obi a bido ne tokpa bakenane kobɛ awɛ.

XLVI Miyidza, mifɔ bɔnaa. Midã, oti a kī yaanye yī ekpa a, fuã.”

Yudafɔ Banokɔɛ a Pi Yesu.

XLVII Kĩ Yesu buki ekale kɔdzela a, Yuda kĩ enye fotsa bakolene ewua-nviã a kame ɔmɔa a yawo awã. Bati kɔdabu baũ a kĩ basɔfɔnɔkɔẽ mɔ ɔmã banɔkɔẽ do a tomɔ ye, benee fɔpame mɔ futsekpa ne awe.

XLVIII Oti a kĩ enye ye ekpa a, kpa be nsentseleni kĩ, “Oti a kĩ ye onukpẽ maadzeme a, ade ye ne awã a. Mipi ye.”

XLIX Yuda yele tĩ enaa Yesu sekẽ ade ele kĩ, “Fɔtsa Ɔtsane, lukudo litomɔ nɔ,” ade edzeme ye onukpẽ a.

L Yesu kpa ye mbuaye kĩ, “Ɔkɔba, we sɔwa ne letsa a kĩ ɔyaakena a akũ.”

Adeke bati a fuã bipi Yesu, bitimtim ye kɔɔba a.

LI Bati a kĩ bitomɔ Yesu a kame ɔmɔa vele kɔpã enye ne sepapo kame, etsua Ɔsɔfɔnɔkɔẽ Flee a ɔsumune sɔto emuni.

LII Yesu bi ye kĩ, “Kɔa nɔ kɔpã a kado ne koe kadokɔ, kitonekĩ odi nye odi kĩ ebɔe kɔpã ne oti akũ ni, kɔpã onukpẽ yaato.

LIII Mbɔee onyina kĩ kufe maapuli nwã Nda kĩ eyaabumɔ yĩ, kĩ letaleta yaado ode foto banyane sodzafɔ kĩ bebẽ kutsu ewua-nviã beya?

LIV Leme nte fɔya lomɔ ni, nde foletsa a kĩ betsele ne Katsela Kpalewa a kame a kĩ kene kĩ fɔya a, aaya ne foe kame?”

LV Ke liti a, Yesu via bati kɔdabu a kĩ, “Nde sũ minee apã mɔ futsekpa kĩ miayaapi yĩ nde oyekpane aye? Luwi daa madzi ne Asoli Kɔla kame katsa fotsa, leme mitápi yĩ.

LVI Leme fukĩ flee ya ne foe kame, ayekĩ foletsa a kĩ Baguma onukpẽ banyene a tsele biyi a, aaya

ne foe kame.” Ade awã naa mo ye fotsa bakolene a flee lo befone ye a.

Benamo Yesu Yudafo Foletsa Badzene Ane.

LVI Bati a ki bipi Yesu a, koa ye benamena Jsofonokoẽ Flee Kaiafa sekẽ, awã ki mbla bat-sane mo banokoẽ a natsena.

LVII Petro tomo be ne liti kolaa enawo ne Jsofonokoẽ Flee a toto kame. Ewo enadzi ki yada foletsa a ki foya a kawuna.

LX Basofonokoẽ mo Foletsa Badzene a flee we ki bama fova bite ne Yesu aku ayeki baako ye.

LX Tito ki bati pii ne beyama fova ne ye aku malo ni, betamo letsama ne ye aku.

Ne ke kawuna kame a, bati nvia ne beyadza,

LXI ade bele ki, “Onyole ki le ki, ‘Maapuli nveli Asoli Kola a, mbuki nke koe ne fuwi elale liti.’ ”

LXII Jsofonokoẽ Flee a yidza edza, evia Yesu ki, “Olanye onukpe ne foletsa a ki bebwe ne no aku a aku?”

LXIII Leme Yesu tabinya onukpe.

Ade Jsofonokoẽ Flee a buki ebi ye ki, “Ntani Baguma ki edzi nkpã a ki, bi boe nte no nye Kristo, Baguma Obi a.”

LXIV Yesu kpa ye mbuaye ki, “Ade aye ole a. Leme mabi mi ki kito finyaa kanaa ni, miamo Otidziwa Obi a ki edzi ne Baguma Kpale somona, ade yaya ne ode luflututu aku a!”

LXV Mo ye onukpe kato pe, Jsofonokoẽ Flee a yele ye atadie ele ki, “Onyole ki le fubusuotsa! Botabuki busi adansifo badima! Minu fubusuotsa a ki ele a!”

LXVI Litsa nye mi kakona?”

Bekpa mbuaye kī, “Eku koto, foesū kene kī beko ye.”

LXVII Adeke bitua tane biko ne ye ane kame, betale ye fukpeni, ade badi leme bale bale ye tolotō,

LXVIII ade bivia ye kī, “Kristo, nte onye Baguma onukpē onyene ni, bi boe oti a kī eboa nō!”

Petro Le Kī Enyina Yesu.

LXIX Kī Petro dzi ne lowabe a, Ɔsofoŋokōē Flee a ɔsumunetsole moa ya ne ye sekē ele kī, “Nō malo otomō Yesu Galileani a.”

LXX Leme Petro sī ne bati a flee ane ele kī, “Īnyina letsama ne letsa a kī ale a akū.”

LXXI Kī eyidza etsā onyukpē yanē ne kanya a, katsolebi ɔsumunē bebā mo ye, ade ebi bikī bedzē ne awā kī, “Onyole kī leme na ne Yesu Galileani a sekē tō.”

LXXII Petro buki esī elo fubo ele kī, “Īnyina onyole a na!”

LXXIII Owi tábuna mo banyole a kī bedzē ne awā ya ne Petro sekē bibi ye kī, “Ɔnokoli foane kī nō malo onye be kame ɔmoa, kitonekī nō kodzela kale kame nye nō kanya!”

LXXIV Awā naa, Petro do kadumu awe, katani fotsa kī, “Ɔnokoli male. Baguma ewele yī soto nte fovā mama. Īnyina oti a na!”

Deedimape okoko be.

LXXV Adeke mo Petro kai foletsa a kī Yesu bi ye a kī, “Fomo okoko aabe ni, aale titi elale kī onyina yī.” Ade ene enaa kanya enabe a.

XXVII

Bekpā Yesu Benamena Pilato Sekē.

^I Ne odenyinawi a, basofonokōē mo omaī banokōē a flee tsa fōlo bipi adzuni kī baaako Yesu.

^{II} Bisui ye bekpā ye benakōa bido ne Roma Abāā Onokōē, Pilato awe.

Yuda Wuda.

^{III} Kī Yuda, kī enye Yesu ekpa a, mó kī beko Yesu kōto a, fuwo ye kaloe ade ekōa sika owoe fōlo taale a ema basofonokōē mo banokōē a.

^{IV} Ebi be kī, “Nkena tōkpa, kī inye oti kī mfumsu adima lelāa ye akū nkpa kī beko.”

Ade bekpa ye mbuaye kī, “Fukīnaa letsēla boe. Nō kale kanē!”

^V Ade Yuda tale sika fōlo taale a ekō ne Asoli Kōla a kame, edzakū enado ye akū owē a.

^{VI} Basofonokōē a nafila sika a bele kī, “Sika kī nyē baboanē kaya sika, boe mbla tākpa osi kī bekōa se bido ne Asoli Kōla sika adakā kame.”

^{VII} foesū bipi adzuni ne se akū, ade benaya Fubui Ōmenē Tite kī tenya banovoē kabilakō.

^{VIII} Ne foesū keyawo nviā bave awā kī, Baboanē Tite.

^{IX} Ade Baguma Onukpē Ōnyenē Yeremia fōletsā a kī ele eyi a ya ne foe kame kī, “Bekōa sika owoe fōlo taale a kī Israel tuno baase ne ye lolō a,

^X beya fubui Ōmenē tite nde ayekī boe Ōlate we kī nkena a.”

Pilato Via Yesu Fōletsā.

^{XI} Befō Yesu dza ne Romafō Abāā Onokōē a anē. Ade Onokōē a via ye kī, “Nō nyē Yudafō legā a mbōeē?”

Yesu kpa mbuaye kī, “Nò lamò kale.”

XII Kī Yudafo basofonokōē mō òmaī banokōē a katsua ye onukpē malo ni, Yesu tále kadima.

XIII Adeke Pilato via ye kī, “Aánu fòletsa a kī bɛlamò kate ne nò akū flee a?”

XIV Leme Yesu sī etákpa kale mɔape malo mbuaye, foesū fòkena Abāã Ònokōē a wāwā paa.

Pilato Kò Yesu Wuda Kòto.

XV Ne Wuda Katē luwi lidi nye lidi kanya kame ni, Abāã Ònokōē a awe kòla bawane a kame òmò, kī bati kòdabu a awe a, awe kafone kakpa be.

XVI Ne loko a kame a, onyole odi kī bave Baraba, kī ete dī ne fòtsa kpa kakena kame waa kòla.

XVII Foesū kī bati kòdabu a kpòta a, Pilato via be kī, “Owei miawe kī nfone awe nkpa mi? Yesu Baraba mbòe kī Yesu a kī bave Kristo a?”

XVIII Kitonekī Pilato nyina pefee kī lineke kanò sū Yudafo banokōē a kpā Yesu beyado ne ye awe.

XIX Kī Pilato dzi ne fòletsa kadze lukpo kame a, ɔtsò do lotò beyabi ye kī, “Takena otì kpī a na letsama, kitonekī kadzò lenye mmó lubo paa ne kòda kame ne ye sū.”

XX Basofonokōē mō òmaī banokōē a fō bati kòdabu a wā Pilato kī efone Baraba awe lokòa beko Yesu.

XXI Ade Pilato via bati a kī, “Bati nviã a kame ɔwòdabe miawe kī nfone awe nkpa mi?”

Bekpa mbuaye kī, “Baraba!”

XXII Pilato via be kī, “Lòkòa litsa nkamò Yesu kī bave Kristo a?”

Be flee bekpa mbuaye kī, “Bòa ye ne asendua akū!”

XXIII Ade Pilato via be kī, “Litsa tokpa ekena?”

Ade bido fowola kabɔa kɔɔba awɛ kī, “Bɔa ye ne asendua akū!”

XXIV Kī Pilato mó kī letsama kakɛna buki leláa, mbom otutū aaya sū ni, ebɔɛ mui evɔle awɛ ne bati kɔdabu a anɛ elɛ kī, “Yī akpɔ mɔ abɔa leláa onyole kīi wuda kamɛ!”

XXV Bati kɔdabu a flee kpa mbuayɛ yoo kī, “Ye babɔanɛ a beya ne boe mɔ boe babi akū!”

XXVI Adeke Pilato fonɛ Baraba awɛ ekpa be a, ade kī efɔ bibo Yesu mɔ mple biyua a ekɔa ye ekpa kī bɛnaabɔa ye ne asendua akū.

Sodzafɔ a Di Yesu Nsekuo.

XXVII Ade abāā onɔkɔɛ a sodzafɔ kpā Yesu bɛnamɛna Pilato lowabe ade sodzafɔ katsu a flee yadza bisinya Yesu a.

XXVIII Bɛnyɛ ye tetadiɛ ne ye akū ade bɛkɔa atadiɛ wulaa ngbā bido ye a.

XXIX Bɛkɔa fɔtsɔlɛwɛ bɛnɔ legābɔɛ bɛtsa ye, ade bɛkɔa otse bido ne ye somɔna awɛ a. Bɛkake aduli ne ye anɛ kadi ye nsekuo kī, “Yiiduu! Yudafɔ legā a edzi nkpā daa!”

XXX Bitua tanɛ biko ne ye akū, bɛtɛ otse a ne ye awɛ biwula ye ne lolɔ.

XXXI Kī bidi ye nsekuo lomɔ biyua a, bɛnyɛ atadiɛ wulaa a ne ye akū bɛbɔɛ ye mɔawɛ tide a bibuki bido ye. Ke liti bɛkpā ye bɛnɛmɛna kī banaabɔa ye ne asendua akū.

Bɛbɔa Yesu Ne Asendua Akū.

XXXII Kī bɛnɛ banaa a, bɛtsɛlamɛna onyole odi kī bawɛ Simon, kī eto Kirene. Sodzafɔ a hɛ ye kī elɔ Yesu asendua a.

XXXIII Ade beyawo kako kadi kī bave Golgata, kī foe kayo nye Oti Lolo Fotsō.

XXXIV Ade awā bekpa ye wāi kī betseka mo otsonu mo onye kī emoa a, leme kī eta be onukpē edā a, esī be kamoa.

XXXV Kī sodzafō a boa ye bemena ne asendua akū biyua a, beta bavulibi ne ye tetadie akū, besē bekpa akū.

XXXVI Ke liti a, bekena akū bidzi ne awā bekadzole ye akū.

XXXVII Ade betsele ye onukpē katsua foletsa ne ye lolo nyange kī, “Ade Yesu Yudafō Legā a ne awā a.”

XXXVIII Bēboa bayekpane nviā leme bemena ne asendua akū bibumo Yesu, omoa ne ye somona, oyade ne ye seba.

XXXIX Bati a kī betsā awā batē a, kakpōkpa folo, kata fuvūnatsa kamena Yesu,

XL ade bekale kī, “Nō a kī ole kī aaveli Asoli Kola a, lokoa obuki oke koe ne fuwi elale kame a, te nō akū! Nte Baguma Obi ane ni, duma ne asendua a akū!”

XLI Ade ayea leme basofonokōē mo mbla bat-sane mo omai banokōē a di Yesu nsekua kī,

XLII “Ete bati bebā nkpā, leme yaapuli ete ye akū. Nné ye nye Israel legā a? Kekō eduma ne asendua a akū finyaa, lokoa bóate ye budo!

XLIII Yate Baguma kado ade yale kī Baguma Obi yanē. Nte Baguma awe ye kale nuwī ni, eyaate ye finyaa!”

XLIV Ade ayea bayekpane nviā a kī bebōa ne asendua akū a malo vūna Yesu a.

Yesu Wuda.

XLV Kĩ kito suwa tɔdɔũ ewua-nviã a, katinya kame flee ke ɔtũ kenawo olobe tɔdɔũ elale kame.

XLVI Nde tɔdɔũ elale kame a, Yesu boã fɔwɔla kɔɔba kĩ, “Eli, Eli, lama sabaktani?” Foe kayɔ nyɛ kĩ, “Yĩ Baguma, yĩ Baguma, nde sũ ɔfɔne yĩ awe?”

XLVII Kĩ bati a kĩ bedzẽ ne awã a kame badi nu letsa a kĩ ele a, bele kĩ, “Onyole kĩ ave Eliya!”

XLVIII Ade deedimɔape be kame ɔmɔa wula atse enabɔe ɔsape edo ne waĩ yilawa kame ekɔa evela ne otse onukpẽ, edela ete ye ne onukpẽ kĩ emɔa.

XLIX Lemɛ bati bebã a le kĩ, “Dza tɔ. Mifɔ bodã nte Eliya aayanye ye mbɔee?”

L Yesu buki ebɔa fɔwɔla kɔɔba, ade emena onukpẽ a.

LI Adeke lima kpale a kĩ bevɛla ne Asoli Kɔla kame a bẽ fɔke nviã, kito nyange keyawo kayɔ. Tite kuna boe bakpale bakpale yeɛ,

LII funike binya ade bedzɛla bati kpalewa pii kĩ biku a bidzi nkpã a.

LIII Kĩ Yesu yidza eto kanɔkpa liti a, bati kpalewa a né ne funike a kame benaa Yerusalem, ɔmato kpalewa a kame, awã kĩ bati pii mɔ be.

LIV Kĩ sodzafɔ ɔnɔkɔẽ a mɔ bikĩ bibumɔ ye bekadzɔɛ Yesu akũ a mɔ tite kakuna mɔ fɔtsa bebã kĩ fɔya a, libe wo be paa ade bele kĩ, “Ɔnɔkɔali obi kĩ nyɛ Baguma Obi!”

LV Batsole pii kĩ bito Galilea, kĩ bitómɔ Yesu bekabumɔ ye a, dza mɔ lugo bekadã.

LVI Be kame badi nyɛ Maria Magdalani, Maria kĩ enye Yakobo mɔ Yosef ɔma, mɔ Zebedeo ɔtsɔ.

Yesu Kabila.

LVI Kĩ olobe wo ɔto a, onyole osikani odi kĩ bave Yosef, kĩ eto Arimatia, kĩ ye malo enya Yesu fɔtsa bakolene a kame ɔmoa a yane eta.

LVIII Enaa Pilato sekẽ enawã ye kĩ ekɔa Yesu ɔnokpa a ekpa ye. Ade Pilato kpa osi kĩ befone ɔnokpa a awe bekpa ye a.

LIX Foesũ Yosef boe ɔnokpa a, ade ekɔa aklala fitaa voẽ esuli ye,

LX ekɔa enado ne ye moawe linike voẽ kĩ efõ benye ne de kpale ɔke kame a. Emininya de kpale esua linike a onukpẽ ade edzakũ a.

LXI Maria Magdalani mo Maria kĩ a dzi ne awã betselamo linike a bekadã.

Badzɔlene Na Ne Kuni a Ɔwẽ.

LXII Ne luwi leyade, kĩ lenye Kaweya Luwi ɔɔne a, basofonokɔẽ mo Farisifo yatsena ne Pilato sekẽ,

LXIII bibi ye kĩ, “Ɔnokɔẽ, bute ane kĩ, kĩ ɔvãlevã a na dzi nkpã a, ele kĩ, ‘Maayidza ndzi nkpã ne fuwi elale liti.’

LXIV Foesũ kpa mbla kĩ bedzɔle ye kuni a akũ kadzɔle wĩ kenaawo luwi lelalɛde a akũ. Nte nné aye ni, ye fɔtsa bakolene a aapuli benaaye ɔnokpa a lokɔa bibi bati kĩ bedzela ye bitomɛna banokpa kame. Nte fɔya lomɔ ni, liti fɔvã a aaba fɔtonyade a.”

LXV Pilato bi be kĩ, “Mikpã badzɔlene mi-namɛna, midzɔle kuni a akũ ayekĩ míapuli.”

LXVI Foesũ bedzakũ benatim de a ne kuni a onukpẽ kɔɔba, ade bedzela de akũ badzɔlene ne awã a.

XXVIII

Yesu Kayidza Kato Kanokpa.

^I Kĩ Kaweya Luwi a tẽ, ne ekwansieda a luwi lotonyade kĩ lenye Ekwansieda odenyinawi a, Maria Magdalani mo Maria kĩ a naa kĩ banaadã Yesu kuni a.

^{II} Letaleta tite kuna mo osĩ mo osĩ, kitonekĩ ode foto onyane to ode eka eyamininya de ne linike a onukpẽ a eyi, ekena akũ edzi ne de akũ.

^{III} Ye akũ flee la nde odetó kame kamɔane aye, ade ye tetadie voe fitaa nde aklala aye a.

^{IV} Libe wo bikĩ badzole fokó a paa, bekatila blibli, bekena nde banokpa.

^V Ade ode foto onyane a bi batsole a kĩ, “Mitavila! Ìnyina kĩ Yesu a kĩ bebɔa ne asendua akũ a miawɛ.

^{VI} Eláa awĩ, kitonekĩ bedzela ye edzi nkpã nde ayekĩ ele eyi a. Mifuã miyaadã awã kĩ ewa a.

^{VII} Miwe sɔwa minaabi ye fotsa bakolene a kĩ, ‘Eyidza eto banokpa kame. Enyaa mi loto yanaa Galilea. Ade awã míamɔ ye a!’ Mite ane ne letsa a kĩ mbi mi a akũ.”

^{VIII} Foesũ batsole a dzakũ moatse ne linike a ɔwẽ, ade bekɔa libe mo kawole, biwula atse kĩ banaabi ye fotsa bakolene a letsa a kĩ leya a.

^{IX} Letaleta Yesu tselamɔ be ade ebi be kĩ, “Lukudo litomɔ mi.” Bifuã beyapili ye ne foneta, bike aduli bisum ye.

^X Ade Yesu bi be kĩ, “Mitavila, mbom minaabi nwaẽ ame kĩ benaa Galilea, lokɔa baamɔ yĩ ne awã.”

Badzolene a Nale Letsa a Kĩ Bemó.

XI Kĩ batsole a dzakũ banaa a, kuni a akũ badzɔlenɛ a kame badi naa ɔmato kame benabi basɔfɔnɔkɔɛ a letsa a kĩ leya a flee.

XII Kĩ basɔfɔnɔkɔɛ mo ɔmaĩ banɔkɔɛ a tsa fɔlo a, bipi adzuni ade bekpa badzɔlenɛ a sika baũ,

XIII bibi be kĩ, “Mile kĩ, ‘Lenye a kĩ bowa tida a ade ye fɔtsa bakɔlenɛ a yaye ɔnɔkpa a bedzakũmena a.’

XIV Adeke mo nte fɔletsa kĩ wo Abãã ɔnɔkɔɛ soto kame ni, bóapi foe onukpẽ kĩ fɔláanya ɔhau fɔkpa mi.”

XV Badzɔlenɛ a te sika a, benakena nde ayekĩ bibi be a. Foesũ ade fɔletsa kĩ legba ne Yudafɔ kame benɛɛ bale keyawo nviã kĩ a.

Yesu Nye Ye Akũ Etsa Ye Fɔtsa Bakɔlenɛ a.

XVI Ne foe kame a, fɔtsa bakɔlenɛ ewua-odi a naa Galilea ne ɔto a kĩ Yesu tsa be kĩ benaa a akũ.

XVII Kĩ bemó ye a, bike aduli bisum ye, lemɛ be kame badi te atsendze.

XVIII Yesu fuã be ele kĩ, “Baguma kɔa tite mo ode otumi flee edo ne yĩ awe.

XIX Foesũ minaa fude flee kame ne kako nye kako, minaaakena bati a bedani yĩ fɔtsa bakɔlenɛ. Miwɔla be mui ne ɔlega a, Obi a mo Hũhũ Kpalɛwa a dĩ akũ.

XX Mitsa be kĩ bidi ne letsa nye letsa a kĩ nhe mi a akũ. Midã, ndeĩ ne mi sekẽ luwi daa kɛnaawo katinya kawũna.”

Baguma Apam Vɔɛ a Tɔwuli
Tɔwuli: Baguma Apam Vɔɛ a Tɔwuli New Testament
copyright © 2008 Wycliffe Bible Translators, Inc.

Language: (Tɔwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e